



## Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ  
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonCommercial  
3.0 Unported (CC BY-NC 3.0) license.**

Դու կարող ես.

պատճենել և տարածել նյութը ցանկացած ձևաչափով կամ կրիչով  
ձևափոխել կամ օգտագործել առկա նյութը ստեղծելու համար նորը

You are free to:

**Share** — copy and redistribute the material in any medium or format

**Adapt** — remix, transform, and build upon the material

11,562

19251  
87



2032

3504

3

~~5~~

11,562.

24

31 SEP 2007  
31 AUG 2007  
2032

Հ.Ը.Ձ. ԲԵՀ. ՅՈՎԱԿԻՄՅԱՆ

9(47.925)

2-87

48.


ԱԿՆԱՐԿՆԵՐ

ՈՒՏԻԱՑԻ ԵՒ

ՄԱՀՄԵԴԱԿԱՆ

1004  
17255

ՀԱՅԵՐԻ ՄԱՍԻՆԱՆ-ՀԱՆՐԱՅԻՆ



ԹԻՖԼԻՉ 1904

Տպարան «ՀԵՐՄԷՍ» Բնկ. Մադաթ. փող. 15-  
(59)



14 JUN 2013


2835

ՀԱՅԿԱՍՏԱՆԻ ԳՐԱԴԱՐԱՆ

Մ. Տ. Բ. Ի. Բ. Ի. Բ.

ՀԱՅԿԱՍՏԱՆԻ ԳՐԱԴԱՐԱՆ

Дозволено цензурою. Тифлисъ, 28 Сентября 1904 г.



ՄԵՆՍՊԱՏԻԻ

Պ. ԱԼԷԻՍԵՆՈՍ ՅՈՎ. Հ. ԳԵՌՍԻՄՅԱՆԻՆ

ԲԱՐԵԿԱՄԱԿԱՆ ՆՈՒԵՐ՝

Հեղինակից.

Посвящается

Многоуважаемому

Алексѣю Ивановичу

**КАРАКАШЪ**

ОТЪ АВТОРА.



ՀԱՅԿԱՍՏԱՆԻ ՀԱՆՐԱՊԵՏՈՒԹՅԱՆ ԱՊՐԱՆՈՒԹՅԱՆ ԿՈՄԻՏԵ

ՀԱՅԿԱՍՏԱՆԻ ՀԱՆՐԱՊԵՏՈՒԹՅԱՆ ԱՊՐԱՆՈՒԹՅԱՆ ԿՈՄԻՏԵ

ՀԱՅԿԱՍՏԱՆԻ ՀԱՆՐԱՊԵՏՈՒԹՅԱՆ ԱՊՐԱՆՈՒԹՅԱՆ ԿՈՄԻՏԵ

ՀԱՅԿԱՍՏԱՆԻ ՀԱՆՐԱՊԵՏՈՒԹՅԱՆ ԱՊՐԱՆՈՒԹՅԱՆ ԿՈՄԻՏԵ

ՀԱՅԿԱՍՏԱՆԻ ՀԱՆՐԱՊԵՏՈՒԹՅԱՆ ԱՊՐԱՆՈՒԹՅԱՆ ԿՈՄԻՏԵ

ՀԱՅԿԱՍՏԱՆԻ ՀԱՆՐԱՊԵՏՈՒԹՅԱՆ ԱՊՐԱՆՈՒԹՅԱՆ ԿՈՄԻՏԵ

ՀԱՅԿԱՍՏԱՆԻ ՀԱՆՐԱՊԵՏՈՒԹՅԱՆ ԱՊՐԱՆՈՒԹՅԱՆ ԿՈՄԻՏԵ

ՀԱՅԿԱՍՏԱՆԻ ՀԱՆՐԱՊԵՏՈՒԹՅԱՆ ԱՊՐԱՆՈՒԹՅԱՆ ԿՈՄԻՏԵ

ՀԱՅԿԱՍՏԱՆԻ ՀԱՆՐԱՊԵՏՈՒԹՅԱՆ ԱՊՐԱՆՈՒԹՅԱՆ ԿՈՄԻՏԵ

ՀԱՅԿԱՍՏԱՆԻ ՀԱՆՐԱՊԵՏՈՒԹՅԱՆ ԱՊՐԱՆՈՒԹՅԱՆ ԿՈՄԻՏԵ



Ա.

Հարիւրեութ տարի է, որ մենք Հայերս էլ ունինք մեր պարբերական մամուլը, որի ներկայացուցիչները աշխատել և գործել են այնչափ, որչափ որ շրջապատող հանգամանքներն ու պարզազանները ներել են: Նրանք զարթեցրել են զանազան խնդիրներ, որոնցից ոմանք՝ այսպէս կամ այնպէս ստացել են իրենց լուծումը, իսկ ոմանք էլ տրուել են մոռացութեան: Մոռացութեան և անուշադրութեան մատնուած խնդիրները մինն էլ այն է, որ մենք Հայերս երբէք ծանօթութիւն չունինք մեր երկրի ազգաբնակչութեանց տեղագրութեան և զանազան փոփոխութիւնների վարք ու բարքի, նիստ ու կացի, ազգային ինքնուրոյն առանձնայատկութիւնների և սովորութիւնների հետ: Մեր երկրի զանազան ազգերի առանձնայատկութիւնների, նրանց լեզուի, կրօնի և ազգային սովորութիւնների մասին մենք միշտ օտար ազգիւրներից ենք տեղեկութիւններ քաղում, որոնք շատ անգամ սխալ և անստույգ են լինում: Այն ինչ մեր երկրի բանխմաց, հասկացող և ին-



տելլիզէնտ դասը, իբրև տեղացի և տեղական հան-  
 դամանքներին ծանօթ, մեծ ծառայութիւններ կա-  
 րող էր անել: Կրթուած դասը, համարձակ կարող  
 էր լուսաւորութեան ու քաղաքակրթութեան կա-  
 բուցեալ հանդիսանալ, եթէ իւրաքանչիւր գաւառի  
 Հայ ժողովրդի նիստն ու կացը, օգն ու ջուրը,  
 հնութեան կնիք կրող սրբավայրերի, բերդերի ու  
 ամրոցների այժմեան իսկական վիճակը լուսա-  
 բանէր և հրապարակ հանէր: Բայց, տարաբախ-  
 տաբար, մինչև այժմ մեր հասկացող և բանի-  
 մաց դասը (աննշան բացառութեանց մասին չէ  
 մեր խօսքը) ոչ մի քայլ չէ արել այս մասին: Այս  
 իսկ պատճառով մեր մամուլը զրկուել է իւր հե-  
 տաբրբրական նիւթերից, իսկ Հայ ժողովուրդը չա-  
 բաւար տուժել է՝ մնալով խաւարամած տգիտու-  
 թեան և յետադէմ անշարժութեան մահաբեր քնի  
 մէջ: Ահաւասիկ ձեզ հզօր փաստեր: Հայ ընթեր-  
 ջողը աւելի ճիշտ և շատ տեղեկութիւններ ունի  
 մեզանից հազարաւոր մղոններով հեռու գանուող  
 ազգերի, որպիսիք են ծայրագոյն արևելքում—  
 Քորէացիները, Ճափոնացիները, Մանջուրիացիներ-  
 րը, Չինացիները, նոյն իսկ հարաւային Աֆրի-  
 կայում՝ մինչև անգամ վայրենի Զուլուաների ու  
 անօրինակ հայրենասէր և քաջամարտիկ Բօէրները  
 մասին, քան թէ՛ մի բուն Ուտիացիները, բրոնք  
 դարերից ի վեր ապրում են մեր քթի տակ (Նու-  
 խու գաւառում): Թէպէտև մեր հին պատմաբան  
 մատենագրներից միայն Մով. Կաղանկատուացին  
 իւր պատմութեան էջերում շատ բաներ է ասել  
 Ուտիացիների մասին, թէև մեր նորագոյնները

գեր. Սարգիս արքեպիսկոպոս Զալալեան \*) և Մա-  
 կար եպիսկ. Բարխուդարեանց \*\*) անձամբ շրջել  
 են Ուտիացոց աշխարհում, բայց սրանք շատացել  
 են գրել միայն տեղադրական չոր ու ցամաք տեղե-  
 կութիւններ: Իսկ Ուտիացոց ժողովուրդների վարք  
 ու բարքի, ընտանեկան նիստ ու կացի, ազգային  
 հնաւանդ սովորութիւնների ու առանձնայատկու-  
 թիւնների, նրանց հոգեկան ու բարոյական ար-  
 ժանիքների և թերութիւնների մասին չէք գտնի  
 և ոչ մի խօսք: Հարկաւ, այս ամենի մասին ժո-  
 ղովրդի ներքին խաւերում չէր կարող թափանցել  
 ոչ մի ճանապարհորդ, որի բուն նպատակն է շըր-  
 ջել գիւղէ գիւղ, քաղաքէ քաղաք և իւր տեսած-  
 ներն ու լսածները ճշտութեամբ գրի առնել: Մի  
 անձանօթ և մոռացուած ժողովրդի հոգեկան և  
 բարոյական պատկերը իւր հարազատութեամբ  
 միայն նա կարող է ստոյգ արձանագրել, ով որ  
 այդ երկրումն է ծնուել ու մնուել և կամ այդ  
 երկրումն է ազրել ու շնչել երկար տարիներից  
 ի վեր: Ի դէպ է ասել, որ, բարեբախտաբար, գեր.  
 Տ. Արիստակէս արքեպիսկ. Սեղրակեան սրբա-  
 զանը այդ կողմից, իւր կարգակից սրբազան եղ-  
 բարց մէջ, մի առանձին բացառութիւն է կազ-  
 մում: Վասն զի՝ 1867 թ. Ղարաբաղի թեմ. Ա-  
 ռաջնորդ Զալալեան Սրբազան իւր փոխանորդ 22-  
 ամեայ երիտասարդ բարձր. Տ. Արիստակէս վար-

\*) «Ճանապարհորդութիւն ի Մեծն Հայաստան», հս-  
 տոր ք. տես, 379—380 երես:  
 \*\*) «Աղուանից երկիր և դրացիք», տես, երես 244—245,



դապետ (այժմ արքեպիսկոպոս) Սեդրակեանցին ուղարկում է Նուխի՝ «թէ տեղական փոխանորդի վրայ եղած գանգատներին վերահասու լինելու և թէ գաւառի եկեղեցիներին և ժողովրդին այցելութիւն անելու և գանազան գործեր կատարելու» (համար \*): Անկեղծաբար պիտի խոստովանել, որ հայրենասէր երիտասարդ վարդապետը տեսնելով այդ դժբախտ երկրի վերին աստիճանի յետ մնացած և ողբալի վիճակը, հեռատեսութեամբ և լրջմտութեամբ մի լաւ քայլ է անում, այն է՝ Ուտիախօս Նիժ աւանից չորս, իսկ Չոուլու և Միրզաբէկլու իրար կից թրքախօս Հայադաւան գիւղերից ընտրում և ուղարկում է ս. Էջմիածնի ժառանգաւորաց հոգ. դպրոց մի-մի սրամիտ, ձայնեղ և քաջաողջ Հայ պատանիներ, որ գնան և սովորեն մայրենի հայերէն լեզուն և ապա վերադառնալով իրենց հայրենիք՝ քահ. լինին \*\*): Գեր. Տ. Արիստ. արքեպ. Սեդրակ. սրբազանի երկասիրած «Քահ. խնդիր» գրքի 6 և 7-րդ երեսներում ուղարկուած պատանիների մասին, ցաւելով պիտի ասել, սպրդել են հետևեալ անձիշտ տողերը.— «Չորս երեխաներն ընտրուեցին և ուղարկուեցին, բայց Մայր Աթոռի ժառանգաւորաց դպրոցից դուրս գալուց յետոյ նրանք փոխանակ իրենց հայրենական գիւղում քահ. լինելու, մէկը քահանայացաւ Թիֆլիզում և միւսներն էլ ընտրեցին ուրիշ տեղեր և պարապմունքներ»:

\*) «Քահանայական խնդիր», տես, երես 2—3:

\*\*\*) «Քահ. խնդիր», տես, երես 6—7:

Ստոյգ իրողութիւնն այս է. նախ՝ որ ընտրուեցին և ուղարկուեցին Մ. Աթոռի ժառանգ. դպրոց ոչ թէ չորս, այլ՝ վեց երեխաներ. չորսը՝ Նիժից, իսկ երկուսն էլ Չոուլու թրքախօս Հայադաւան գիւղից: Ահա նրանց անուանացուցակը և ընտրած պաշտօնավարութեան տեղերն ու պարապմունքները: Նիժ աւանից՝ 1. Սաչատուր ճոտանեանց, 2. Յովհաննէս Տ. Թովմասեան, 3. Վարդան Մարտիրոսեանց և 4. Յովսէփ Դաւթեանց, որոնք ս. Էջմիածնի օդն ու ջուրը չտանելու պատրուակով՝ կարճ ժամանակից յետոյ կիսատպատ վերադարձան իրենց հայրենի գիւղը և սկսեցին պարապել երկրագործութեամբ—վարուցանքով մինչև ցարգ: Չոուլուից՝ ուղարկուել էին Մելքիսեդէկ Սաչատրեան և Դաղարոս Յովսէփեան: Նուաստիս յորդորմամբ և համոզմամբ յիշեալ ընկերս հազիւ մնաց ինձ հետ միասին մինչև մեր ուսման աւարտելը: 1874 թ. Չոուլու և Միրզաբէկլու թրքախօս գիւղացիք համախօսական թղթով կամեցան քահ. ձեռնադրել տալ ինձ իրենց վրայ. բայց իմ ընկերոջ՝ Մելք. Սաչատր. ազգականներն ու ինձամիները երկու գիւղերումն էլ յաղթանակը տարան, նրա քահ. դառնալու գործը յաջողեցրին, իսկ ես, որպէս հօրից զբրկուած որբ պատանի, մնացի առանց տեղի և պաշտօնի: Նուխի քաղաքի արհեստաւոր և միջակ դասը կամեցաւ քահ. ձեռնադրել տալ ինձ իրենց վրայ, բայց այստեղ էլ մի քանի ազգեցիկ բէկերն ու աղաները ինձ՝ իբրև գիւղականի գաւակի, արժան և յարմար չհամարեցին ինձպէս մի թերուսին



քան. տեանել Նուխու պէս մի յետ ընկած գաւառական քաղաքում: 1874 թ. և 1875 թ. սկզբնւրին Գէորգ Գ. մեծագործ Հայրապետը բազմիցս անգամ պահանջեց ինձ Նուխու Հոգ. կառավարութիւնից, որ «փութով գնամ ս. էջմիածին մի շատ կարևոր գործի համար»: 75 թ. Մարտ աւ. մին հասայ ս. էջմիածին. հեռատես Հայրապետը շատ անգամ յորդորեց ու համոզեց ինձ, որ կուսակրօն լինիմ և դառնամ վարդապետ, բայց ես ինձ անարժան և անպատրաստ համարելով, բացէ ի բաց հրաժարուեցի այդ սրբազան կոչումից: 1875 թ. վերջերին, յաւերժայիշատակ Հայրապետը առանձին ս. կոնդակով կարգեց ինձ ուսուցիչ հայկական ձայնագրութեան և երգեցողութեան Թիֆլիզի բոլոր ծխական երկսեռ և օր. միջնակարգ դպրոցներում: 1880 թ. միւլտոյն մեծագործ Գէորգ Գ. Հայրապետի հայրական յորդորմամբ և հաւանութեամբ քան. ձեռնադրուեցի Թիֆլիզի ս. Մինաս եկեղեցու վրայ: Բայց երբէք չեմ մոռացել իմ դժբախտ հայրենիքս, այլ նրա լուսաւորութեան և յառաջադիմութեան համար ոչ մի ջանք չեմ խնայել և խնայում մինչև ցարդ: Թող ներողամիտ լինի ընթերցողս, որ ակամայ շեղուեցի՝ Գեր. Տ. Արիս. Սրբազանի ինձ վերաբերեալ յիշեալ անստոյգ տողերի պատճառով: Ուտիացիները մասին երբեմն-երբեմն երևացել են Հայ մամուլի էջերում թողցիկ թղթակցութիւններ, նամակներ և ձանապարհորդական ուսումնասիրական դիտողութիւններ, որոնց մէջ շատ նըշանաւոր տեղ է բռնում յայտնի քիմիկոս պրօֆ.

Անդրէաս Արծրունին: Այս պատկանելի դիտողականը, որքան ես յիշում եմ, 1875 կամ 1876 թ. Սղոմախի, Թելաւի և Զաքաթալի վրայով ձանապարհորդելով, հասաւ Նուխի և այնտեղից Ուտիախօս Վարդաշէն աւանը և ապա սկսեց իւր ձանապարհորդական տպաւորութիւնների ժասին գրել 76 թ. «Մշակի» զանազան համարներում: Բայց շատ ուխտս, որ ձեռքիս տակը չունիմ յիշեալ թերթի այն համարները, որոնցից կարողանայի օգուտ քաղել: Այսու ամենայնիւ, որպէս ուտիական անբախտ երկրի նժդեհ զաւակ, ինձ աւելի քաջ յայտնի են այդ ժողովրդի նիստն ու կացը, նրա բարքերն ու սովորութիւնները, քան թէ ուրիշ որ և է մէկին:

Հայոց պատմութիւնից և աշխարհագրութիւնից մեզ յայտնի է, որ Ուտի կամ Ուտիացոց աշխարհը համարւում էր Մեծն Հայաստանի 15 նահանգներից մէկը, որի սահմաններն են՝ հիւսիսից Դաղստանը և Կովկասեան լեռնաշղթան՝ մշտապէս սպիտակ ձիւնով պատած իւր Շահ-դաղ կոչուած զազաթով. արևելքից՝ Կասպեան ծովը, հարաւից Փայտակարանը և Սիւնեաց լեռները, իսկ արեւմուտքից Գուգարաց աշխարհը:

Այդ ընդարձակ, բերրի, պտղաբեր, ջրբառատ և հարուստ բուսականութեամբ լի ախնաւարը հովտում ապրում էին հին ժամանակ մի քանի հարիւր հազարից բաղկացած Ուտիացիք, որոնք հոգով, սրտով, կրօնով և ջերմ զգացմունքներով սերտ կերպով կապուած՝ ապրում են իրենց ազգակից և հաւատակից Հայի հետ միասին,



շատ երկար դարերից ի վեր: Բայց իրենց ընտանիքներում խօսում էին ուտիերէն լեզուով, որ մինչև ցարդ պահպանել են անկորուստ: Այս մի բուն քաջ և անվեհեր ժողովուրդը մեր անցեալ պատմութեան մէջ մեծ դեր է խաղացել: Իւր Հայ եզրօր հետ ձեռք ձեռքի տուած, մերթ ընդ մերթ նա սոսկալի կռիւներ է մղել իրենից աւելի թուով գերազանց անթիւ լեռնականների և արիւնարբու մահմեդական խաների հրոսակային խմբերի դէմ: Բաջասիրտ Ուտիացիք շատ անգամ ջարդ ու փրշուր էին անում իրենց դարաւոր թշնամիներին, իսկ շատ անգամ էլ մահաբեր հարուածներ էին ստանում նրանցից:

Երկւր դարերի ընթացքում, քաջամարտիկ Ուտիացիք կատաղի կռիւներ մղելով բարբարոս լեռնականների և արիւնարբու մահմեդականների դէմ, անհաւասար պատերազմների մէջ՝ նրանց մի մասը բոլորովին ջարդ ու փշուր եղաւ, մեծ մասը գերի տարուեց Աւղանխատանի, Բելուջխատանի և Պարսկաստանի խորքերը, մի մասն էլ մահմեդական կրօնն ընդունեց՝ միայն սոսկալի չարչարանքներից և անտանելի տառապանքներից ստիպուած: Մահմեդական կրօնն ընդունողներին՝ տիրող խաները սուրին թէ առատ ու ընտիր վարելահողեր և թէ բէկութիւն ու պէսպէս արտօնութիւններ և քննարկութեան հարցում հայերին ճշելու և նեղելու անձայր ու անսահման ամեն տեսակ իրաւունքներ: Իսկ մի փոքր մասը միայն ամենածանր գոհեր և ահագին զրկանքներ կրելուց յետոյ, հա-

ւատարիմ ու հաստատ քնաց իւր սուրբ կրօնի մէջ:

Այժմս զուտ Ուտիախօս Հայադաւան ժովուրդներն են Վարդաշէն և Նիժ բաղձամարդ գիւղաքաղաքները, որոնցից առաջինը 40—45 վերստ հեռաւորութեամբ գտնուում է Նուխու արևելեան կողմը և բաղկացած է 680 տուն ծխից, որից 300 տուն Հայադաւան, 200 տուն՝ հրէայ, 150 տուն յունադաւան \*) և 30 տուն պարսիկ, որ պատկանում են Սուննի աղանդին: Իսկ Նիժ գիւղաքաղաքը գտնուում է Նուխու հարաւարևելեան կողմը, 60—65 վերստ հեռաւորութեամբ, որի բնակիչների թիւը համնում է 900 ընտանիքի, որոնցից 100 տուն թուրքեր և լէզգիներ են, իսկ մընացած 800 տունը՝ զուտ Հայադաւան Ուտիացիներ: Թրքախօս Հայադաւան գիւղերն են Չոռլու,

\*) Տե՛ս «Ճանապարհորդութիւն ի Մեծն Հայաստան», երես 397, որի մէջ Չալախեան սրբազանը գրում է կրօնափոխ դարձած ուտիացիների մասին այսպէս: ...Ելորոց հարիւրն (100 տուն) թողեալ զհայրենի կրօնս եղեն վրացիք ի վերջին ժամանակս ի հարստահարութենէ ումենն ընչաքաղց եպիսկոպոսի, զորոյ անունն պատկառիմ ի գրել վասն մեծութեան աստիճանին, զոր յետոյ ընկալաւ: Այդ ընկալաց և արժարտնոյ եպիսկոպոսը Յովհաննէս Կարբեցին էր, որ 1831 թ. ընտրուեց Կաթողիկոս ամենայն Հայոց: Վստահելի և հաւատարիմ ծերունիներից ես լսել եմ, որ այդ անհետես եկեղեցականը՝ ս. Էջմիածնի պարտքերը հատուցանելու նպատակով, երբոր գիւղացոց վերջին անասունը բռնութեամբ վաճառել է տալիս, զայրացած ու զղուած այս բանից, 100 տուն հայադաւան Ուտիացիք մտնում են Վրաց եկեղեցու գիրկը:



Միրզաբէկու, Սուլթան-Նուբի, Վարդանյու, Փատառ և այլն և այլն, որոնցից առաջինները գտնուում են 4—8 վերստ հեռաւորութեան վրայ՝ Նիժի արևելեան կողմը, իսկ վերջինները դէպի հիւսիսային կողմը՝ 30—35 վերստ հեռաւորութեամբ:

Բ

ՈՒՏԻԱՅՈՑ ԵՐԿՐԻ ՕԴՆ ՈՒ ԶՈՒՐԸ

Ուտիացոց աշխարհի օդն առողջարար և ջուրն անուշահամ, բիւրեղի պէս պարզ ու վճիտ է լեռնոտ ու անտառային մասերում, ուր անթիւ սառնորակ աղբիւրներ և վտակներ են հոսում: Իսկ դաշտային տափարակ մասերում, առաւելապէս Նիժ գիւղաքաղաքի շրջակայ տափաստաններում, շատ ու քիչսակար է նրա օդն ու ջուրը, խայթող մոծակներով և միջատներով լի, տենդոտ և մալարիա վտանգաւոր հիւանդութեան բոյն: Այս բանին նպաստում են մեծ մասամբ բրնձի անվերջ ու անծայր արտերը, դրանց մարգերում՝ կիզող արևի տակ մնացած հոտած ու նեխած ջրերը, որոնք չորս կողմը մահաբեր թոյն են տարածում:

Բացի այս կորստարեւր հանգամանքից, կայ և մի ուրիշ արհեստական միջոց, որ կամաց-կամաց քայքայում ու կազմալուծում է ազգաբնակչութեանց ամբողջ կազմուածքը և ժամանակից

առաջ՝ մահուան գիրկն է նետում: Դա այն մեծ և խոր փոսերն են, որ իւրաքանչիւր տուն, իրենց սնային գործածութեան համար, գետից ջուր է հոսեցնում այդ փոսերի մէջ առուակով: Այդ ջրամբարների երեսները թէև խնամքով ծածկում են հաստ գերաններով և ապա հողով, որպէս զի թէ մաքուր մնայ ջուրը և թէ մարդ ու անասուն չընկնի նրանց մէջը, այսու ամենայնիւ, ամառնային ամիսներին, երբ չձտերի ջրերը սկսում են ցամաքել և բնակչութիւնը դաշտային երկրագործական աշխատանքներով պարապել, ջրամբարների ջրերը սկսում են հոսել ու նեխել: Հաստ գերաններով ծածկուած զանազան ծակ ու ծուկերում ոչ միայն գորտեր ու պէսպէս սողուններ են վխտում, այլ և շատ անգամ նոյն իսկ թունաւոր օձեր ու կրիաներ: Ահա այդ է գլխաւոր պատճառներից մէկը, որ դաշտաբնակ թէ ուտիախօս ու թրքախօս հայերի և թէ թուրքերի արական սեռը լինում է սովորաբար վտիտ, վատոյժ և թուլակազմ: Իսկ ընդհակառակն՝ իգական սեռը, կարմրաթուշ, առողջ, պնդակազմ և վարդագոյն, չարքաշ, համբերատար և սնային աշխատութեանց մէջ չափազանց աշխատասէր:

Գ

ՈՒՏԻԱՅՈՑ ՊԱՐԱՊՄՈՒՆՔՆԵՐԸ

Ուտիացի տղամարդկանց գլխաւոր պարապ-



մունքն է վարուցանք անել, որ կատարուած է հը-  
նադարեան Նոյ նահապետից ընդունուած ձևով և  
կարգով: Նա հերկում է, վարում է, ցանում է,  
հնձում է ցորենի և հացաբոյսերի ամեն տեսակ-  
ները այնպէս և այն եղանակով, ինչպէս որ նրա  
նախնիքներն են արել հարիւրաւոր և հազարաւոր  
տարիներ առաջ: Տնային և դաշտային անհրա-  
ժեշտ գործիքների ու ամենակարևոր առարկանե-  
րի մէջ ոչ մի նորութիւն, ոչ մի փոփոխութիւն  
ու յառաջադիմութիւն չէք տեսնի, այլ ամեն բան  
նահապետական, իւր սկզբնական նախական վի-  
ճակի մէջն է:

Մինչև ցարդ, նոյն իսկ թեթեաշարժ և յար-  
ժարաւոր սայլերի գործածութիւնն անգամ դեռ  
ևս չէ մտել Ուտիական աշխարհի ազգաբնակու-  
թեանց մէջ, այլ կոշտ ու կոպիտ և բարձր անիւ-  
ներով վիթխարի սայլեր են այն ձևով, որ ձևով  
սրանց նախնիքն էին գործածում շատ դարերից  
ի վեր: Միակ նորութիւնը և փոփոխութիւնը նը-  
րանուսին է, որ այդ անագին անիւների շուրջը  
պատում են այժմս երկաթէ հաստ օղակով, որ  
պինդ և դիմացկուն լինի: Այսպիսի խոշոր ու  
կոպիտ սայլերով իրենց նահապետական վար  
ու ցանքի հացահատիկները, կամ խոտ, վառե-  
լափայտ և ուրիշ ծանրութիւն կրելու համար  
բացառապէս գործ են ածում հսկայ և ուժեղ գո-  
մէշներ: Այս իսկ պատճառով տնային չորքոտա-  
նի կենդանիների մէջ ամենից պիտանին և ճահ-  
ճոտ ու քարքարոտ հեղեղատներից սայլերը դուրս  
քաշելու յարմարը գոմէշն է, որի իւրաքանչիւրի

արժէքն է 80-ից սկսած մինչև 100—115 ուրբ.  
որ աղքատ գիւղականի համար մի անագին գու-  
ժար է: Բայց ի սէր երկրագործութեան, ի սէր  
վար ու ցանքի և դաշտային ծանր աշխատանքնե-  
րի, Ուտիացի Հայը իւր բերանից կկտրի, իւր ըն-  
տանիքի անդամներին հազուատից կզրկի, անագին  
տոկոսներով պարտքերի տակ կմանի յատկապէս ու-  
ժեղ, արագաշարժ և լաւ լուծ կրող գոմէշներ ձեռք  
բերելու, որոնց համար համար իւր կեանքն ան-  
գամ չի խնայում:

Ահագին տարածութեամբ Ուտիացի Հայը ոչ  
միայն ամեն տեսակ հացահատիկների և բրնձի  
մշակութեամբ է պարապում, այլ և անամաւորու-  
ծութեամբ և այգեպանութեամբ: Ուտիացին իւր  
տան չորս կողմը զարդարում է զանազան տեսակ  
պտղատու այգիներով, որոնց մէջ հազարաւոր և  
բիւրաւոր թթենու մատաղահաս ծառեր է տըն-  
կում, յատկապէս մետաքսի որդերին կերակրելու  
համար: Մետաքս, որ Ուտիացոց աշխարհի ազգա-  
բնակութեան զլխաւոր և շահաւէտ պարապմանց  
ճիւղերից մինն է: Այգիներում և տան մօտակայ  
արօտատեղերում նոյնպէս դուք կտեսնէք ընտիր  
կաղնու բազմաթիւ տնկարաններ՝ ուղիղ և կա-  
նոնաւոր դձերի ուղղութեամբ տնկուած շարիշար,  
որոնք առատ տարիներին անագին արդիւնք են  
տալիս ժրաջան մշակող գիւղականին: Ուտիացոց  
աշխարհում խաղողի վազի մշակութիւնը իւր  
նախնական անդրձրհեղեղեան վիճակի մէջն է դեռ  
ևս. այսինքն՝ խաղողի վազերը առհասարակ փա-  
թաթուած են լինում անագին ծառերի վրայ: Այն-



պիսի հինաւորց խաղողի վազեր կտեսնէք, որոնք մարդուս ոտքի հաստութեամբ են, ահագին հաստութեամբ և բարձրութեամբ ծառի արմատից սկսած մինչև կատարն են բարձրանում և վաթաթուում են բոլոր ճիւղերի վրայ: Այսպիսի հինաւորց խաղողի վազը առատ տարին տալիս է մի ահագին սայլ լիքը խաղող: Բայց ողկոյզները խիտ տերևների տակ ծածկուած լինելու պատճառով ընդհանրապէս այս կողմերում խաղողը լաւ չի հասունանում և հետեաբար գինին լինում է թթու, թոյլ ու անգոյն: Սակայն աշխատասէր Ուտիացին ոչ մի կաթիլ գինի չի ծախի իւր մասնում գեսնի տակը թաղուած մի քանի տասնեակ լիքը կարասներէից. այլ ձմեռնային ամիսներին՝ ուրախութեան, նշանադրութեան ու հարսանեաց և բարեկենդանի ժամանակ՝ Մուղանի անապատի և կուր գետի ափերից որս բերած խոզի խորովածի վրայից կլմէ իւր թթուաջ գինին և կուտեցնէ ու կխմցնէ իւր տան պատուական հիւրերին: Ընդհանրապէս Ուտիացոց աշխարհի գաշտային բոլոր աշխատանքները կատարում են բոյստապէս տղամարդիկ, իսկ տնայինները՝ կանայքն ու հարսները և մատաղահաս աղջիկները:

Գ.

ԿԱՆԱՆՑ ՊԱՐԱՊՄ ՈՒՆՔՆԵՐԸ ԵՒ ՆՐԱՆՑ ՎԻՃԱԿԸ

Տնային բոլոր աշխատանքները կատարում են բացառապէս կանայք: Ահա այդ աշխատանքները. կարել, ձևել, լուանալ, բուրդ գզիլ և մա-

նել, աղբիւրից կամ գետից ջուր կրել ամեն օր, կերակուր եփել, հաց թխել, շատ տներում ամեն օր, որ մի տաժանելի գործ է. սերմացու ցորեն, բրինձ, գարի և կորեկ ընտրել, կթան գոմէշներն ու կովերը կթել, նրանց նորածին ձագուկներին խնամել, մածուն ու իւղ պատրաստել, տնային թռչուններին կերակրել և նայել: Ամառնային ամիսներին, թթեհու մատաղահաս ճիւղերը կտրատել օրը երեք անգամ, շալակով այգուց տուն կրել և մետաքսի որդերին կերակրել և լաւ խնամք տանել, կոկոնները քաղել, չորացնել արևի տակ, իսկ ընտիր տեսակի կոկոններից սերմացու վերցնել ու սերմերը հաւաքել մանր տոպրակների մէջ. պտուղների հասած ժամանակ, կաղնու և ընկուզենու ծառերը թափ տալ ու ժողովել, քաղած խաղողն ու այլ և այլ պտուղները զամբիւղներով կրել և տուն հասցնել և այլն և այլն: Կարճ խօսքով՝ ուտիախօս և թրքախօս Հայ կանայք տնային աշխատութեան մէջ աւելի շատ են աշխատում և մեծ գործ կատարում, քան թէ՛ իրենց խստապահանջ ամուսինները դաշտային աշխատութեան մէջ: Բայց ցաւելով պիտի ասել, որ ամբողջ երկրագնդիս երեսին ոչ մի տեղ, ոչ մի երկրում և գուցէ նոյն իսկ վայրենիների մէջն անգամ կին ասուած արարածը այնպիսի ցաւալի ստրկական ու ողբալի վիճակի մէջ չէ, ինչպէս որ Ուտիացոց գժրախտ երկրում: Այս ծանր և անվերջ աշխատութեան պատճառով ամբողջ օրը, առաւօտեան արշալոյսը գեռ չբացուած, Ուտիացի Հայ կինը անդադար աշխատում է շոգեշարժ մեքենայի պէս

15  
100  
100  
100  
100



և արագ-արագ վազում է աջ ու ձախ, որպէս զի ամեն բանին հասնելու հնար ու միջոց ունենայ: Այս դեռ ոչինչ է: Սակայն անտանելին այն է, որ ընտանիքի տղամարդը լինի իւր ամուսինը, կամ նրա փոքր եղբայրը (տագրը) դաշտից տուն եկաւ թէ չէ, հարսը պարտաւոր է նրա ոտքերը լուանալ կոնքի մէջ սառը ջրով: Նրա ձեռքերին ջուր լցնել և ձեռքերիչ տալուց յետոյ կայծակի արագութեամբ վազել դէս ու դէն, որպէս զի նրա համար կերակուր և հաց բերի: Աստուած մի արասցէ, եթէ հարսը մի փոքր ուշ բերի կերակուրը, կամ բերած ափսէները շարքում յանկարծ աղը կամ պղպեղը մոռացած լինի և կամ հէնց մածնի, կամ կերակրի ու հացի մէջ մի մազ երևայ, այն ժամանակ վայն է եկել այն դժբախտ հարսի գլխին: Տղամարդը կատաղի առիւծ է դառնում, գոռում, գոչում է խեղճ ու անօդնական հարսի վրայ, կարկտի պէս զգուկի հայհոյանքների հեղեղներ է թափում նրա հօրն ու մօր հասցէին: Իսկ երբեմն էլ լինում են այնպիսի անհամբեր և կատաղի արարածներ, որոնք առանց երկար ու բարակ մտածելու, ինչ որ իրենց ձեռքն է ընկնում, լինի պղնձէ կամ հողէ աման, քար ու փայտ շարտում են հարսի վրայ, որից շատ անգամ նրա մարմնի զանազան մասերն է կապտում, իսկ շատ անգամ էլ նրա կողերն է ջարդւում, որով կատարելապէս խախտւում է նրա առողջութիւնը: Դիմադարձութիւն անել, պատասխան տալ, կամ այսպիսի անխիղճ հարուածի մասին որևէ ձայն ու շշուկ հանել, երբէք չի կարող անխօս և կա-

մաւոր մունջ դարձած դժբախտ հարսը, այլ իւր սրտի խորքից ան կքաշի, սրտայոյզ յոգոց կհանի, օղիկ մօղիկ գալով, վիրաւորուած՝ կքաշուի տան մի անկիւն և լուռ ու մունջ արցունք թափելով, կանխձէ իւր ծնած սև օրը: Ահա այսպիսի խստասիրտ և անխիղճ մարդկանց շնորհիւ, մանկամարդ և զեղատեսիլ հարսերից շատերը հալ ու մաշ լինելով, մոմի պէս մարում են կամաց-կամաց և հանչում են յաւիտեան: Չնայելով որ ուտիախօս և թրքախօս Հայ կանայք իրենց վարք ու բարքի մաքրութեամբ, իրենց ամօթխածութեամբ և պարկեշտութեամբ, իրենց ամուսնական անասանան հաւատարմութեամբ և հաստատակամ առաքինութեամբ ամբողջ աշխարհիս երեսին նըմանը չունին ոչ մի տեղ և ոչ մի ժողովրդի մէջ: այսու ամենայնիւ ուտիախօս և թրքախօս կանայք ապրում են կատարեալ ստրկութեան մէջ, մինչև ցարդ, բառիս բուն և ընդարձակ նշանակութեամբ: Ուտիացի կինը կամ հարսը անխօս ու անլեզու մի արարած է, որին մի հասարակ ու չնչին բանի համար ոչ միայն իւր մարդը կարող է ձեռել նրան, հայհոյել և հազար ու մի տեսակ նախատական խօսքերով այրել ու խոցել նրա անմեղ սիրտն ու հոգին, այլ և ընտանիքի ամեն մի արական անդամը նոյնպէս կարող է նրան հայհոյել և անխղճաբար ձեռել իւր քէֆի ուզածի չափ: Ահա մի տարաբախտ աշխարհ, ուր խաւարն ու տգիտութիւնն է թագաւորում, ուր կոշտ ու կոպիտ ոյժը իւր աւերիչ ներգործութիւնն է անում: Ահա թանձր խաւարի մէջ թաղուած մի



դժբախտ երկիր, ուր հայ կանայք ողբալի վիճակի մէջ են, որոնք ոչ միայն իրենց կամքն ու ցանկութիւնը յայտնելու իրաւունքից զուրկ են, այլ և իբրև խօսուուն և բանական արարածներ, բացի իրենց դաժան ամուսնուց, տան անդամներէ արական սեռի մարդկանց հետ ձայնով խօսելու իրաւունք անգամ չունին: Տէրը մի արասցէ, նոյն իսկ որևէ դժբախտութեան կամ փորձութեան միջոցին ձայն հանել, կամ աղաղակ բարձրացնել անգամ չեն կարող. այլ միայն ձեռքի կամ գլխի հաւանական և բացառական պէսպէս շարժումներով եթէ կարողացաւ միայն հասկացնել իւր միտքը, լաւ, եթէ ոչ՝ թշուառ հարսը իւր երեսը ծածկող թանձր քօղի տակից՝ պիտի փսփսայ տան մէջ գտնուող երեսայի ականջին մի որևէ խօսք, իսկ սա էլ իւր թոթով լեզուով պիտի հասկացնէ ընտանիքի ամեն մի իրեն պատահող անդամին:

Ե

ԻՆՔՆԱՍՊԱՆՈՒԹԵԱՆ ԳՈՐԾԸ ՆՈՒԽՈՒ ԳԱՒԱ-  
ՌՈՒՄ ԵՒ ՀԱՅ ԺՈՂՈՎՐԴԻ ՉԱՃԵԼՈՒ ԲՈՒՆ  
ՊԱՏՃԱՌՆԵՐԸ ՌԻՏԻԱՅՈՑ ԱՇԽԱՐՀՈՒՄ

Շարու (Նուխու) և Շամախու նախկին խաների հարեմների թանկագին զարդերը եղել են Հայերից և Վրացիներից բռնութեամբ խլուած սևաչեայ նորատի մանկահասակ հրաշագեղ Հայուհիներն ու Վրացուհիները: Այս անտանելի չարի-

քից խուսափելու համար Ուտիացիների նախնիքները սկսում էին ծածկել թանձր քօղով բոլոր օրիորդների և նորատի հարսների երեսները՝ որպէս համեստութեան և ավօթխածութեան նշան:

Երկրորդ՝ սկսում էին նշանագրել երկուսն մանուկներին նոյնիսկ օրօրոցում, որի նշանը լինում էր «բէշիքերթմա», այսինքն՝ օրօրոցի վերևի գլանաձև փայտի վրա խաղ քաշել կամ կախել արծաթէ մի փոքր զրամ (20 կոպ.): Հարսնացու աղջիկն ու տղան երրորդ դասում էին 9—10 տարեկան, պսակում էին նրանց, որպէս զի մատաղահաս կոյս աղջիկներին կարողանան փրկել տրոփոտ պարսկական խաների և զաղանաբարոյ բէկերի բռնի յափշտակութիւններից: Ի դէպ է ասել, որ տողերիս գրողի մայրը լինելով գեղանի աղջիկ և ինքն էլ նշանաւոր հարուստի զաւակ, հօրս մայրը պսակել է տալիս իւր 12 տարեկան որդուն 9 տարեկան գեղանի Մարիամի հետ և երեք տարի իւր ծոցում պահելուց յետոյ միայն յանձնում է իւր 12 ամեայ հարսին 15 տարեկան որդուն: Որոնցից սերւում են 15 տղայ և մի աղջիկ: Ռուսաց տիրապետութիւնից յետոյ բռնակալ խաների մտքրած սովորութիւններն ու կարգերը թէև անդարձ կորան, բայց «բէշիքերթմա»— օրօրոցի վրայ խաղ քաշելու վատ սովորութիւնը և անչափահաս երեխաներին պսակելու վայրենի ասանդութիւնը, տարաբախտարար, մինչև ցարդ մնացել են անփոփոխ և անկորուստ:

Ուտիացոց աշխարհի Հայ ժողովրդի ջնջման և ինքնասպանութեան գլխաւոր պատճառներից մինն



էլ այն է, որ յղի կանանց վրա կարևոր իննամբ և պէտք եղած հոգ չեն տանում, ինչպէս որ հարկն է: Յղի կիւնը (իմն 15—16 տարեկան) նոյն իսկ իւր յղութեան վերջին 8—9-րդ ամիսներին աշխատաւոր եղան պէս բանում է այնպէս, ինչպէս որ ընտանիքի միւս անդամներն են աշխատում: Այսինքն՝ ազբիւրբից կամ գետից, կուժն ուսին, նա ջուր է կրում, շատ անգամ բորիկ ոտքով, որով սաստիկ խոնաւութիւնից նա ստանում է յողացաւ և ուրիշ հիւանդութիւններ: Մետաքսի որդերին կերակրելիս, շալակով թթենու թարմ ստեր, մրգեղէններ թաղելու միջոցին՝ մրգերով լի գամբիւղներ և այլ ծանրութիւններ կրելով, յղի կանայք մասամբ վիժում են և մասամբ էլ ստանում են մէջքի և ողնաշարի թուլութիւն: Իսկ ծննդաբեր կանանց վիճակը աւելի քան ողբալի է: Երկունքի ցաւն սկսուելուն պէս, դժբախտ յղի կնոջը ձգում են մի մութ ու խոնաւ գոմի մէջ, ուր մաքուր օդ չկայ, ուր լոյս չկայ, որպէսզի ծննդաբերութեան պատճառով իրենց սովորական բնակարանը, իբր թէ, չնարամուի (չապականուի): Այդ գոմի մէջ հաւաքւում են տան անդամներից սկեսուրը (բիանան), տատմէրը (մանկաբարձուհի) — հարկաններ և բարեկամ կանայք, որոնք հազար ու մի տեսակ տանջանքներ տալով թշուառ հարսին, կամ երկունքից ազատում են նրան մի կերպ կիսամեռ վիճակի մէջ և կամ իւր նորածին գաւակի հետ ուղարկում են դէպի միւս անանց աշխարհը: Ամբողջ Նուխու գաւառում շատ դժուար է բժիշկ գտնել, եղածն էլ ապրում է այնտեղ,

ուր սովորաբար գաւառական ոստիկանն է ապրում, հէնց միայն այն գիւղն էլ օգտուում է. իսկ մի քանի տասնեակ գիւղեր բոլորովին զուրկ են բժշկից օգտուելու հնարաւորութիւնից: Իսկ Ուտիացոց աշխարհում կրթուած և մասնագէտ մանկաբարձուհիների գոյութեան մասին նոյն իսկ մութ գաղափար անգամ չունին: Այն ինչ, ի դէպ է ասել, որ բաղամարդ Նիժ գիւղաքաղաքում մի բժիշկ իւր օգնականով և մի հատ էլ մանկաբարձուհի, որ իմանալիս լինէր թէ հայերէն և թէ թուրքերէն լեզուները, ահագին փրկարար գործ կարող էին կատարել: Ահա երիտասարդ համալսարանաւարտ Հայ բժշկի և մանկաբարձուհիների գործունէութեան համար լայն և ընդարձակ ասպարէզ, ուր կարող են մարդասիրական թէ մեծ գործ կատարել և թէ նիւթապէս ու բարոյապէս լի ու լի շահուել: Ահա հէնց այս իսկ պատճառներով Ուտիական աշխարհի զըժբախտ Հայ ժողովրդի թիւը չի աճում, իսկ ապրողների արական սեռը թոյլ, անգոյն և տարիքն էլ շատ կարճատև է լինում—45—50 տարեկան: Ահաւասիկ ձեզ պերճախօս փաստեր: Զալալեան Մար. Սրբազանը 1848 թ. երբոր ճանապարհորդում էր Ուտիացոց աշխարհում, Նիժ ուտիախօս գիւղացի բնակիչների թիւն եղել է ընդամենը 500 տուն \*): Անցել է այն օրից մինչև ցարդ ուղիղ 55 տարի և այսքան երկամբ ու ձիգ տարի-

\*) Տես «Ճանապարհորդութիւն ի Մեծն Հայաստան», Երես 381:



ների ընթացքում միեւնոյն այդ գիւղաքաղաքի ընակիչների թիւը հասել է 800-ի, որ շատ չնչին տոկոս է: Ուստի մասնաւորապէս Նուխու այժմեան փոխանորդ բարձրապ. Սիօն վարդապետի և ընդհանրապէս Ս. Էջմիածնի ու Ն. Ս. քաղցր ուշադրութիւնն եմ հրաւիրում Նուխու գաւառի այս վայրնի և մանաբեր սովորութեան արմատախիւ անելու վերաբերութեամբ: Իսկ Թիֆլիզի Ներսիսեան Հոգեւոր դպրանոցի և Գեորգեան ձեմարանի վարչութիւնները շատ գեղեցիկ գործ կատարած կլինէին, եթէ այդ դժբախտ երկրի, թանձր խաւարի և տգիտութեան մէջ թաղուած Հայ ժողովրդի ընդունակ և սրամիտ զաւակներից իւրաքանչիւր տարի աասնեակ պատանիներ ընդունէին իրենց լուսաւոր յարկի տակ և կրթէին նրանց սիրտն ու հոգին այժմեան գիտութեանց կենսատու լուսով: Յուսանք և սպասենք:

2

**ՈՒՏԻՍԻ ՀԱՅԵՐԻ ԱՆՆՄԱՆ ՅԱՏԿՈՒԹԻՒՆՆԵՐՆ  
ՈՒ ԸՆՏԻՐ ՍՈՎՈՐՈՒԹԻՒՆՆԵՐԸ**

Ուտիացի Հայը ջերմ սրտանց սիրում է իւր հայրենի օջաղը, իւր տունն ու տեղը, իւր հոգն ու ջուրը, իւր թաւոտ անտառներն ու դաշտերը, իւր վարելահողերն ու մարգագետինները և իւր պաշտելի սրբավայրերը: Այնպէս որ նա ուրիշ օտար երկիր երբէք չի գնայ և ոչ մի պայմանով

ամենեին չի հեռանայ իւր սիրելի հայրենի աշխարհից: Լի հաւատով, հաստատ յուսով և բուռն սիրով նա սիրում ու պաշտում է իւր ս. կրօնքն ու մայրենի հնադարեան սուրբ եկեղեցին, որոնց համար նա պատրաստ է զոհել իւր գուլթը: Նահապետական պարզ և մաքուր սրտանց նա սիրում է իւր աննման հաւատարիմ ամուսնուն և իւր երեխաներին, թէև մի չնչին բանի համար շատ անգամ անողորմաբար հայհոյում ու ձեծում է իւր դժբախտ ամուսնուն: Բայց այսուամենայնիւ Ուտիացի կնոջ անվերջ համբերութիւնն ու ամուսնական հաւատարմութիւնը, նրա մաքուր վարքն ու բարքը օրինակելի կարող է համարուել Կովկասեան ամեն մի գիւղացի Հայ կնոջ համար: Ուտիացի կնոջ վարք ու բարքի մասին եթէ մի փոքրիկ կասկած յայտնուի, կամ շշուկ լսուի, առանց ստուգելու սուտն ու զորզը, այդպիսի դժբախտ կինը չարաչար կպատժուի մահով: Աստուած չանէ, եթէ Ուտիացի մի կին համարձակուի սիրային յարաբերութիւն հաստատել ուրիշի հետ, այդպիսի վատաբարոյ կինը իսկոյն սրախողխող կլինի իւր ամուսնու և կամ նոյն իսկ իւր հարազատ եղբոր ձեռքով: Այս անողոք խտութեան պատճառով ընտանեկան կեանքը շատ մաքուր և անրիժ պահպանուած է այդ կողմերում: Ուտիացի Հայը օժտուած է հետեւեալ ընտիր յատկութիւններով՝ համարձակ, ձգձարտախօս, անվեհեր, պատուի նախանձախնդիր, առկուն, չարքաշ, համբերող և անվերջ աշխատասէր է նա և իւր ուշքն ու միտքը լարած՝ նուիրում



է միայն երկրագործութեան: Ասածներին թող ապացոյց լինի այն, որ Բագու-Թիֆլիզեան երկաթուղու գիճը բացուելուն պէս Ղարաբաղի, Շամախու, Թիֆլիզի, Գանձակի, Երևանի և ուրիշ տեղերի գիւղացիք վազեցին Բագու, շուտով հարստանալու և միլիոնների տէր դառնալու պատրանքով: Կարճ խօսքով Կովկասի զանազան անկիւններից հազարաւոր ու բիւրաւոր Հայ ընտանիքներ թողնելով իրենց հայրենի աշխարհը, իրենց պապական ազնիւ պարսպմունքները, հետըզնետէ գաղթեցին Անդրկասպեան երկրներից սկսած, մինչև լայնածաւալ Ռուսիայի ամենահեռաւոր ծայրերը: Այն ինչ Ուտիացիները՝ Բագուին շատ մօտիկ լինելով հանդերձ նրանցից ոչ ոք չչարժուեց իւր տեղից և ոչ ոք դէս ու դէն ընկած չթափառեց և երբէք էլ չի թափառի, քանի որ Ուտիացիների սիրտն ու հոգին ամուր կապուած է իւր աշխարհի օդի ու ջրի, նրա պտղաբեր հողի և նուիրական սրբավայրերի հետ, քանի որ նրա ուշքն ու միտքը, լարուած ու կենդրոնացած է յատկապէս միմիայն երկրագործութեան վրայ, որից դուրս նա իւր պոյութիւնը վտանգուած է համարում:

Փորձի համար Ուտիացի Հային պատմեցէք աշխարհիս զանազան մասերի մի քանի գեղեցիկ վայրերի և սքանչելի տեղերի գոյութեան մասին. նա երբէք չի հաւատայ ձեր ասած խօսքերին, վասնզի նրա կարծիքով ու համոզմունքով Ուտիացոյ աշխարհից լաւ երկիր ուրիշ ոչ մի տեղ չի լինիլ ամբողջ աշխարհիս վրայ: Փորձելու հա-

մար տարէք նրան և ցոյց տուէք թէկուզ Թիֆլիզ հայաբնակ քաղաքի փառաւոր եկեղեցիներն ու բազմաթիւ դպրոցները, հոյակապ սենրն ու թանկագին ապրանքներով լիքը մեծամեծ խանութները, որոնք ամեն մի չտես Հայ գիւղացու ախորժակն են գրգռում, աչքերն են շացնում և նրա սիրտն ու հոգին են գրաւում: Այն ինչ հայրենասէր Ուտիացի Հայը այս ամենը տեսնելով, հաւանում է միայն փառաւոր եկեղեցիները, բազմաթիւ դպրոցները և ընտիր նժոյգ ձիերը: Բայց մի ամիս Թիֆլիզում ապրել նա չի ուզի, եթէ մինչև անգամ Թիֆ. բոլոր ճոխութիւնն ու հարստութիւնը իրեն նուիրելու լինիք: Նա գոհ սըրտանց ան քաշելով, իւր սրտի խորհուրդն ու տենչանքը կասէ ձեզ այսպէս. «Ա՛խ, երանի այս քարաշէն սենրն ու եկեղեցիները, այսքան գեղեցիկ դպրոցները շինուած լինէին մեր գիւղում, հէնց մեր այգու շագանակի ծառի մօտ, որ անխիղճ և անօրէն թուրքերը չկարողանային այրել ու կողոպտել նրանց, որ մեր գիւղացի հայն էլ կարողանար կարգին եկեղեցի ունենալ և իւր զաւակներին կրթել տալ այս հրաշալի դպրոցների լուսաւոր յարկի տակ: Ա՛խ, երանի թէ այս սիրուն և ամենի նժոյգները լինէին մեր գիւղերում, որ հեծնէինք նրանց վրայ և գնայինք ս. Եղիշէի առաքելոյ վանքը ուխտի և կամ Մուղանի անապատը՝ Կուր գետի ափերին առատութեամբ վայրենի խոզեր ու կղջերուններ որսայինք»: Ինչպէս ասացի, Ուտիացին չափազանց համբերող ու չարքաշ է, բայց երբոր իւր համբերութիւնը անց-



նի իւր չափն ու սահմանից, այն ժամանակ նա մի կատաղի առիւծ կհանդիսանայ իւր թշնամու հանդէպ. այն ժամանակ նա իւր հարազատին, նոյն իսկ իւր զաւակին անգամ չի խնայի: Նա իւր սոսխին չարաչար կպատժի և իւր սրտի ոխը կհանէ նրա եօթ սերունդից՝ իւր հակառակորդներին իսպառ ընալինջ անելով: Ուտիացին միևնոյն ժամանակ պէտք եղած տեղը նաև բարեսիրտ է, չափազանց հիւրասէր, ընկերասէր, սրտաբաց, գործունեայ, համերաշխ և միաբան է ամեն մի բարի և հանրաշահ գործի մէջ: Վերջին ծայր նա անչափ պատուազգաց և պատուասէր է. եթէ մէկը համարձակուի նրա ընտանիքի պատիւը շօշափել, կամ նրա սրբազան կրօնի, հաւատի և ազգութեան մասին անարգ մի խօսք ասել և կամ մի թեթև ծաղրածութեան ակնարկութիւն անել, այդպիսի յանդուգն անմիտը տեղն ու տեղը կը պատժուի իսկոյն ևեթ: Ապացոյց ասածներին, պատմեմ մի դէպք, որ տեղի ունեցաւ իմ ներկայութեամբ, որ իմ կեանքիս մէջ երբէք չեմ մոռանայ: 1875 թ. սկսած, երբոր ես Թիֆլիզումն էի, Ծննդեան և Զատիկական մեծ տօներից առաջ միշտ հրաւիրում էի ինձ մօտ հիւրերը Ուտիացոյ աշխարհից, յատկապէս Թրքախօս և ուտիախօս իմ ազգականներից նրանց, որոնք իրենց ծագումով, դիրքով և հարստութեամբ մեծ ազդեցութիւն ունին գիւղացոյ վրայ. որպէսզի անձամբ գան, տեսնեն ամեն մի նորութիւն և լաւ բան և ապա գնան իրենց հայրենի գիւղերում ասեն, խօսեն և ցոյց տան այն ամեն նորագոյն առարկաները, ոչ

րոնք յարմար և պիտանի են իրենց համար: Մի անգամ (1880-ական թուականներին) Միրզաբէկլու Թրքախօս Հայադաւան գիւղացի յայտնի հարուստ և բարեգործ գիւղական դատաւոր (սուդիա) Սահակ Սագինեանը (տողերիս գրողի հարազատ մօր քեռին) մի քանի ուրիշ պատուաւոր գիւղացիների հետ՝ եկել և իջևանել էին ինձ մօտ հիւր: Ծննդեան տօնի օրը Զրօրհնեաց շքեղ հանդէսը անլինջ և խոր տպաւորութիւն էր արել իմ պարզամիտ բրիստոնեայ հիւրերիս սրտի, հոգու և բոլոր դրացմանց վրայ: Երեկոյեան, տնօրհնէքից յոգնած ու դաղբած երբ հասայ տուն, արտասուքն աչքերին մօտենալով ինձ քեռիս, յուզուած շեշտերով սկսեց խօսել այսպէս:— «Բաջօղլի տէրտէր ջան, բուզիւն վանքտայ, Քիւրուն իչինայ խաչ սուվայ սալանդայ նեպիւնր գեօրդիմ. եախշի խաչվաւլար, չօխ բահալի շուրջաւար, իշլիմ իշլիմ իշլիլդիւն գեօզալ բուռվաւար: Էլա բիլասանքի, անամդան բուզիւն զօղդում, թեաղադեան էրմանի օլդում: Զան տէրտէր, սաբախ աժգեահան օլմրսան, գեւլ գեղախ, բիր եախշի խաչվառ ալախ բիզիմ բիլիսադան իւչուն»: Այսինքն՝ «բրջօրդի տէրտէր ջան, այսօր վանքում (Թիֆլիզի վանաց աւագ եկեղեցում) Կուր գետի մէջ խաչը ջուր ձգելիս ինչեր տեսայ.— լաւ խաչվառներ, թանկագին շուրջառներ, ցոլցլուն, փայլուն և գեղեցիկ բուռվառներ: Այնպէս իմացիր, որ կարծես թէ մօրիցս այսօր ծնայ, նորից Հայ դարձայ: Տէրտէր ջան, վաղն ազատ կլինիս, արի գնանք մէկ լաւ խաչվառ առնենք մեր (գիւ-



դական) եկեղեցու համար»։ Տօներից յետոյ քե-  
ռուս հետ միասին գնացինք առաջնակարգ հա-  
րուստ հայ վաճառական Տ. Ն. -ի խանութը, որ  
գտնուում էր Թիֆլիզի Հայոց շուկայ կոչուած փո-  
ղոցի վրայ։ Իիմելով հարուստ հայ խանութպա-  
նին, խնդրեցի, որ ցոյց տայ ինձ Հայկական ձեով  
շինուած լաւ խաչվառներ։ Կարճամիտ գործակա-  
տարը ցոյց տուեց մեզ կտաւի վրայ նկարուած  
մի քանի ազեղ և անճաշակ բաներ, որոնք ան-  
պէտք բաներ էին։ Ես պահանջեցի, որ լաւ տե-  
սակները ցոյց տան, բայց քեոիս մի փոքր բար-  
կացած՝ աւելացրեց. — «Եախշըսին գեաթրուն,  
մեան փուլ վերաշաղամ, միւֆտա խաւամիրամբի,  
բուղադար նագ-տուզ էյլիրսըզ» — Կաւը բերէք, ես  
փող պիտի տամ, ձրի խօս չեմ ուզում, որ այս-  
չափ նազ ու տուզ էք անում։ Գեոիս դեռ ևս չէր  
վերջացրել իւր խօսքը, որ յանկարծ միամիտ Թիֆ-  
լիզցին ընդհատեց նրան և զարմացած հարցրեց  
ինձանից. — «Լան, Տէրտէր, էս վաճնց է պատահի,  
վուր թուրքը ուզում է խաչվառ առնի միր Հայու  
ժամի համա. դանա, ձիր երգրի թուրքիրը միր  
խաչվառին հաւտումին»։ Ո՛հ, Տէր իմ Աստուած,  
քեոիս կրակ ու բոց կտրուեց իրեն ատելի  
«թուրք» խօսքի պատճառով և ձեռքը տանելով իւր  
կողքից կախուած դաշոյնի դաստակին, մազ մնաց,  
որ մաս-մաս պիտի անէր հաստափոր հային։ Հա-  
զիւ հազ բռնեցի նրա ձեռքը ուժգին թափով և  
ազաչելով խնդրեցի, որ դաշոյնը իւր պատեանը  
դնէ և իմ ներկայութեամբ հայի արիւն չթափէ,  
այլ խօսքով յայտնի իւր ասելիքը։ Դէհ, քեոիս

տեսնելով, որ թէ խանութպան հարուստ հայը և  
թէ նրա գործակատարները վախից սարսափած  
դէս ու դէն վախչելով ծակուծուկ մտան, սաս-  
տիկ զայրացած՝ գոռաց նրանց վրայ. — «Դուք,  
վախկոտ և հաստափոր ու հաստազլուխ Հայեր,  
միթէ չգիտէք, որ անօրէն թուրքը խաչվառ չի  
գնի, այլ խաչն ու խաչվառը ջարդ ու փշուր կա-  
նի, իսկ նրա ջերմ երկրպագու քրիստոնեային  
բնաջինջ կանէ այս աշխարհիս երեսից։ Ափսոս և  
հազար ափսոս, որ այսպիսի լուսաւոր և գեղեցիկ  
քաղաքումն էք ապրում, բայց աշխարհիս ի՛րն ու  
չարից, սև ու սպիտակից ոչ մի տեղեկութիւն չու-  
նիք։ Մենք, մի բուռն թրքախօս Հայերս, թէև  
անօրէն լեռնականներին և արիւնարբու մահմե-  
դականներին զոհ տուինք մեր թանկագին մայրե-  
նի լեզուն, մեր կեանքն ու հարստութիւնը, բայց  
մեր կրօնքն ու հաւատը, մեր ազգութիւնն ու  
մեր ս. եկեղեցին արեան գնով անխախտ ու հաս-  
տատ պահեցինք։ Իսկ դուք, վախկոտ և միամիտ  
Թիֆլիզցիներդ՝ մեզ արհամարհելով ու ծաղրելով,  
մեզ թուրք էք անուանում հա...»։ Հազիւ կարո-  
ղացայ հանդարտեցնել զայրացած քեռուս արդա-  
բացի բարկութիւնը։ Մի ուրիշ խանութից խաչ-  
վառ գնելով, մի քանի օրից յետոյ քեռուս իւր  
ընկերների հետ ճանապարհ ձգեցի դէպի իրենց  
սիրելի հայրենի աշխարհը։ Ուտիացի Հայը այս-  
պէս չափազանց նախանձախնդիր է իւր ազգային  
ս. եկեղեցուն, իւր ս. կրօնին և այն ամենին, որ  
իւր սրտին շատ մօտ են։ Նամանաւանդ Նիժեցիք,  
որոնք շատ քաջ, անվախ և վարժ հրացանաձիգ են



համարուում ամբողջ Նուխու գաւառում և փոքրահասակ երեխայից սկսած մինչև զառամեալ ծերունին գէնք գործածել, աւազակ և արիւնարբու մարդասպան թուրքին սարսափեցնել և տեղն ու տեղը պատժել՝ շատ լաւ գիտեն: Նուխու ամբողջ գաւառի զանազան գիւղերում, շաբաթը մի-մի օր տօնավաճառ է լինում, ուր երկրի ամեն տեսակ բերքերի առուծախս է լինում, ահազին բազմութիւն է հաւաքուում: Հարկաւ բազմութեան մեծ մասը լինում են թուրքեր, որ շատ անգամ մոլեռանդ Մահմէդի անգուսպ զաւակները՝ օր ցերեկով ծաղր ու ծանակ են դարձնում քրիստոնեայի կրօնքն ու հաւատը, որից ծագում են ընդհարումներ և կռիւներ հայերի և թուրքերի միջև: Այդպիսի դէպքերի ժամանակ, եթէ միքանի տասնեակ նիժեցիներ պատահեն, անպայման յաղթանակը փոքրաթիւ հայերի կողմէն է մնում: Բայց Նիժի տօնավաճառի ժամանակ եթէ թուրքը համարձակուի քրիստոնէական կրօնի մասին անարգ մի խօսք ասել, այն ժամանակ վայն է եկել թուրքերի գլխին: Բաւական է, որ խիզախ ու անվախ նիժեցիներից մէկն ու մէկը իւր բոռնցքը բարձրացնէ օդի մէջ և՛ «արա բէշ վիչի դուզան»—այ մեր եղբայր խիբը՝ գոռայ: Կայծակի արագութեամբ, մէկ էլ կտեսնէք, որ հարիւրաւոր նիժեցիներ, միասիրտ ու մի հոգի, հարիւրաւոր թուրքերի քիթ ու պոռնակ ջարդելով և գլուխներ պատռելով, արիւնլուայ արին նրանց: Կարծէք թէ՞ «մէկը հազարի և հազարը մէկի համար» հրաշալի սկզբունքը

չափած ու ձևած է յատկապէս քաջասիրտ նիժեցիների համար: Այս իսկ պատճառով, ամբողջ Նուխու գաւառի կատաղի և անգուսպ թուրքերը վախում ու սարսափում են միմիայն քաջամարտիկ նիժեցիներից: Ոտքից գլուխ զինուած թուրքը եթէ հանդիպի անգէն նիժեցուն, նրան մօտենալ և թալանել չի համարձակուի երբէք. բայց եթէ թրքախօս կամ սարեցի հայախօս Հային պատահի, նրան կհայհոյէ, ձեռքին եղած-չեղածը կխլէ, իսկ ընդդիմացողին էլ կսպանէ և ապա հանդիստ խղճով կշարունակէ իւր ճանապարհը:

է

ՈՒՏԻԱՅՈՑ ԱՇԽԱՐՀԻ ՀԱՅՈՑ ԲԱՐՈՅԱԿԱՆ,  
ԿՐԹԱԿԱՆ ԵՒ ՏՆՏԵՍԱԿԱՆ ԱՅԺՄԵԱՆ ՎԻՃԱԿԸ

Ուտիացոց աշխարհի թրքախօս և ուտիախօս գիւղերի մէջ միմիայն վարդաշէն գիւղաքաղաքը գտնուում է բարեյաջող վիճակի մէջ թէ՛ բարոյապէս և թէ՛ տնտեսապէս: Այն էլ յատկապէս այն պատճառով, որ Հայոց Աշոտ Երկաթ թագաւորի ժամանակակից Ուտիացի յայտնի Յլիկ Ամբամի հարազատ տոհմից սերուած և մինչև մեր օրերը հասած, այժմեան Սիլիկեան եղբարք, իրենց զինուորական կրթութեամբ, իրենց հեռատես ու հայրենասէր ձգտումներով և առևտրական-գոր-



ծարանական \*) ձեռնարկութեամբ, մեծապէս նը-  
պաստել են վարդաշէնցիների մտաւոր և բարոյա-  
կան ու տնտեսական յառաջադիմութեան: Նմանա-  
պէս Առաքել Մուրատեան և Նիկողոսեան եղբայրք  
(հայ և ռուս յայտնի հրապարակախօս պ. Քր.  
Նիկողոսեանի հարազատները) որպէս առաջաւոր  
և նշանաւոր Հայ գերդաստաններ խթան են եղել  
Վարդաշէնի յառաջադիմութեան գործին: Վարդա-  
շէնում հարիւրաւոր հայախօս և հայ գրածանաչ  
հայեր կան այժմս, այն ինչ Նիժ ուտիախօս գիւ-  
գաքաղաքը՝ Վարդաշէնի համեմատութեամբ, ա-  
ւելի ասոր աստիճանի վրայ է կանգնած: Նիժե-  
ցիք իրենց թւով և անվեհեր քաջութեամբ ամ-  
բողջ գաւառի բոլոր գիւղերի մէջ առաջին տեղն  
են բռնում: Նիժեցոց բարոյական և տնտեսական  
վիճակը լաւ է, բայց ուսման, կրթութեան և ա-  
րուեստագիտութեան մէջ՝ ողբալի դրութեան մէջ  
էին մինչև 1870-նական թուականների կէսը:  
անագին Նիժում և ոչ մի ստաղծագործ կամ կօշ-  
կակար տեղացի արհեստաւոր չէիք գտնի: 1876  
թ. սկսած, իմ յորդորմամբ և համոզեցնելով մի  
քանի թրքախօս և ուտիախօս գիւղերից բազմա-  
թիւ պատանիներ ուղարկուեցան Կովկասեան  
գանազան քաղաքները, որոնցից ոճանք ուսում և  
սկսեցին էլ պէսպէս արհեստներ սովորելուց յետոյ

\*) Սիլիկեան եղբայր ունին Վարդաշէնում միտաբար  
թէլ պատրաստող շոգեշարժ մի մեծ գործարան, որ իւր  
զրամալլով և արտադրութեամբ մեծ օգուտներ է տալիս  
հայրենի գիւղաքաղաքն աղբաւ բնակիչներին:

պիտի վերադառնային հայրենիք և իրենց ու-  
սածները սովորեցնէին Հայ ժողովրդի զանա-  
զան խաւերում: Այդ սրամիտ պատանիների խրմ-  
բակների մէջ շատ երևելի եղան Գէորգեան ձեմ.  
Նախկին ուսումնաւարտ սան և համայնարանական  
կրթութիւն ստացած Սարգ. Կուկունեան և Աս-  
տուածատուր Ոսկանեան: Սրանցից վերջինը Նու-  
խու Հայոց եկեղեց. ծխական երկսեռ դպրոցների  
աւագ-ուսուցչի պաշտօնն էր վարում և որը յայտ-  
նի էր իբրև լուրջ և խոհուն երիտասարդ, սրա-  
նից մի 7—8 տարի առաջ, օրը ցերեկով, արիւ-  
նարբու մի թուրքի ձեռքով գնդակահար եղաւ  
Չոռլու թրքախօս Հայադաւան գիւղի կալերի մօտ:  
Ահա այսպէս Նիժում այժմս թէև կան հայախօս  
և գրածանաչ շատ երիտասարդներ ու մի քանի  
հատ էլ գրագէտ երիտասարդներ, բայց ընդհան-  
րապէս ուսման և գիտութեան կողմից Նիժը  
մնացել է շատ աննախանձելի վիճակի մէջ: Իսկ  
թրքախօս Հայադաւան գիւղացիները ամենա-  
թշուառ և սոսկալի դրութեան մէջ են. սէր, հաշ-  
տութիւն, խաղաղութիւն, միաբանութիւն և հա-  
մերաշխութիւն ամենեին չկայ սրանց մէջ: Թըր-  
քախօս Հայադաւան Հայերի համար, շատ սովա-  
րական բաներ են՝ իրար բամբասել, զրպարտել  
և միմեանց կործանելու համար: Թըրքախօս  
բէկերի մօտ բարձրիւն ու մատնութիւն անել և  
նրանց ձեռքով իրենց արիւնակից ոչ ազգակից  
Հայ եղբայրների առեւր բանգել: Կարճ խօսքով  
թրքախօս Հայ գիւղացիների մէջ՝ միտակից Չուր-  
դաւանցարացիք մէջ քիչ քիչ և քիչ քիչ  
դայի դեր կանսորոզներ խիստ շատ կան, որոնք



ամեն մի գիւղի համար համարուում են կատարեալ պատիժ ու պատուհաս: Այս իսկ պատճառով թրքախօս գիւղացի Հայերը բարոյապէս սնանկացած, նիւթապէս մինչև կոկորդը պարտքերի մէջ թաղուած և թուրք վաշխառուների ձեռքին կատարեալ ստրուկ գերի դարձած, տնտեսապէս քայքայուած ու ամենաթշուառ վիճակի մէջ են: Ամեն մի գիւղում թէև կան մի քանի գրագետ և հայախօս երիտասարդներ, բայց սրանք էլ մի առաջնորդող և ձեռներեց ղեկավար չունին: Ընդհանրապէս թէ ուտիախօս և թէ թրքախօս գտնուում են թանձր խաւարի ու տգիտութեան մէջ թաղուած: Ուր ոչ միայն ուսման, գիտութեան կենսատու ճառագայթները դեռ ևս չեն թափանցել, այլև երկրագործութիւնը, ինչպէս ասացի, երկրագործական մեքենաներն ու գործիքները իրենց նախնական հնադարեան աննախանձելի վիճակի մէջ են: Գիւղական ամենակարևոր արհեստներ, որպիսիք են քարտաշութիւն ու որմնադրութիւն, ատաղձագործութիւն ու դերձակութիւն, երկաթագործութիւն ու գարբնութիւն, կլէկչութիւն ու պանրագործութիւն՝ թէև նահապետական վիճակի մէջ են, բայց և այնպէս այս արհեստները բացառապէս եկեղոր հայերի և լեզղիների ձեռքումն են: Ահա մի յետընկած գաւառ, ուր մեծամեծ գործ կարող է կատարել թիֆլիզի կովկասեան Կայսերական Գիւղատնտեսական Ընկերութիւնը, եթէ կաթնատնտեսութեան փորձեր կատարէր Նիժ և Վարդաշէն գիւղաքաղաքներում:

Ը

ՈՒՏԻԱՅՈՅ ԱՇԽԱՐՀԻ ԱՐԱԿԱՆ ԵՒ ԻԳԱԿԱՆ ՍԵՌԻ ԱՅԺՄԵԱՆ ՀԱԳՈՒՍՏՆԵՐԻ ՁԵՒԸ

Ուտիացոց երկրի տղամարդիկը հագնուում են Կովկասեան միւս Հայ գիւղացոց պէս. այն է՝ շապիկ, վարտիկ, անդրավարտիկ (գործուած շալէ շալվար), բաճկոն (արխալուղ) մէջքին կապուած են կաշիէ կամ արծաթապատ գօտի, գլխին՝ ոչխարի հասարակ մորթուց գլխարկ (փափախ), ոտքերին՝ գուլպայ կամ բրդէ թելից գործած փաթալայ (փաթաթոց), իսկ վերևից տրեխ (չալուխ) կամ բարձր կրունկով մաշիկներ (քօշեր), որ սովորաբար հագնուում են պատուաւոր և հարուստ գիւղացիք: Չմոռանամ ասել, որ ամեն մի գիւղացու անբաժան ընկերն է նրա սուր գաշոյնը, որ կախուում է իւր գօտիուց և կամ չուխայի տակից խրում է գօտիի մէջ՝ արիւնարբու աւազակներից պաշտպանուելու համար: Որսորդները կրում են իրենց ուսերի վրայ «չախմախլու» ասուած հրացան, որի անպէտք լինելը իրենք գիւղացիք էլ շատ լաւ են հասկանում: Նոր ձևի հըրացանի համար հօգի են տալիս, բայց երբոր յայտնի պատճառով այդպիսի հրացան չեն կարողանում ձեռք գցել, այն ժամանակ, անձարացած, հին ու անպէտք հրացան են գործածում: Իսկ կանայք հագնուում են մի տարօրինակ հարուստ, որ շրջակայ թուրքերի և սարեցի հայա-



խօս հայերի կանանց հազուատից զանազանում  
 ու տարբերում է ամեն բանով: Ուտիացոց աշ-  
 խարհի Հայ կանայք, իրենց գլխին փաթաթում  
 են հասարակ լաթեր, որ ձուածև կերպարանք է  
 ստանում և որը կոչում է դինգիայ: Գինգիայի վե-  
 րևից մինչև ականջները շարան-շարան կախում  
 են արծաթէ՝ դրամներ, որ թէ մանգալիս և թէ  
 գլխով հաւանական կամ բացասական նշան տա-  
 լիս (ըստորում կանայք բարձր խօսելու իրաւուն-  
 քից իսպառ զուրկ են Ուտիացոց աշխարհում)  
 զնգզնգալի ձայներ լսուեն: Դինգեայի վերևի ար-  
 ծաթէ շարան-շարան դրամների վերևից ծածկում  
 են մետաքսէ գոյնզգոյն մի մեծ թաշկինակ, որի  
 կէսը փուռում է կնոջ ուսերից մինչև գօտին, ող-  
 նաշարի ուղղութեամբ, իսկ միւս կէսը իջնում է  
 երեսի և դէմքի վրայով մինչև ներքին ծնօտի  
 կզակը, գլխի աջ ու ձախ և յետևի կողմից էլ՝  
 արծաթի շղթաների ծայրին յարմարեցրած տա-  
 փակ և կեռ կարթերով (չանգալ) ամրացնում են  
 գլխի բոլոր զարդարանքները, որպէս զի ճակատի  
 արծաթէ աջ ու ձախ կողմը շարուած շարանները  
 լինէին իրենց տեղում ամուր և պինդ: Գլխի աջ  
 ու ձախ կողմից, ականջների վերևից դէպի ներ-  
 քե, մէկ թիզ կամ թիզուկէս երկարութեամբ և  
 չորս մատի լայնութեամբ, հասարակ շորի վրայ  
 կարուած դրամներով կախում են՝ այսպէս ասած,  
 արհեստական ականջներ: Ականջներ, որոնք յետ  
 ու առաջ են օրօրում, կնոջ շարժուելու և կամ  
 արագ-արագ մանգալու ժամանակ և աններդաշ-  
 նակ զնգզնգոցի ձայներ են հանում: Իսկ մանկա-

հասակ նորահարսները արհեստական ականջները  
 հիւսում են գոյնզգոյն մանր յուլունքներով և մէջ  
 ընդ մէջ մեխակներով, որ առաւել գեղեցիկ և  
 անուշահոտ երևան իրենց ամուսինների աչքերին:  
 Ուտիացի կանայք ընդհանրապէս խնայող և սա-  
 կաւապետ են. նրանց ամեն օրուայ գործածական  
 հազուատները լինում են աժանագին շթից: Իսկ  
 տօն օրերին, Զատիին, Ծննդեան մեծ տօներին,  
 հարսանիքներին և ուխտագնացութեան ժամա-  
 նակ հազնում են զուտ մետաքսէ գոյնզգոյն թան-  
 կագին շորեր: Ուտիացի Հայ կանայք հազնում են  
 կարճ բաճկոն, որի թևերի վրայ՝ արմուռկից  
 սկսած մինչև ձեռքի թաթերը, շարում են երկու  
 շարք արծաթէ կոճակներ, որոնք մի առանձին  
 փայլ և գեղեցկութիւն են տալիս այդ հագուս-  
 տին: Իսկ բաճկոնի տակից հագնում են շապիկ և  
 չափազանց լայն վարտիկ, որ միևնոյն ժամանակ  
 շրջազգեստի ձև է ստանում և նրա պաշտօնն է  
 կատարում: Ուտիացի կանայք գուլպայ գործելու  
 և պանիր պատրաստելու արհեստից միանգամայն  
 զուրկ են. նրանք միայն կարողանում են ըրզից  
 թել մանել, ջուալ, խուրջին և մետաքսէ սիրուն  
 վերմակներ գործել: Ձեռագործի և կար ու ձևի  
 մէջ շնորհ և ընդունակութիւն ունեցող մեր լար-  
 գելի տիկիններն ու օրիորդները եթէ ամառնային  
 արձակուրդներին շրջէին Ուտիացոց երկրում, ա-  
 հագին և փրկարար գործ կարող էին կատարել:  
 Իրենք մի կողմից կհանգստանային և կկազդու-  
 րուէին, իսկ միւս կողմից՝ անային անտեսու-  
 թեան վերաբերեալ նորանոր բաներ կսովորե-



ցնէին իրենց յետ մնացած և մահաբեր քնով ննջող քոյրերին: Դէհ, հայրենասէր տիկիներ և ընկերասէր Հայ օրիորդներ, եթէ կամենում էք ձեր կեանքում մի բարի և օգտակար գործ կատարել, ամառնային ամիսներին շրջեցէք Ուտիացոց երկրում, որոնք ձեզ սիրով և գրկաբաց կընդունեն: Դուք նրանց թէ շատ բան կսովորեցնէք և թէ նրանց նիստ ու կացը ուսումնասիրելով ու հետազօտելով՝ ինքներգ ևս շատ բան կսովորէք:

Թ.

**ՈՒՏԻԱՅՈՅ ԵՐԿՐԻ ՅԱՅՏՆԻ ՎԱՆՔԵՐՆ ՈՒ ՍԸՐ-  
ԲԱՎԱՅՐԵՐԸ**

Ա. Եղիշէ ԱՌԱՔԵԱԼԻ ՎԱՆՔԸ \*): Այս վանքը շինուած է Նուխու հիւսիսային կողմը, Կովկասեան լեռնաշղթայի մի սարաւանդակի վրայ, ս. Եղիշէ առաքեալի ձեռքով: Ս. Եղիշէ առաքեալը Յիսուսի 72 աշակերտներից մինն էր. նա Ուտիացոց և Աղուանից երկրներում քրիստոնէութիւն տարածեց և այս երկրումն էլ նահատակուեց անօրէն լեռնականների ձեռքով: Պատմութիւնից յայտնի է, որ այս կողմերն այցելեց նաև մեր չընաշխարհիկ Մեսրոպ Մաշտոցը, Աղուանից և Ու-

\*) Թուրքերը անուանում են այս վանքին «Բեօհնայ օջաղ» — հին ուխտատեղի և Հայոց պէս երկիւղածութեամբ սիրում են նրան ու պաշտում:

տիացոց համար գրեթէ հնարեց, բազմաթիւ դըպրոցներ բացեց և քրիստոնէութեան գործը դրեց աւելի հաստատ հիմքերի վրայ: Այս վանքը՝ իւր հնութեամբ առաջինն է համարուում Ուտիացոց աշխարհում գոյութիւն ունեցող բոլոր վանքերի և սրբավայրերի շարքում, որ երկաւր ժամանակ Աղուանից աշխարհի կաթողիկոսարանն է եղել: Վանքի օդն ու ջուրը զով ու շատ առողջարար է, իսկ տեղն ու դիրքը, իր առատ բուսականութեամբ, Կովկասեան բարձր ու անտառապատ լեռնաշղթաների հովանաւորութեամբ՝ ներկայացնում է մի ակնապարար տեսարան: Վանքի արևմտեան կողմը լեռան կրճքին փոռուած է Գիս Հայոց գիւղը, որ 18-րդ դարի վերջերում սարսափելի բըռնութեամբ մահմեդական դարձած է, որոնց բերանում Գիս անունը փոխուել և դարձել է Քիշ, իսկ Եղիշէ առաքեալի անունն էլ Եաղիշ կամ Եախշի Առաքել: Գիւղի ստորոտից փրփրազէզ և կատաղի համանուն Գիս գետն է հոսում բարձրից դէպի ցած, որ գարնանը լեռներում կուտակուած ձիւնի հալուելու պատճառով սկսում է սաստիկ յորդանալ և իւր ափերից դուրս գալով՝ անազին վտաններ է հասցնում Նուխու այգիներին և պարտէզներին:

Բ. ՃԱԼԷԹԻ ՎԱՆՔԸ: Ճալէթ Հայաբնակ գիւղից վերև մի բարձր լեռնահարթի վրայ շինուած են ս. Աստուածածնի անունով հին և նոր վանքերը, որոնցից առաջինը շինուած է շատ հին ժամանակներում, իսկ վերջինը 19-րդ դարի կիսում: Հին վանքը շինուած է նոյն իսկ ս. Եղիշէ



առաքեալի ձեռքով, ուր կարգած է եղել վերա-  
տեսուչ հովիւներ, որ հետզհետէ ծաղկում, եպիս-  
կոպոսարան և ապա Աղուանից աշխարհի կաթո-  
ղիկոսարան է դառնում մի ժամանակ \*), ինչպէս  
այդ պարզ երևում է վանքիս մուտքի առաջ թա-  
ղուած կաթողիկոսների շիրիմների վրայ ձգուած  
տապանաքարերի արձանագրութիւններից: Աւան-  
դաբար պատմում են, որ ս. Եղիշէ առաքեալն ու-  
նեցել է երեք աշակերտներ, — Վլաս, Քահալցիցիկ  
և Գօմ-Մուրատ \*\*): Որոնցից առաջինը նահատա-  
կուած և թաղուած է Նիժ գիւղաքաղաքի ս. Եղի-  
շէի եկեղեցու սեղանի տակը, երկրորդը նահա-  
տակուել ու թաղուել է Վարդաշէն գիւղաքաղաքի  
ստորոտում, մի գեղեցիկ ըրբակի վրայ, որ յետոյ  
Վարդաշէնցի բարեպաշտ Առաքել Մուրատեանը  
իւր ծախքով շինում է մի փոքրիկ մատուռ 1811  
թ. որ Գեղ. Մ. եպ. Բարխուդարեան սրբազանի  
ասելով, այժմս քայքայուած վիճակի մէջ է \*\*\*):  
• Իսկ երրորդը նահատակուած ու թաղուած է մի  
բարձր լեռան գլխին, որ գտնուում է Ծերիկ գիւ-  
ղի հիւսիսային արևմտեան կողմը: Ս. Եղիշէ ա-  
ռաքեալին անօրէն լեռնականները նահատակել և  
ձգել են մահապարտների համար յատկացուած  
այն հորի մէջ, որ այժմս գտնուում է Հայից թըր-

\*) Տես, «Ճանապարհ. ի Մեծն Հայաստան» երես 377  
և «Աղուանից երկիր» երես 249—250.

\*\*) Տես, «Ճանապարհ. ի Մեծն Հայաստան» երես 380  
և «Աղուանից երկիր» երես 217:

\*\*\*) «Աղուանից երկիր» երես 248:

բացած Բում գիւղի հիւսիսային կողմը թեքուած  
կովկասեան լեռնաշղթայի վրայ: Յետոյ Աղուա-  
նից աշխարհի Վաչագան բարեպաշտ թագաւորը  
հանել է տալիս ս. Եղիշէի մասունքները և տե-  
ղափոխելով Արցախ, թաղել տալուց յետոյ, նրա  
շիրմի վրայ շինում է մի վանք ս. Եղիշէի անու-  
նով \*): Ուտիացոց երկրի զանազան մասերում  
թէև կան մի քանի վանքեր ու սրբավայրեր, բայց  
ամենից շատ յարգուածներն ու սիրուածները  
սրանք են, որոնց ուխտագնացութեան օրերը լի-  
նում են Զատիկից յետոյ—Յինանց օրերում, երբ  
Ուտիացոց երկրի ամեն ծայրերից խուռն բազ-  
մութեամբ ուխտ են գնում թէ իսկական Հայ  
քրիստոնեաները և թէ Հայից թրքացած մահմե-  
դականները: Կեանքիս մէջ ես շատ եմ տեսել  
թէ նշանաւոր վանքեր և թէ բազմաթիւ ուխտա-  
գնացութիւններ, բայց նրանցից և ոչ մէկը չէ  
կարող համեմատուել Ուտիացոց երկրի ուխտա-  
գնացութեան հետ: Վասնզի ընդհանրապէս Թիֆ-  
լիզի և մասնաւորապէս Արարատեան աշխարհի  
ուխտագնացութեան սրբավայրերում շատ ան-  
գամ տեղի են ունենում տգեղ միջնադէպեր—  
արբեցողութիւն, կռիւ և իրար քիթ ու պունդ  
ջարդել: Այն ինչ՝ Ուտիացոց աշխարհի սրբավայ-  
րերում, ուխտագնացութեան միջոցին, սէր և խա-  
ղաղութիւն է թագաւորում, ամենքը ջերմ հաւա-  
տով, խորին պատկառանքով և երկիւղածու-

\*) Տես «Աղուանից երկիր», երես 256:



թեամբ են վերաբերում ուխտագնացութեան վրայ: Ուտիացոց երկրի ուխտագնացութիւնը լինում է այսպէս: Առաւօտեան արշալոյսը բացուելուն պէս, ամենքը, արք և կանայք, ծերերն ու երեխաները լուացւում, մաքրւում, սանրւում և տօնական նոր շորեր են հագնում: Առողջները՝ ոտքով, թոյլերն ու փոքր երեխաները գոմէշի սայլերով, իսկ գիւղացի կտրիճ երիտասարդները նժոյգ ձի նստած, ուրախ-ուրախ երգելով և զբօնացելով, շարան-շարան, մեծ երկիւղածութեամբ և ջերմ հաւատով դիմում են դէպի ուխտատեղ: Հարուստները տանում են իրենց հետ մատաղացու մի-մի շիշակ գառ, իսկ աղքատները աքաղաղ. Հարկաւ, խունկ ու մոմի հետ վերցնում են իրենց հետ նաև ուտելիքի և խմելիքի ամեն տեսակ առատ պաշար—տապակած ու խաշած հաւ, կարմիր ներկած ձու, գաթայ, հալվայ, գինի, օղի և այլն և այլն: Ս. պատարագից յետոյ, ժողովուրդը խիստ երկիւղածութեամբ և խորին պատկահանքով համբուրում է եկեղեցու մասունքները և կամ սրբավայրերի անշուք խաչքարերը, որից յետոյ կարծէք նա թէ նոր հոգի և նոր կեանք է ստանում: Ապա իւրաքանչիւր գիւղի համայնք, շար ի շար, իրար կողքէ-կողք նստում են ծալապատիկ միմեանց դիմաց, կանաչ արօտների վրայ, նորաբողբոջ ծառերի ստուերների տակ: Մէջտեղից բացւում են երկար ու նեղ գունաւոր սփռոցները, որոնց վրայ դարձում են իրենց ուտելիքի ու խմելիքի պաշարները, քահ. կանգնում է ոտքի վրայ և «Հայր մեր»-ով օրհնում է սեղանը: Այս-

պիսով տեղի է ունենում հասարակաց ճաշկերոյթը. ուտում, խմում են ուրախ և իրենց սիրելիներին կենացը կոնծում: Ծաշկերոյթի միջոցին սիրելի խնամիներն իրար յարգում են ու մեծարում՝ պէսպէս ուտելիքների և խմելիքների անուշահամ նմուշներով: Ո՛վ որ նշանած հարս ունի, տղայի հայրը իւր հարսնացուի ծնողներին է յարգում՝ պէսպէս ուտելիքներով լիքը սկուտեղ \*) ուղարկելով, իսկ հարսնացուի ծնողներն էլ իրենց խնամուն են յարգում ու մեծարում՝ իրենց սեղանի վրայի գտնուած նոյնպիսի բարիքներով: Ուրախ ճաշկերոյթի ժամանակ յանկարծ հրացանի պայթիւն է լսւում, որին հետևում է երկրորդը, երրորդը... Տեսնում էք, որ գիւղական նոր պըսակուած երիտասարդներն ու նշանուած պատանիները՝ հէնց նստած տեղից նշան են դնում հաստարուն կաղնու ամենաբարձր ճիւղին և ամենքը իրենց հրացանի փողն ուղղում են դէպի այդ ճիւղը: Ոմանց գնդակը վրիպում է, ամանցը միայն նորածիլ ոստերն է թոցնում, ոմանցը՝ միայն կեղևն է խաղում ու անցնում, իսկ ոմանցը ուղիղ ճիւղին է դիպչում և մատաղահաս տերևներով ճիւղն օրօրուելով օղի մէջ, ընկնում է վայր, նոյն իսկ հացկերոյթի սփռոցի վրայ: Այսպիսի քաջ և վարժ հրացանաձիգ երիտասարդներին ամեն կողմից ուխտաւորները ցնծազին ազգազակներով գովում ու փառաբանում են և գի-

\*) Այսպիսի սկուտեղին տեղացիք ասում են խօնչայ:



նու լի բաժակներ են պարպում նրանց թանկագին կենաց: Ճաշկերոյթից յետոյ բոլոր ձիաւորները ձիարշաւի հանդէս են կատարում հետեւեալ կերպով: Նախ և առաջ տափարակ դաշտի երկարութեամբ որոշում են տարածութեան մի սահման, օրինակի համար՝ մինչև դիմացի այս ինչ կամ այն ինչ ծառը: Յետոյ բոլոր ձիաւորները իրար կողքէ-կողք շարուում են որոշուած գծի ուղղութեամբ, երեսները դէպի նշան դրած հեռաւոր ծառն ուղղած: Նախ՝ հերթով քշում են զոյգ-զոյգ մինչև նշանակուած տեղը և այնտեղից էլ սուրալով՝ կրկին վերադառնում են իրանց կանգնած տեղը: Այս արշաւանքի ժամանակ ձիարշաւ երիտասարդները իրենց հնարագիտութիւնն ու ճարպիկութիւնը մեծ խնամքով աշխատում են հրապարակ հանել: Եւ ամեն մէկը մեծ ձիգ է թափում, որ թէ՛ ինքը և թէ՛ իւր ձին բոլոր ուխտաւորների հիացման ու գովասանութեան առարկայ լինի: Ձիարշաւների պահուն սով որ հրացան է խաղացնում իւր ձեռքին, մերթ գաւակի վրայից երեսը դէպի յետ դարձրած, կամ աջ ու ձախ կողմը կռնալով, արագավազ ձիու փորի տակից և կամ ձիու վրայ երեսն ի վեր պռկած հրացան է պայթեցնում և իւր ընկերից առաջ է անցնում, ամենքի հիացման և բռուն ցոյցերի առարկան նա է դառնում: Այս կարգով ամենքը թէ իրենց և թէ իրենց արագավազ ձիերի շնորհքը ցոյց տալուց յետոյ բոլորը միասին միանդամից՝ նշան տարուեն պէս, սլանում են դէպի առաջ ու յետ: Որի ձին ամենից առաջ է անցնում, այդպիսի նժոյգի ար-  
յայտով մի և ոտս գլխարս միմտանս զսիլսսլմ

ժէքը սովորականից շատ թանգ է գնահատում և նրա գովասանութիւնն ու հռչակը տարածում է ամբողջ գաւառի չորս կողմը: Ձիարշաւի խաղերից յետոյ ամենքը ուրախ տպաւորութեան տակ ցրում են իրենց տները:

Գ. Ս. ԳէՈՐԳԻ ՎԱՆՔԸ: Ս. Գէորգի վանքը գտնւում է Հայից թրքացած Պտէզ (Պարտէզ) գիւղից դէպի հարաւային կողմը նայող լեռան ստորոտին:

Դ. Ս. ԳԵՂԱՐԴԻ ՎԱՆՔԸ: Ս. Գեղարգի վանքը գտնւում է ս. Գէորգի հիւսիս-արեւմտեան կողմը մի սարի գլխին, որին թրքացած Հայերը անուանում են Գամիւրով: Թէ այս և թէ վերոյիշեալ վանքերն ու սրբավայրերը առհասարակ ուխտ են գնում, երկիւղածութեամբ և խորին պատկառանքով յարգում ու պատում են թէ՛ բրիստոնեայ և թէ՛ թրքացած Հայերը: Բայց եթէ մենք Հայերս ձեռնհաս թեմական Առաջնորդներ, շրջիկ քարոզիչ վարդապետներ և բանիմաց բահնաններ ունենայինք, այդ դժբախտ թըրքացած բազմաթիւ Հայերը կրկին Հայ քրիստոնեայ դարձած կլինէին:

ժ

ՈՒՏԻՍՅՈՅ ԱՒԱՆԴԱԿԱՆ ՀՆԱԻԱՆԴ ՍՈՎՈՐՈՒ-  
 ԹԻՒՆՆԵՐԸ

Ուտիացոց աշխարհի թրքախօս և Ուտիա-  
յայտով մի և ոտս գլխարս միմտանս զսիլսսլմ



խօս Հայերի մէջ պահպանուել են մինչև ցարգհետեակ հնաւանդ սրանչելի սովորութիւնները: Նախ՝ այդ հնաւանդ սովորութիւններով նրանք ցոյց են տալիս հաւասարութեան և միութեան գեղեցիկ օրինակը նոյն իսկ զատկական ամենամեծ տօնի օրը՝ հացկերոյթի ժամանակ: Իսկ եղբայրաբար միմեանց օգնելու և աջակցելու եղբայրութեան հրաշալի օրինակը նրանք ցոյց են տալիս այն ժամանակ, երբոր իրենց եղբայրակիցները՝ նեղութեան կամ դժբախտութեան մէջ ընկած, ուրիշ օգնութեան ու կարեկցութեան կարօտ են լինում: Ահա թէ ինչպէս: Ուտիացոց աշխարհի հարուստ ու աղքատ Հայ ընտանիքները անշուշտ պիտի գնեն իրենց համար մի-մի հատ անարատ ու ընտիր գառը՝ Զատկի օրը ախառ (մատաղ) անելու համար: Առաւօտեան արշալոյսը դեռ չբացուած, Զատկի օրը, մորթում են բոլոր գառները և փորոտիքները մի լմու մաքրելուց յետոյ ամբողջապէս խորովում են նրանց և դնում մի մեծ սկուտեղի \*) վրայ: Խօնչայի մէջ, պղնձէ փսէններով շարում են կարմիր ներկած ձուաներ, նազուք, գաթայ, դեղին խունկի պէս անուշահոտ հացեր, կարագ իւղ, գոմէշի թանձր սեր, բամած մածոն, տապակած հաւեր և հողէ մի մեծ ամանով լիքը կարմիր գինի և այս ամենի վրայից ծածկում են մաքուր սփռոցով և ապա ուղարկում են գիւղական եկեղեցու բակը: Այստեղ նախապէս ընտրուած մարդիկ են լինում, որոնք իւրա-

\*) Տեղացի՝ թէ՛ հայ և թէ՛ թուրք անուանում են խօնչայ:

քանչիւր տանից ուղարկուած խօնչան ստանում և հաւաքում են մի տեղ: Ս. պատարագից յետոյ, եկեղեցու բակում, կանաչ ու դալար խոտերի վրայ փռում են երկաթ ու նեղ սփռոցներ: Սփռոցների երկարութեամբ, իրար դէմ ու դէմը ծալապատիկ նստում են՝ տղամարդկանց խումբն առանձին, իսկ կանանցն առանձին: Քահանան օրհնում է սեղանը և բազմում է իրեն յատկացուած՝ ամենաբարձր ու պատուաւոր տեղը, իսկ ժողովուրդը նստում է՝ ու՛ մի օրտեղ պատահում է: Ծաշկերոյթի կառավարիչները առանց ընտրելու, անխտիր բերում են իրենց ձեռքն ընկած սկուտեղները և դնում են ամեն մի ընտանիքի աւագագոյն անդամի առաջ՝ մի-մի հատ: Քահալով սկուտեղները, սկսում են ձաշել ուրախ-ուրախ և իրենց սիրելիների կենաց գինու բաժակներ պարպել: Այս հասարակական համայնական ձաշկերոյթի ժամանակ՝ էլ «իմը», «քոնը» հարցնել չկայ, ու՛մ առաջը իւր բախտից ինչպիսի կերակուր ու գինի պատահի, սուս ու փուս նա պիտի ուտէ ու խմէ, գո՛հ սըրտանց և ուրախ զէմքով: Ծան անգամ աղքատի նիհար գառն ու չոր հացերը և քացախած գինին դնում են հարուստների և պատուաւոր մարդկանց առաջ, իսկ հարուստների ճոխ, լիքն ու բարի սկուտեղը բացում է օրական հացի կարօտ ու ամենաթշուառ աղքատի առաջ: Այսօրուայ պէս են լաւ յիշում եմ հետեակ զէպքը՝ որ իմ կեանքումս չեմ մոռացել և երբէք էլ չեմ մոռանայ:

Երբոր են 7—8 տարեկան էի, ինձ համար մի սև և անմոռանալի Զատիկ բացուեց: Այդ օրը



հօրս առաջ դրուած էր մի աղքատիկ խօնչայ (բակուտեղ), որ ուրախ-ուրախ բացեց և դուրս բերեց նրա միջից մի նիհար ու փոքրիկ գառը, մի երկու սև ու չոր հացեր և մի ամանով էլ բացախ գինի: Հայրս ուրախ ու գուարթ կտրատեց իւր ձեռքով և տուեց իւր ընտանիքի բոլոր անդամներին, որոնք երեսներին խաչակնքելով՝ սկսեցին ուտել, բացի ինձանից: Խնուկել էի ես և չէի կամենում մի բան ուտել, առարկելով հօրս ականջին, թէ «մեր տանու պատրաստած լաւ-լաւ բաներից կտա՛ս կուտեմ, ապա թէ ո՛չ՝ այս սև չոր հացից ու մսից չեմ ուտի»: Հայրս ծուռ-ծուռ նայեց ինձ վրայ իւր սևորակ ու կրակոտ աչքերով և ականջս մի լաւ ոլորելով՝ գլխով նշան տրուեց, որ իսկոյն հեռանամ և գնամ մօրս մօտ և ես արտասուք կուլ տալով գնացի իմ մօրս մօտ... Ահա՛ գատկական այս արտակարգ սովորութիւնը և հասարակական այսպիսի հացկերոյթը մեզ տանում ու Առաքեալների ժամանակն է հասցնում, նրանց միաբանական ճաշկերոյթներն է յիշեցնում. երբ ամեն բան հասարակաց էր, երբ ամենքը միասին էին ուտում ու խմում՝ «ի բեկանել հացին ի սեղանոյ անտի»... Ուտիացոց աշխարհում, երբոր մէկը իւր սեփական ոյժերով անկարող է լինում տուն շինել, կամ իւր արտերը ցանել, կամ ցանած և հասունացած հացահատիկները հնձել իւր ժամանակին, այսպիսի անօգնական գիւղացին իսկոյն զիմում է իւր գիւղի համայնքի օգնութեան: Նա իւրաքանչիւր տանից մի-մի մարդ կանչում է «իմեաջի»—հաւա-

քական օգնութիւն, որ նշանակում է եղբայրական փոխադարձ օգնութիւն: Հրաւիրուած գիւղացիք ամենայն սիրով և պատրաստականութեամբ գալիս են իրենց բահ ու բրիչներով, իրենց ուրազ ու կացիններով և խմրովին աշխատելով, մի երկու օրում, նոր տուն են շինում և ապա գոհ սրտով գնում են իրենց աները: Այս հաւաքական օգնութիւնը և եղբայրական փոխադարձ աշակցութիւնը գիւղացիք անտրտունջ կատարում են այն մարդկանց համար, որոնք իսկապէս օգնութեան և աշակցութեան կարօտ են՝ թէ վարուցանքի, թէ հնձի և թէ ուրիշ ծանր աշխատանքների ժամանակ: Հարկաւ «իմեաջի»—հաւաքական օգնութիւն հասնող գիւղացիների ուտելն ու խմելը հոգում է հրաւիրող և եղբայրական օգնութիւն խնդրող գիւղացին: Ահաւասիկ ձեզ ճշմարիտ քրիստոնէութեան վայել ընկերսիրութեան և փոխադարձ հաւաքական օգնութեան սքանչելի մի սովորութիւն, որ իբրև մի ընտիր օրինակ և գեղեցիկ կաղապար կարող է լինել մեր բոլոր Հայ գիւղացիների համար: Միայն ցաւ ի սիրտ պիտի ասեմ՝ ափսոս և հազար ափսոս, որ այսպիսի ընտիր յատկութիւններով օժտուած և երկրագործութեան սիրահար մի բուն Հայ ժողովուրդը խարխափում է անսահման տգիտութեան և թանձր խաւարի մէջ: Գոնէ այսուհետև շատ ու շատ ցանկալի է, որ մեր բանասէրներն ու հնագէտները, մեր բանիմացներն ու գրագէտները շրջէին Ուտիացոց աշխարհում, ուսումնասիրելով՝ հետազօտէին նրանց անցեալն ու ներկան և ապա այս



Երկաթակազմ ժողովրդին ծանօթացնէին Հայ ըն-  
թերցողներն և լուսաւոր աշխարհի հետ:

**Ի**

**ՈՒՏԻԱՑՈՑ ՀԱՒԱՏԱԼԻՔՆԵՐՆ ՈՒ ՆԱԽԱՊԱՇԱՐ-  
ՄՈՒՆՔՆԵՐՆ**

Ուտիացոց աշխարհի ցած և տափարակ մա-  
սերում, ուր օդն ու ջուրը առհասարակ շատ  
վատ է, այնտեղերի ժողովրդի միջից անպակաս  
է տենդն ու զոզը: Այս մահաբեր չարիքից ազա-  
տուելու համար տենդոտ հիւանդին յանկարծ  
պինդ ապտակ են տալիս, կամ նրա վզի յետեի  
կողմից՝ ողնաշարի ուղղութեամբ պաղ ջուր են  
լցնում, որ սաստիկ վախից տենդն այնպստա-  
նայ: Կամ մի որևէ նահատակի գերեզմանի մօտ  
բղխող սառնորակ աղբիւրի ջրով լուանում են  
հիւանդի երեսը, ձեռքերն ու ոտքերը և ապա  
նրա հագուստից մի կտոր պատռում և կապում  
են աղբիւրի մօտ բուսած ծառի կամ թփի ճիւ-  
ղերից և անպայման հաւատացած են, որ այսպի-  
սով իրենց հիւանդը բոլորովին կառողջանայ առ  
միշտ: Այս իսկ պատճառով անծանօթ այցելուն  
տեղ-տեղ կտեսնի սառնորակ աղբիւրների մօտ  
այնպիսի ծառեր կամ թփեր, որոնց ճիւղերից  
կապկպած ու կախուած են լինում գոյնզգոյն  
ցնցոտիների անթիւ ու անհամար կտորներ: Եթէ  
մէկը յանկարծ հիւանդանում է, իսկոյն ենթադրում

են, որ դա «չար» աչքից է: Եւ անա տարաբախտ  
հիւանդին չար աչքից փրկելու համար վերցնում  
են բուռով աղ և հիւանդի գլխի շուրջը մի քանի  
անգամ պտացնելուց յետոյ՝ նետում են կրակի  
մէջ ասելով. «չար աչքը թող այսպէս տրաքտը-  
րաբուի»: Իսկոյն բոցերի միջից լուում է ճըրթ-  
ճըրթոց և այդ տրաքտրաքոցի ճայթուններից ա-  
կանատեսները որոշում են չար աչքի սաստիկ կամ  
թոյլ ներգործութեան չափն ու սահմանը: Այսպի-  
սի դէպքերում հաւատով և ջերմեռանդ կանայք  
հիւանդի գլխի չորս կողմը շրջեցնում են մի զոյգ  
դեղին մեղրամոմ և ապա վառում են՝ ս. Եղիշէ  
առաքեալի արագահաս օգնութիւնն ու գօրութիւ-  
նը հայցելով և կամ խոստանում են իրենց ունե-  
ցած անասուններից մէկը նուիրել իրենց աղքատ  
հարևանին: Բարեբախտաբար երբոր հիւանդն ա-  
ռողջանում է, նրա ծնողները իսկոյն կատարում  
են իրենց խոստումը՝ կենդանի մի հորթ կամ կով  
ընծայելով իրենց աղքատ զրացուն: Եթէ գիւղա-  
ցու կթան կովը կամ գոմէշը և կամ մի որևէ ա-  
նասուն մնում է անտառում և կամ կորչում է,  
այն ատեն գրպանի ծալովի դանակը ծալում և  
ձգում են աղով լի տոպրակի մէջ, որպէսզի  
վայրենի գայլերի ու գազանների բերանները կա-  
պուլին և չկարողանան մօտենալ իրենց անասու-  
նին: Երբոր անասունը գտնուում է, նրանք հաւա-  
տում են, որ բերանի վրայ ծալուող դանակն է  
ազատել իրենց խեղճ անասունին չար գազաննե-  
րի պատառատող ժանիքներից: Կատաղած շուն  
կամ որևէ գազան երբոր խածում և վիրաւորում



է մարդկանց, նրանց վերքերի վրայ դնում են ծածկած հում լոբի: Բայց եթէ կատաղած գազանին կարողանում են սպանել, իսկոյն կիսում են նրա մարմնի մէջտեղից և խածուած հիւանդին անց են կացնում երկու մաս արուած դիակի կրտորների մէջից և կատաղած գազանի մազերից խուզում, խանձում և դնում են վերքերի վրայ և այսպիսով հաւատում են, որ իրենց հիւանդները կբժշկուեն: Իսկ ոմանք էլ տանում են ուխտ «Սարի-փիր» — դեղին սուրբ ասուած տեղը, որ գտնուում է Միրզաբէկու թրքախօս Հայադաւան գիւղի հարաւային կողմը մի խիտ անտառի մէջ, ուր կան երկու տապանաքարեր՝ արաբական լեզուի արձանագրութեամբ: Այս տեղ են տանում նաև այնպիսի մարդկանց, որոնք դեղնութիւն ունեն և կամ ջրզոզութեամբ փորերը ուռած են: Փորերը քսել են տալիս տապանաքարերին, որպէս զի նրանց երեսի գեղնութիւնն ու փորի ուռոյցքները անցնեն — անհետանան ընդ միշտ: Եթէ մէկի տան բակում շունն սկսի անսովոր կերպով ոռնալ ծո՞ր տալով, լսողների վրայ մի սարսափելի սարսոց է ձգում և ժողովրդի կարծիքով մի սարսափելի դժբախտութեան նշան է համարուում: Հէնց այս իսկ պատճառով էլ ամեն կողմից կսկսեն պոռալ, որ շունը ունալուց դադարի: Բայց եթէ չդադարէ, շան տէրը իսկոյն նրան գնդակահար կանէ, որպէսզի մի որևէ դժբախտութիւն չպատահի իրենց, կամ հարևանների տան մէջ: Եթէ ագռաւը գայ և տան մօտ ծառի վրայ թառած սկսէ «դ՛ւււ — դ՛ւււ»

ձայն արձակել, դա նմանապէս շատ վատ և չարագուշակ նշան է և հաւատում են, որ մի անբախտ լուր պիտի լսեն մօտ օրերում: Անձրևից յետոյ երկնքի վրայ երբոր կարմիր ու կանաչ ծիածան է երևում, ժողովուրդը հաւատում է, որ ամեն բերքերի մէջ մեծ առատութիւն պիտի լինի: Ժողովրդի կարծիքով, կանաչ գոյնը՝ ցորենն ու հացահատիկներն են, իսկ կարմիրը՝ մետաքսն ու գինին: Կան այլ և այլ շատ հաւատալիքներ և նախապաշարմունքներ, որոնց մասին մի առ մի պիտի խօսեմ Ուտիացոց մասին գրելիք ընդարձակ մի այլ աշխատութեանս մէջ:

Լ

ԿՈՍՊՊԱՇՏՈՒԹԵԱՆ ՀԵՏՔԵՐԸ ՈՒՏԻԱՅՈՑ ԱՇ-  
ԽԱՐՀԻ ՀԱՅԵՐԻ ԵՒ ԹՈՒՐԿԵՐԻ ՄԷՉ

Մինչև ցարդ Հայերն ու տեղական մահմեդականները երդուում են Արևի անունով. իսկ առաջինները նրա առաւօտեան ծագման ժամանակ սկսում են մինչև անգամ երկկիղածութեամբ խաչակնքել իրենց երեսներին: Նմանապէս երդուում են սովորական կրակի անունով և նրա մէջ կեդտոտ բան ձգելը կամ թքելը շատ ծանր մեղք ու անհերելի յանցանք են համարում՝ թէ հայերը և թէ թուրքերը: Ընդհանրապէս սրբավայրերում և մասնաւորապէս գերեզմանոցներում բուսած հինաւուրց ու հաստարմատ ծառերին վերաբերում



են խորի՛ն յարգանքով և նրանցից որևէ ոստ կամ ճիւղ կտրելը շատ ծանր մեղք են համարում իրենց համար: Ինձ այնպէս է թւում, որ Ուտիացոց աշխարհի այժմեան ազգաբնակիւթեան նախնիքները՝ իբրև Աստուած պաշտելիս են եղել ի միջի այլոց՝ նաև հաստարմատ և դարաւոր ծառերը: Տողերիս գրողի հայրական այգում կայ շատ հին դարերից բուսած շագանակի մի անագին ծառ, որի հաստութիւնը երեք տղամարդի գրկաշափից աւելի է: Աւանդաբար պատմում են, որ այդ հսկայ ծառի բուսած տեղում անհաւատ լեռնականները չարչարել են ս. Եղիշէ Առաքելի աշակերտներից մէկին, ուր՝ միևնոյն տեղում, իբրև նշան տնկել են շագանակի մի ծառ, որի առատ պտուղներից մի հատ քաղել ո՛չ ոք չի համարձակուում, վասնզի նրան սուրբ և անձեռնմխելի է համարում տեղական ժողովուրդը: Այդ հըսկայ ծառի տակը երբմն ուխտ էին գալիս իմ մանկութեանս աստեն, խոնկ ու մոմ էին վառում և մատաղ էին անում: Մինչև ցարդ այդ վիթխարի ծառի անագին քանակութեամբ պտուղները ազոռաներն ու կաշաղակներն են ուտում: Անձանօթ այցելուն, այս ու այն հայոց և թրքաբնակ գիւղերի մօտ, եթէ թաւառ ու հաստարմատ անտառակներ տեսնի, անկասկած պիտի իմանայ, որ դրանք գիւղական գերեզմանատներն է, որոնց գեղեցիկ ծառերը սուրբ են համարում ժողովրդի աչքում: Նիժ գիւղի հիւսիսային կողմը, Նուխու ճանապարհի վրայ, հսկայ ծառերով պատած մի խիտ անտառ կայ, որ հին հեթանո-

սական դարերում Ուտիացոց աշխարհի կոստուներն է եղել \*): Յետոյ, առաջին դարի սկզբում, ս. Եղիշէ առաքելը կործանել է այդտեղի միհեաններն ու կոստունները և նրանց տեղը կանգնեցրել է խաչ քարեր, որ մինչև ցարդ հայերի և թուրքերի համար շատ մեծ ուխտատեղի է համարում և այդ տեղը այժմս կոչուում է «Թավուխ կրան» — որ նշանակում է հաւեղէնների զենարան՝ մատաղ մորթելու տեղ: Տեղական ժողովուրդը շատ մեծ յարգանքով և խորի՛ն պատկառանքով է վերաբերում դէպի այդ սրբավայրի հսկայ ծառերը և ո՛չ ոք չէ համարձակուում մի որևէ ճիւղ կտրել նրանցից: Ահաւասիկ ձեզ հնագիտական ուսումնասիրութեան համար առատ ու ընտիր նիւթեր:

Խ

ՄԻ ՔԱՆԻ ԽՕՍՒՔԵՐ ՈՒՏԻԵՐԷՆ ԼԵԶՈՒՈՎ

Ինչպէս ասացի, ամբողջ Ուտիացոց աշխարհի բազմաթիւ գիւղերի մէջ մինչև ցարդ գործածական և անկորուստ է մնացել Ուտիերէն լեզուն միմիայն Վարդաշէն և Նիժ գիւղաքաղաքներում, որոնց բառերի և խօսակցութեան ոճի մէջ մի փոքր տարբերութիւն կայ: Հայ և օտար մասնագէտ լեզուաբան և պատմաբան բանասէրներ

\*) Տես «Ճանապարհ. ի Մեծն Հայաստան» երես 381.



հետաքրքրութեան փոքր ինչ գոհացումն տալու համար՝ իրրև նմոյշ առաջ եմ բերում Նիժ գիւղաքաղաքի գործածական խօսքերից Ուտիերէն հետեւեալ բառերը.

- 1. Կօժ—տուն:
- 2. Քիւլֆաթ—ընտանիք:
- 3. Էշղար—տղամարդ
- 4. Խուեար—աղջիկ:
- 5. Չըւուխ—կին:
- 6. Ղար—տղայ:
- 7. Վիշի—եղբայր:
- 8. Խունչի—քոյր:
- 9. Բաւա—հայր:
- 10. Նեանա—մայր:
- 11. Խօրայ—կերակուր:
- 12. Նուղուլ— կերակուրի բոլոր տեսակը:
- 13. Սաբայնան — առաւօտ:
- 14. Բիասի—երեկոյ:
- 15. Բեղ—արև:
- 16. Խաշ—լուսին:
- 17. Գեօլ—երկինք:
- 18. Օչալ—երկիր:
- 19. Ասսա—ամպ:
- 20. Ծօճա—կարմիր:
- 21. Մային—սե:
- 22. Դեօյին—կապոյտ:
- 23. Մածի— սպիտակ:

- 24. Նեղու—ղեղին:
- 25. Մուճա—քաղցր:
- 26. Աղու—դառը:
- 27. Ախշումսուն—ծիծաղել—խնդալ:
- 28. Իօնէ—լաց:
- 29. Մուխբալսուն— ուրախանալ:
- 30. Բէյքէֆ—տխուր:
- 31. Իւշէ—գիշեր:
- 32. Բայինդ—մութ:
- 33. Շիւնէեարի կամ խիշնա—կէս գիշեր:
- 34. Քեայքեայմուխ— արշալոյս:
- 35. Օտտաղ—արօր:
- 36. Կօրուղ—գաշտ:
- 37. Էղ—վարուցանք:
- 38. Մանդակբակսուն —յողնել:
- 39. Տիղա—վագել:
- 40. Բուխաթուղ— Աստուած:
- 41. Յիսուս—Յիսուս:
- 42. Քրիստոս— Քրիստոս:

- 43. Իքիրամբսուն— պաշտել:
- 44. Չուրէսուն—սիրել
- 45. Փխլամիշփսուն— ատել:
- 46. Դաւարսուն—կընուել:
- 47. Խօխվիրսուն — ջարդել:
- 48. Խուրիբսուն — մանրել:
- 49. Խուրի—մանր:
- 50. Խուրիթուլ—մըրջիւն:
- 51. Տատ—ճանճ:
- 52. Ուճ—մեղր:
- 53. Ուճէտատ—մեղու:
- 54. Կուշ—թռչուն:
- 55. Գիեար—աղանի:
- 56. Կունկուրի—տաւրակ:
- 57. Ղէշնա—ազուա:
- 58. Կիրձալ — կաշաղակ:
- 59. Կօկօժ—հաւ:
- 60. Դաղալ—աքաղաղ:
- 61. Շումակ—ձու ածող հաւ:
- 62. Ամղար—մարդ:
- 63. Էգ—ձի:

- 64. Չուր—կով:
- 65. Էղել—ոչխար:
- 66. Քեալ—գոմէշ:
- 67. Եօղսուլ —տնանկ, աղքատ:
- 68. Ուս—եգ:
- 69. Բեօկ—խոզ:
- 70. Զիւհար—եղնիկ:
- 71. Մուկալա—եղջիւրու:
- 72. Ուլ—գայլ:
- 73. Թիւլքի— աղուէս:
- 74. Արամտօր—չաղալ
- 75. Խէա—շուն:
- 76. Խէ—ջուր:
- 77. Խեախեարսուն— կոտրել:
- 78. Բափա—թափել:
- 79. Քալբաքսուն — մեծանալ:
- 80. Միժիկ—փոքր:
- 81. Միժիկբակսուն — փոքրանալ:
- 82. Մօքալան—մեծ:
- 83. Ար—տանճ:
- 84. Էշ—խնձոր:
- 85. Կանուլի—վարունգ
- 86. Ղոզ—սալոր:
- 87. Տամպուլ —աղնիւ սալոր:



- 88. Մային բայի—սև կեռաս:
- 89. Մածի բայի—ճերմակ կեռաս:
- 90. Գիւլբայի— ալուբայի (վիշնա):
- 91. Արիք—ծիրան:
- 92. Շեաֆտալուկ — դեղձ:
- 93. Ալամ—հուռ:
- 94. Ինջիլ—թուղ:
- 95. Տուլ—խաղող:
- 96. Կարփուկ— ձմեռուկ:
- 97. Եմիշ—սեխ:

- 98. Մուճանակ—կաթ:
- 99. Ուխայիլ—մածուն:
- 100. Նակ—թան:
- 101. Չուսմի—պոնիր:
- 102. Մոզի—հորթ:
- 103. Աչառ—առակ:
- 104. Տօլ—կաշի:
- 105. Թաքի—գնայ:
- 106. Հեթմը—ինչպէս:
- 107. Մուզուն—լեզու:
- 108. Բէշ—մեր:
- 109. Ուփանձու — գիտես:
- 110. Քշտօն—Հայ:

Ս

ՄԱՀՄԵԴԱԿԱՆ ԹՈՒՐԲԵՐԸ ՈՒՏԻԱՅՈՅ  
ԱՇԽԱՐՀՈՒՄ

Ամենքին քաջ յայտնի է, որ Մահմէդն ու իր յաջորդները և նրանց հետևողները դարերի ընթացքում՝ սկզբից մինչև ցարդ Մահմէդի դաւանած վարդապետութիւնը տարածել են սրով և կրակով: Մահմէդի բազմաթիւ հետևողների միակ և գլխաւոր տենչանքն է եղել կոտորել քրիստոնեաներին և նրանց գոյքերին ու հարստութեանց

տէր դառնալ: Կամ նրանց տաճարներն ու սրբավայրերը հիմնայտակ քարուքանդ անելուց յետոյ, սոսկալի տանճանքներ տալով մահմեդական կրօնն ընդունել տալ և ապա մարդկանց ու տեղագրական անուններն այն աստիճան փոփոխել և թրքացնել, որ քրիստոնէութեան հետքն անգամ չմնար աշխարհիս վրայ: Ի զուր չէ ասուած, թէ շոր և է մահմեդականի ձիու սմբակով ոտք կոխած տեղը այլևս երբէք խոտ չի բուսնի: Ահա այսպէս, Մահմեդական կրօնին հետևող լեռնականների մոլեռանդ և արիւնարբու զաւակները քարուքանդ արին Ուտիացոց և Աղուանից երկրները:

Ինչպէս ասացի, Հայ քրիստոնեայ ընակչութեան մի մասը ընաջինջ արին — կոտորեցին անխնայաբար, մի մասը սոսկալի տանճանքների ենթարկելով, բռնութեամբ դարձրին մահմեդական, իսկ միւս ամենամեծ մասը գերի տարան և ըջեցին Պարսկաստանի խորքերը: Աւանդաբար ծերունիները պատմում են, որ դարերի ընթացքում Աղուանից և Ուտիացոց երկրներից տարուած անթիւ ու անհամար հայ քրիստոնեաներից սերուելով և հետզհետէ աճելով ու բազմանալով են գոյացել այժմեան Աղուանիստանն ու Բելուջիստանը: Այս բանը հաւանական է թուում հէնց այն բանից, որ այդ երկու երկրների անուններից Հայերէն լեզուի հոտ է բուրում: Աղուանստան, որ նշանակում է Աղուանների բնակուած տուն, իսկ Բել-Ուտիստան՝ աղաւաղուել և մահմեդականների բերանում փոփոխուելով՝ դարձել



է Բելուջիստան: Իմ ասածներս միայն անձնա-  
կան ենթադրութիւն է, որ տակաւին կարօտ է  
հմուտ բանասէրների ու յայտնի հնագէտ-պատ-  
մաբանների մանրազննին հետազօտութեան և լու-  
սաբանութեան: Սակայն և այնպէս, ի նկատի առ-  
նելով մահմեդականների այն բնորոշ յատկութիւ-  
նը, որ մի որեւէ երկիր տիրելուն պէս բռնի մի-  
ջոցներով կամենում են տիրապետող հանդիսա-  
նալ, ոչ միայն նրանք իրենց լեզուն, բարբերը,  
սովորութիւնները և նիստ ու կացը մտցնում են  
իրենց ստորադրեալ ազգերի մէջ, այլև պատմա-  
կան տեղերի, լեռների ու գետերի անունները  
մինչև անգամ փոփոխում-աղաւաղում են և կամ  
կնքում են բոլորովին մահմեդական անուններով:  
Օրինակի համար՝ Արաքս կամ Երասխ գետին—  
Արազ, Ախուրեան գետին՝ Արփայ չայ, Եփրատ  
գետին՝ Մուրատ չայ, Արագած լեռան՝ Ալա-  
գետզ, Սև-լեռան՝ Կարա-դաղ, կամ Երզնկայ քա-  
ղաքին՝ Իրիզայ, Ակն՝ Էկին, Սեբաստիա՝ Թո-  
խաթ և այլն և այլն: Չալաբի անունով մի կրօ-  
նամու հրէշ միանում է տեղական պարսիկների  
և լեռնցի լեզգիների հետ, — մօտաւորապէս 1751  
թ. և Ուտիացոց աշխարհի Հայ քրիստոնեաների  
գլխին չար պատիժ ու կատարեալ պատուհաս է  
հանդիսանում: Մինչև մեր օրերը ձերուները  
զարհուրանքով պատմում են, որ այդ գաղանա-  
բարոյ Չալաբին հարիւրաւոր և բիւրաւոր ան-  
մեղ քրիստոնեաների լեզուներն է կտրել տուել,  
որ մայրենի լեզուով չխօսեն, ականջներն է կրտ-  
րել տուել ու խլացրել, որ ժամերգութիւն և ս.

պատարագի երգեցողութիւն չլսեն, աչքերն է  
հանել տուել և ըթերն է կտրել տուել, որպէսզի  
ըլոր քրիստոնեաների վրայ ան ու սարսափ  
ձգէ: Իսկ ազդեցիկ քրիստոնեաներին խոստանում  
է եղել տալ ամեն տեսակ ապահովութիւն, փառք  
և պատիւ:

Տեղական բռնակալ խաները նուիրում են  
նշանաւոր քրիստոնեաներին լայնատարած տա-  
փաստաններ, թաւոտ անտառներ, ընտիր վարե-  
լահողեր և բէկութեան տիրոջաներ: Կարճ խօս-  
քով՝ քրիստոնեաներին սոսկալի տանջանքների  
ենթարկելու համար տրւում է նրանց (բէկերին)  
զաղտնի հրահանգ և վայրագութեան սանձարձակ  
իրաւունքներ: Ահա այսպիսով, 15—20 հազար  
Հայ ընտանիքներ՝ այլևս անկարող լինելով տա-  
նել այն ամեն դարհուրելի տանջանքներն ու ան-  
չափ զրկանքները, ընդունում են Մահմէդի ազ-  
գակործան կրօնը և հետզհետէ ձուլւում են տե-  
ղական մահմեդականների հետ: Չալալեան Սրբա-  
զանը իւր ճանապարհորդութեան մէջ՝ թրքացած  
Հայերի թիւը համարում է 14 հազար ընտա-  
նիք\*): Իւրաքանչիւր Հայ ընտանիքում եթէ հա-  
շուելու լինինք 5-ական հոգի, այն ժամանակ 14  
հազար ընտանիքում կլինի 70 հազար մարդ, մի  
պատկառելի թիւ, որ հաւասար է Յակովբ նա-  
հապետի սերունդի եգիպտացոց երկրից Քանա-  
նացոց երկիրը գաղթած հրէաների թուին: Իսկ

\*) Տես «Ճանապարհ. ի Մեծն Հայաստան» կրես 368.



գերապատիւ Մ. եպիսկոպոս Բարխուդարեանն արքայանի ասելով, Ուտիացոց երկրի՝ Հայից դարձած մահմեդականների թիւն է 15480 տուն\*։ Ուրիշ խօսքով՝ եթէ միջին հաշուով 5 մարդ ընդունելու լինինք ամեն մի ընտանիքում, այն ատեն 15480-ը բազմապատկելով 5-ով կստանանք 77400 հոգի, որ մեզ նման փոքր և ցիր ու ցան ազգի համար մի ահագին կորուստ է։ Իմ ընթերցողներին մի ճիշտ ու հաստատ գաղափար տալու համար, մի առ մի առաջ եմ բերում գրլխաւորապէս Հայկական այն գիւղերն ու աւանները, որոնք թուրքացել են ուղիղ 152 տարի մեզանից առաջ՝ արիւնարբու մահմեդականների սոսկալի լիւանքներից ու անտանելի բռնութիւններից ստիպուած։ Շուխ

1. Նաչ-մաս	1004	Չակայք	311
2. Վանտամ	766	11. Վարդանլու և	
3. Փատառ	680	շրջակայք	260
4. Ղութղաշէն	532	12. Մուխանց (մուխան-	
5. Բումաւանում	416	անցած)	261
6. Թքեանլու	231	13. (Թուրք) Օրաբան	150
7. Չայզլիտ	461	14. Բաշ-Քիւնգիւա	203
8. Չարազան-Չար-		15. Քչլաղ Քիւնգ	171
դուն	262	16. Պտէղ (պարտէղ)	150
9. Նովուր Ղչաղ		17. Գիս և շրջակ.	330
և շրջակ.	200	18. Կոխ-Մուխ (մու-	
10. Էրմանխա և շրք-		խո օսքով կո-	

\*) Տես «Աղուանից երկիր», երես. 229.

խել)	200	24. Բաշ գեծնուկում	652
19. Գեօղլչայի գա-		25. Քիւքեալ և շրջ.	200
ւառում	5000	26. Արաշ և շրջակ.	504
20. Նախխալում և		27. Ղաբալայ և շրջ.	250
շրջակայք	1000	28. Մարսան, Զոռ-	
21 Ղում գիւղում և		լու և Գեօրաղ-	
շրջակայք	446	լար գիւղերում	218
22. Մալըղ գիւղում		29. Աղջա-ղալայ և	
և շրջակայք	111	իւր շրջակայ	
23. Թալա և շրջակ.	200	գիւղերում:	311

Ընդամենը 15480

Բազմապատկելով 15480×5-ով=77400 հոգու\*): Տարաբախտաբար մենք՝ Հայերս մեր անցեալ պատմութիւնը լաւ չգիտենք։ Մեր ազգը, մեր ցիր ու ցան Հայ ժողովուրդը, նոյն իսկ մի թեթև գաղափար անգամ չունի իւր ցեղական առանձնայատկութիւնների, իւր պատերի ու նախնիքների ծագման, նրանց բնակած երկրների և նրանց կրած դառն հալածանքների ու դժբախտութեանց մասին։ Մի որեւէ ազգ կամ ժողովուրդ, որ իւր պատերի ու նախնիքների կրօնի ու լեզուի, նրանց վարք ու բարքի և նրանց կատարած լաւ և վատ գործերի հետ անծանօթ է, այնպիսի ազգ և այնպիսի ժողովուրդ կորած է գլխովին.

\*) Թէև գեր. Մ. եպ. Բարխուդարեանը՝ իւր «Աղուանից երկիր» գրքի 292 էրեսում, Հայից մահմեդական դարձած ծիւերի թիւը հաշուում է 15480 կամ 77400 հոգի, բայց ինձ թւում է, որ այս բոլորիս թրքացած Հայերի թիւը անշուշտ կլինի 100 հազար հոգի։



ժամանակիս հետ առաջ ընթացող զանազան մեծ  
և փոքր ազգերի շարքերում նա ապրելու և գոյու-  
թիւն ունենալու իրաւունք չունի... Ընդհանրա-  
պէս ընթերցասիրութիւնից և մասնաւորապէս մեր  
անցեալի ու պատմութեան ուսումնասիրութիւ-  
նից՝ միանգամայն զուրկ է Հայ ժողովուրդը:  
Փանօք Աստուծոյ, մենք՝ Հայերս թէև ունինք հա-  
րուստ ու ճոխ մատենագրութիւն, պատմութեան  
վերաբերեալ ընտիր գրքեր և առատ նիւթեր:  
Բայց, թող ներուր ինձ ասել, նրանք իրենց  
սուղ արժէքով, իրենց նիւթերի դասաւորութեամբ  
և լեզուի ու ոճի դժուարամարս կազմութեամբ  
բոլորովին անմատչելի են մեր ժողովրդի միջին  
և ստորին դասի խաւերի համար: Ընթերցողներ  
միանշան մասը միայն կարողանում է օգտուել և  
իւր ընթերցասիրութեան ծարաւը յազնայնել այն  
պաշարով, որ մատակարարում է նրան մեր հայ  
մամուլը: Բայց Հայ մամուլի մէջ մերթ ընդ  
մերթ երևացել են պատահական յօդուածներ, ճա-  
նապարհորդական տպաւորութիւններ և ուսում-  
նասիրական հետազոտութիւններ Տերսիմի քըր-  
դացած և Տրապիզոնի Համէն գաւառի թրքացած  
Հայերի նիստ ու կացի և վարք ու բարքի մա-  
սին: Լեհաստանում կորած և Լեհացած Հայերի  
մասին բաւականաչափ հայերէն և ուսերէն լե-  
զուով հրատարակութիւններ կան, որոնց մէջ ա-  
ռաջին տեղն է բռնում մեծարգոյ Կար. Եղեանցի  
հետաքրքրական և լուրջ հրատարակութիւնը \*):

\*) «Բռնի միութիւն Լեհաստանի Հայոց ընդ եկեղե-

Այն ինչ, տարաբախտաբար, Կովկասեան  
մայրաքաղաքի և հայաշատ կենդրոններից ոչ հե-  
ռու տեղ գտնուած Ուտիացոց աշխարհի մէջ բըռ-  
նութեամբ կրօնափոխ եղած 77400 (եօթնասուն  
եօթ հազար և չորս հարիւր) Հայերի նիստ ու  
կացի, վարք ու բարքի, նրանց ընտանեկան սո-  
վորութիւնների և առանձնայատկութիւնների մա-  
սին, որքան ինձ յայտնի է, ոչ մի տող չէ եղել  
մեր Հայ պարբերական մամուլի էջերում: Այս իսկ  
պատճառով, հոգով և անկեղծ սրտանց ես ցան-  
կանում եմ, որ մեր ընթերցողները խորհն ու-  
շագրութեամբ կարգան սոյն տողերս: Միրում եմ  
յուսալ, որ գէթ այսուհետև մեր բանասէրներն  
ու հնագէտները կզնան Ուտիացոց աշխարհ, ան-  
ձամբ կտեսնեն, կզնեն և մանրամասնաբար կը-  
քնեն ամեն բան: Ապա իրենց հետազոտութեան  
արդիւնքները հրապարակ հանելով, ապագայ Հայ  
պատմաբանի համար ընտիր և պատուական նիւ-  
թեր կմատակարարեն: Նիւթեր, որոնք պիտի  
լրացնեն մեր պատմութեան թերի կողմերը և ո-  
րոնք պիտի լուսաբանեն Հայ պատմութեան մութ  
կէտերը: Ուտիացոց երկիրը իւր առատ և շա-  
հաւետ պէսպէս բերքերով, իւր բազմաբազուն հո-  
ղերով և գեղանկար տեսարաններով եղեմական  
կատարեալ մի դրախտ է: Բայց ափսոս և հազար  
ափսոս, որ լուսաւորութեան և կրթութեան կող-  
մից շատ ու շատ յետ է մնացել: Ահազի՛ն Կով-

ցւոյն Հոովմայ», Ս. Պետերբըրգ:



կատում և լայնածաւալ Ռուսիայի որևէ հեռաւոր անկիւնում ոչ մի տեղ չի գտնուի այնպիսի դժբախտ ու սոսկալի թշուառութեան մասնուած մի ժողովուրդ, ինչպէս որ Ուտիացոց երկրի բնակչութիւնն է:

Այս դժբախտ երկրի թանձր խաւարի մէջ խարխափող Հային իւր մահաբեր քնից զարթեցնող, նրա ազգաբնակչութեան սիրտն ու հոգին կըթող և լուսաւորող թարմ երիտասարդ ոյժեր հարկաւոր են: Այնպիսի թարմ ոյժեր, որոնք մի կողմից լուսաւորութիւն տարածէին այս դժբախտ երկրի ժողովուրդների մէջ, իսկ միւս կողմից հոգ տանէին նրանց տնտեսական և բարոյական վիճակի բարւոքման մասին: Մի բարեխիղճ փաստաբան, մի մարդասէր բժիշկ և մի հմուտ մասնագէտ գիւղատնտես, ահագին փոփոխութիւն կարող են մտցնել այս դժբախտ երկրի մէջ, ուր նրանց գործունէութեան համար լայն ասպարէզ և պարարտ հող կայ. ուր նրանք կարող են նիւթաթէս և բարոյապէս շահուել առատօրէն, իսկ երկրի լուսաւորութեան և բարեկեցութեան մասին մի-մի լուսաւորիչ առաքեալ հանդիսանալ: Յուսով եմ, որ իմ տկար ձայնս առանց հետեանքի չի մնայ. հաւատում եմ, որ մեր բանիմաց և կըթուած երիտասարդներից շատերը՝ իրենց քննութեան և ուսումնասիրութեան առարկայ կը դարձնեն Ուտիացոց աշխարհի դժբախտ ժողովուրդների ընտանեկան նիւտն ու կացը, նրանց վարքն ու բարքերը և ազգային սովորութիւնները: Յուսանք և սպասենք:

Կ

ՔՐԻՍՏՈՆԷՈՒԹԵԱՆ ՀԵՏՔԵՐԸ ՈՒՏԻԱՅՈՅ ԱՇ-  
ԽԱՐՀԻ ՀԱՅԻՅ ԴԱՐՁԱԾ ՄԱՀՄԵԴԱԿԱՆՆԵՐԻ  
ՄԷՋ ԵՒ ՆՐԱՆՑ ՅԱՐԱԲԵՐՈՒԹԻՒՆԸ ԻՐԵՆՑ  
ՅԵՂԱԿԻՅ ՀԱՅԵՐԻ ՀԵՏ

Ինչպէս ասացի, Ուտիացոց աշխարհում բաղմաթիւ Հայոց գիւղեր և գիւղաքաղաքներ Մահմեդական կրօնն ընդունեցին մեզանից ուղիղ 152 տարի առաջ՝ հարկաւ, արիւնարբու լեռնականների և պարսկական բարբարոս խաների անպաշտպան Հայ քրիստոնեաներին հասցրած սոսկալի տանջանքներից ու անվերջ հալածանքներից ստիպուած:

Մահմէդի կրօնամուղ զաւակները քարուքանդ արին տեղ-տեղ Ուտիացոց երկրի քրիստոնէական եկեղեցիներն ու սրբավայրերը, որպէսզի նորադարձ Հայ մահմեդականները մնան առանց եկեղեցու, աղօթատան և բահանայի, և ապա անձաբացած՝ շուտով ընտելանան նրանց լեզուի ու կրօնի, վարք ու բարքի, նիստ ու կացի և սովորութիւնների հետ: Ահա այսպէս, Մահմէդի կրօնամուղ և մարդակեր ներկայացուցիչները ամեն հնարք և ջանք գործ դրին քրիստոնէութեան հետքերը բոլորովին ջնջելու, որ նորադարձ Հայ մահմեդականները կարելոյն չափ շուտով ձուլուին իրենց հետ առ միշտ:

Բայց քաջարի և անվհէր Ուտիացի Հայե-



ըը անհաւասար կռիւ մղելով իրենցից տասնապատիկ աւելի մահմեդականների գերազանց ոյժերի դէմ, թէև ընկան ընկճուած և անճարացած, բարբարոս մահմեդականների կրօնն ընդունեցին, նրանց լեզուն գործածեցին, նրանց նիստ ու կացի հետ ընտելացան, բայց իրենց նախնիքների ու պապերի քրիստոնէական և զուտ հայկական նշանակալից և խորհրդաւոր անուաններն ու սովորութիւնները անփոփոխ և անկորուստ պահպանեցին մինչև մեր օրերը: Մահմեդականացած Հայ գիւղերի նախնեաց ազնիւ սիրտն ու հոգին մեծ արժէք և բարձր նշանակութիւն ունի մեր աչքում այն պատճառով, որ այդ նահատակ մարտիրոս ժողովրդի նոյն իսկ թրքացած և վաղճւց կուլ գնացած կրօնամուղ դաւաճները անփոփոխ և անկորուստ պահեցին ոչ միայն դարերից ի վեր իրենց բնակած գիւղերի զուտ հայկական անուաները \*), այլ և քրիստոնէական սրբավայրերն ու սրբազան սովորութիւններից շատերը: Ահաւասիկ ձեզ, մահմեդականութիւն ընդունած մի շարք Հայ գիւղեր, որոնք մինչև ցարդ մնացել և մնում են անփոփոխ՝ նախկին զուտ հայկական հնադարեան անուաներով, նոյն իսկ մահմեդականացածների և բուն մահմեդական լեռնականների շրթունքներում: Օրինակի համար. 1. Խաչ-մաս, — որ նշանակում է խաչի մասունք կրող: 2. Վանտամ — բնակարան կամ իջևան տալ: 3. Վարդանյու —

\*) «Աղուանից երկիր», տես, Երես 290:

Վարդանի գիւղ կամ Վարդանշէն: 4. Էբմանիտ Հայի գիւղ կամ Հայկաշէն: 5. Մուխանց — մուխն անցած, կամ մուխը մարած: 6. Օրարան՝ օրուայ գործելու տեղ, կամ օրուայ խօսք: 7. Պտէզ — պարտէզ: 8. Քուն-գիւտ — քունը գտնող կամ քուն գտնելու տեղ: 9. Կոխ-մուխ — մուխը կոխել օտքով: 10. Դութղաշէն — խութի վրայ շինուած գիւղ: 11. Քարմուղի — քուրմերի \*) բազմութիւն կամ քուրմերի սանդուղ և այլն:

Վերև յիշուած մահմեդականութիւն ընդունող գիւղերից ոմանց մէջ չկայ Հայոց եկեղեցի, այլ կան խաչքարեր և գերեզմանոցներ, որոնց տապանաքարերի վրայ գրուած են Հայերէն լեզուով: Այդպիսի տապանաքարեր ես տեսել եմ և վրայի մամուռն ու խոտերը մաքրելուց յետոյ կարդացել եմ Վարդանյու թրքացած գիւղի հին գերեզմանատան մէջ և իմ տպաւորութիւններս գրել եմ 1880—81 թ. մեր պարբերական թերթերի զանազան համարներում: Նմանապէս կան և այնպիսի թրքացած գիւղեր ևս, որոնց մէջ կանգուն մնացած են մինչև ցարդ գեղեցիկ եկեղեցի-

\*) Ի դէպ է ասել, որ Զաքարիա շրջանի Քուրմուղի խը, իւր համանուն գետի կատաղի ալիքների պղտոր ջրով և քուրմերի բազմութեամբ ոչ մի ֆսա չեն տուել Հայ եկեղեցուն և մեր ժողովրդին, այն ինչ, Օրբազարի (Սրի-մում) անատամ Հայ քուրմը պղծեց ամբողջ Սրիմի թերակղզին իւր երկարամեայ անգործունէութեամբ, թէ մեր եկեղ. և թէ մեր ժողովրդին անփոխարինելի, ահագին ֆսասնիք տուեց, բայց մնաց անպատիժ, իրև գառնազգեստ գայլ և որպէս սուտ ճգնաւոր:



ներ, վանքեր և կիսակործան տաճարների փլատակներ և սրբավայրերի հետքեր. որպիսիք են՝ ս. Եղիշէի առաքելոյ վանքը, որ գտնուում է Նուխու հիւսիսային արեւմտեան կողմը 7—8 վերստ հեռաւորութեամբ, հէնց մահմեդականացած Գիս (Քիշ) գիւղի մօտ: Թէ Գիս գիւղի և թէ շրջակայքում թրքացած Հայերը շատ երկիւղածութեամբ և խորին յարգանքով են վերաբերում դէպի այս հնադարեան սրբավայրը: Տօնի օրը քրիստոնեայ Հայերի պէս նրանք էլ ուխտ են գնում, մատաղ են անում և պատկառանքով ներս մտնելով՝ մոմ են վառում և ջերմ սրտանց աղօթում են իրենց մտքում: Մինչև անգամ շատ տեղերում, մահմեդականացած Հայերը երգում են ս. Եղիշէի անունով:

Զայգիտը թրքացած մի գիւղ է, զըտնում է Նուխի քաղաքի և Օրաբան թրքացած գիւղի միջև: Այս Զայգիտ գիւղի վերև գեղեցիկ մի սարահարթի գլխին, մինչև ցարդ կանգուն մնացել է ս. Գէորգ անունով խաչաձև, բարաշէն մի սիրուն եկեղեցի, որին թրքացած Հայ գիւղացիք վերաբերում են մեծ յարգանքով և խորին երկիւղածութեամբ: Ահա, այսպէս, թրքացած գիւղերից շատերի մէջ կան կիսակործան տաճարներ, Հայոց գերեզմանոցներ, Հայ արձանագրութեամբ լի տապանաքարեր և խաչքարեր, որոնց մի առ մի յիշելը մեզ շատ ու շատ հեռու կըտանէր: Այսքան միայն կարելի է ասել, որ մահմեդականութիւն ընդունած գիւղացիների մէջ, մինչև ցարդ անփոփոխ և անկորուստ պահպանուել

ու մնացել են Հայկական հնաւանդ սովորութիւններից ու բարբերից շատերը. որպիսիք են՝ փոքրիկ մանկան քնեցնելիս մայրը երկիւղածութեամբ խաչակնքում է \*) նրա վրայ և կամացուկ կերպով շնչում է միայն Յիսուս, Քրիստոս: Հացի խմորը հունցելուց յետոյ նորադարձ թրքուհին իւր բազուկներով խաչ է քաշում խմորի երեսին: Քանիցս անգամ ես հարցրել եմ թրքացած կանանցից շատերին, թէ «ինչո՞ւ էք խաչ քաշում նոր հունցած խմորի վրայ»: Միշտ պատասխանել են ինձ, միայն «խաչ» բառից խուսափելով, թէ «Աթադան, բարագան կալան բիզըմ քէօհնայ աղաթըմըզզըր, «նշանագեայ» չէքերըխքի, բիզըմ թաղայ խամըմըզ համեաշայ բերաքեաթլի օլսուն»:—Այսինքն՝ մեր հօրից և պապերից մնացած մեր հին սովորութիւնն է, այդ «նըշանը» քաշում ենք, որ մեր խմորը ամեն ժամանակ անհատ ու անպակաս լինի»: Այսօրուայ պէս ես յիշում եմ հետեեալ քրիստոնէական սովորութիւնը, որ տեղ-տեղ դեռ ևս մնացել է թրքացած գիւղերում անկորուստ: Զատիկի օրը, իմ ծննդավայր Զուլու գիւղի թրքացած ընտանիքների երեխաները խումբ-խումբ գալիս էին մեր եկեղեցու բակը և իրենց հետ բերած կարմիր ձուաներով (հաւկիթ) խաղում էին մեզ՝ հայ երեխաներիս հետ: Բայց մենք շատ անգամ խոյս էինք տալիս նրանցից և կամ անգիտակցաբար նրանց դուրս

\*) «Աղուանից երկիր», տեւ, երես 293:



էինք ըշուժ մեր միջից: Նոր եփած կերակուրը կրակի վրայից վար առնելիս նոյնպէս խաչ են ա- նուժ կաթսայի վրայ: Շատ անգամ պատմել են ինձ, որ Վարդանյուժ, Զայգիտ, Օրաբան, Բուժ և ուրիշ գիւղերի մահմեդականացած նշանաւոր ըն- տանիքներուժ կան նաև հայերէն լեզուով ձեռա- գրեր և տպուած գրքեր, որոնց պահպանուժ են մեժ խնամքով և զգուշութեամբ: Շատ հետամուտ եղայ, շատ հարց ու փորձ արի 1881 և 1884 թ. խոստովանուեցին մեր մահմեդական եղբայրները, որ արդարև կան մի քանի անուանի ընտանիք- ներուժ հայերէն լեզուով «քեօհնայ քիթափլար» — հին գրքեր, բայց ինչ-ինչ պատճառներով՝ ցոյց չտուին ինձ: Ընդհանրապէս մահմեդականացած գիւղացիք չափազանց մոլեռանդ են, բայց անչափ զգոյշ ու խորամանկ են օտար ու անձանօթին պատահած ժամանակ: Անձանօթ այցելուի հետ խօսակցութեան միջոցին ճարպիկութեամբ միշտ խոյս են տալիս նրանք՝ իրենց նախկին հայկա- կան ծագման և քրիստոնէութեան մասին որևէ խօսք բանալուց: Այսու ամենայնիւ, Ուտիացոյ աշխարհի թրքացած գիւղերուժ անձանօթ այցե- լուժ ամեն բայլափոխուժ կտեսնի հարազատ Հայ- ոց տիպեր և գեղանի դէմքեր պարսկական տա- րազով զարդարուած: Թրքացած Հայ գիւղացոյ պարապմունքները, նրանց նիստ ու կացը և սո- վորութիւնները՝ գրեթէ Հայկականի պէս մի և նոյնն են: Նրանց գլխաւոր պարապմունքն է եր- կրագործութիւն, պարտիզպանութիւն, անասնա- պահութիւն, շերամապահութիւն և բանջարաբու-

ծու: Թիւն: Յայտնի բան է՝ սրանց երկրագործա- կան գործիքներն ու անասնապահութեան եղա- նակը հնագարեան և նահապետական ձևով է: Ինչպէս իրենց Հայ ցեղակիցների մէջ: Իսկ ուս- ման, գիտութեան, նորանոր արհեստների կատա- կատարելութեան կողմից, նրանք Հայերից էլ ա- ւելի ստոր վիճակի մէջ են: Թրքացած գիւղացի կանայք հագնուժ են անղական պարսկական տա- րազով, բայց անձանօթ տղամարդ տեսնելիս, փախչուժ ու թագնուժ են, ճիշտ տեղական Հայ կանանց պէս: Այն ինչ՝ տեղացի զուտ պարսկա- կան կամ լեռնական մահմեդական կանայք, ան- ձանօթի հետ բաց երեսով ասուժ, խօսուժ և գրուցուժ են արձակ ու համարձակ: Ամբողջ աշ- խարհին քաջ յայտնի է, որ մահմեդականները առհասարակ կրօնամուլ, բարբարոս և արիւնար- բու թշնամի են բոլոր քրիստոնեաների հետ: Բայց զարմանալին այն է, որ Ուտիացոյ աշխարհի բուն պարսիկներն ու լեռնցի մահմեդականները այն աստիճան անհաշտ և սխերիմ թշնամի չեն քրիս- տոնեաների հետ, որչափ որ Հայից դարձած թուրքերը: Մահմէդի հարազատ զաւակները ու- տուժ խմուժ են Հայ քրիստոնեաների կերակուր- ները և նրանց հետ շփումն ու յարարելութիւն ունենալը պիղծ (հարամ) չեն համարուժ: Այն ինչ Հայից դարձած մահմեդականները վերջին ծայր մոլեռանդ (Փանաթիկ), կատարեալ բարբա- րոս և արիւնարբու թշնամի են իրենց արիւնակից և ցեղակից նախկին Հայ քրիստոնեայ եղբարց հետ: Մահմեդականների ընածին յատկութիւննե-



րից մինն էլ ձրիակերութիւնն է, կամ աւելի լաւ է ասել՝ ուրիշները հաշուով ապրելն է: Հայրից դարձած մահմեդականը պատահամբ թուրքի այգու մօտից եթէ անցնելու լինի, սուս ու փուս ներս կմտնէ, կուշտ կուտէ հասած պտուղներից և մի քիչ էլ կքաղէ ճանապարհին ուտելու համար և նորից դուրս ելնելով, լուռ ու մունջ կշարունակէ իւր ճանապարհը: Բայց Աստուած չանէ, մի և նոյն մահմեդական արարածը եթէ Հայի այգու կամ պարտէզի մօտից անցնելու լինի, անպատճառ մի քանի հոգի էլ իւր հետն առած, ներս կմտնէ (այգին), ազահաբար կուտէ ճաքելու չափ: Իբրև ճանապարհի պաշար, կքաղէ այնքան, որ հազիւ կարողանար տանել իւր հետ: Յետոյ պտուղատու ծառերի դալար ձիւղերն ու ոստերը ջարդ ու փշուր կանէ, հասած պտուղները քաղելով և թափ տալով կտրորէ ոտքի տակ խաղաղ սրտով: Բայց եթէ այգու մէջ որ և է անասուններ լինին, որպիսիք են՝ գառներ կամ հորթեր, նրանցից մէկի ոտքը (ողջ-ողջ) կկտրեն, տեղն ու տեղը խկոյն խորոված կանեն, կուտեն և ապա հանգիստ խղճով կշարունակեն իրենց ճանապարհը: Ահաւասիկ ձեզ հզօր փաստեր Հայ դարձած մահմեդականների անխղճութեան մասին: 1897 թ. իմ հարազատ եղբայրներս երբոր իմանում են, որ ս. Մեռնոսրհնութեան հանդիսից յետոյ մի քանի օրով պիտի գնամ իրենց մօտ հիւր, նախապէս մի քանի գառներ թողնում են մեր այգու մէջ, որ մի լաւ գիրանան—չաղանան: Նախ քան մեր տուն հասնելս, մի օր, երբ իմ եղ-

բայրներս սաստիկ դրադուած են լինում իրենց դաշտային գործերով, մտել էին մեր այգին մի քանի թուրքեր, կերել էին հասած ամեն տեսակ պտուղներից, վերցրել էին իրանց ճանապարհին ուտելու համար ահազին պաշար և ապա պարարտ գառան յետևի ոտքը կտրել, խորոված օրել, կերել էին և յետոյ հանդարտ խղճով հեռացել էին՝ թողնելով խեղճ գառան արիւնաթաթախ և սոսկալի տանձանքների մէջ, որի սարսափելի ցընցումներն ու աղիողորմ աղաղակները՝ կոշտ ու կոպիտ թուրքերի քարացած սրտերին և վայրենի հոգուն մեծ ուրախութիւն և խնդութիւն է պատճառած եղել, ինչպէս յետոյ ականատես երեխաները պատմեցին ինձ:

Թիւրքիայի ախրահոշակ ենիչէրիներից և անխիղճ բաշիբուզուկներից և կիսավայրենի չերքէզներից ու անգութ քիւրդերից ոչինչով պակաս չեն Ուտիացոց երկրի Հայ մահմեդականները իրենց անսահման մոլեռանդութեամբ և անզուսպ բարբարոսութեամբ: Խաղաղ, չափազանց աշխատասէր և երկրագործութեան սիրահար ժողովրդի ամբողջ տարուայ թափած դառն քրտնքի արդար վաստակը, մէկ էլ կտեսնէք, որ միքանի ժամուան մէջ հող ու մոխիր է դառնում, որով ամբողջ երկիրը քայքայւում է անտեսապէս և ընկնում դժբախտ վիճակի մէջ: Վերջին 25—30 տարուան ընթացքում, համարձակ կարելի է ասել, որ հէնց միմիայն Ջուլու և Միրզաբէկլու իրար կից, 100 տնից բաղկացած գիւղերում, խոտի, հացահատիկների հարիւրաւոր և հազարաւոր դէզեր,



տներ և գոմեր հրդեհուեց — այրուեց ու մոխիր են դարձել, բայց չարագործները անյայտ ու անպատիժ են մնացել: 60—75 կտրիճ և քաջ Հայ երիտասարդներ հէնց վարելիս, ցանելիս և կամ հնձելիս՝ գնդակահար են եղել վերջին 30 տարուայ մէջ:

Դժբախտ երկրագործ ժողովրդի եղջիւրաւոր Լենդանիների եղջիւրները արմատից փշրելը, ականջներից մէկը կտրելը, կամ պոչից ու աչքից զրկելը և կամ յետևի ոտքի ծունկի վերևից հաստ երակը ջլատելը, թուրքերի համար շատ հասարակ և սովորական բաներ են: Այսպիսի վայրենի բարբարոսութեամբ նրանք ուրախանում և զուարճանում են, որ իրենց հարևան զեաւուրները (անհաւատները) մեծամեծ ֆլամներ են կրում և թըշուառ վիճակի մէջ են ընկնում: Վերջին 1897 և 1900 թ. երբոր եղել եմ իմ հայրենի աշխարհում, տեղական Հայ և թուրք ազգեցիկ գիւղացիներին միշտ յորդորել և խրատել եմ, որ իրենց այդպիսի կործանիչ արարքներին վերջ տան ընդ միշտ: Իբրև օրինակ իմ տեսածներէիցս առաջ ընդհանրապէս ասել եմ, թէ «Սրիմի ընդարձակ դաշտերում, զուք կտեսնէք խոտի բազմաթիւ դէգեր, դարմանով լիքը մարագներ, որոնք պահուում են իբրև պաշար միւս—հետևեալ տարուայ համար: Սակայն այդ խոտի դէգերին կամ դարմանով լիքը մարագներին ոչ ոք չի մօտենում, չի գողանում և չի հրդեհում ու այրում:

Դուք կտեսնէք Սրիմում անթիւ ու անհամար մշակուած հրաշալի պարտէզներ ու այգի-

ներ՝ հազուագիւտ և ագնուացրած պտղատու ծառերով և վազերով: Բայց այդ ագնիւ ծառերից գոնէ մի հաս ոչ ոք չի կտրել կամ արմատախիլ չի արել մինչև ցարդ՝ նրանց մշակող տէրերին ֆլասելու գիտաւորութեամբ: Միայն այս կողմից կարելի է հետևել Սրիմցի ժողովրդների բարի օրինակին, չնայած, որ այնտեղ էլ թէև մահմեդական թուրքեր և թաթարներ շատ կան, բայց կովկասի թուրքերի պէս անխիղճ մարդասպանութիւն, գողութիւն, աւազակութիւն և սոսկալի բարբարոսութիւններ չեն անում նրանք»: Ընթեցնող, երևակայեցէք իմ անմխիթար դրութիւնըս. համեմատական օրինակներ բերելուց յետոյ բարեկամներիցս ոմանք ասում էին իմ ականջիս. «Տէր-տէր ջան, այդպիսի բաներ մի տսիր մեր միամիտ ժողովրդի մօտ, ապա թէ ոչ՝ կասեն այնքան քաղաքներ ու աշխարհներ տեսած քահանայ մարդ սուտ և անհաւատալի բաներ է պատմում մեզ: Բայց եթէ ձեր պատմածները ճիշտ լինին, այն ժամանակ կարելի է ասել, որ Սրիմը մի դրախտ է և նրա ընդհանրներն էլ կատարեալ հրեշտակներ են. երանի նրանց, եթէ այդպիսի խաղաղ երկրումն են ապրում»:

Ուտիացոց աշխարհի ընդհանրապէս բոլոր ազգաբնակութեանց և մասնաւորապէս Զուլու, Միրզարէկու, Սուլթան-Նուխու և մասամբ Նիժ գիւղաքաղաքի խաղաղ և աշխատասէր երկրագործ ժողովուրդների համար սոսկալի պատիժ ու պատուհաս են եղել և են Հայից դարձած Բում գիւղի հարուստ և զօրաւոր թուրք բէկերը, որոնցից



գողում, սարսափում են թէ հասարակ ժողովուրդները և թէ պետական ստորին պաշտօնականները: Նրանք վերջին 30—35 տարուան ընթացքում՝ վերոյիշեալ գիւղերին յատկացուած ահագին տարածութեամբ պետական հողերը խլեցին Հայ գիւղացիներէց բռնութեամբ և զէնքի ոյժով և ապա կամաց-կամաց իւրացրին ու սեփականացրին իրենց: Այս բանի մասին ո՛վ որ ձայն հանեց, նրա տունն ու տեղը հրդեհին զոհ գնաց, ո՛վ որ իշխանութեան յայտնելու քաջութիւն ունեցաւ, նրան իսկոյն և եթ գնդակահար անելով՝ սպանել տուին: Ահա այսպիսով, վախ ու սարսափ անելով՝ սպանել տուին: Ահա այսպիսով, վախ ու սարսափ տարածեցին ամբողջ Ուտիացոց աշխարհում, որ ո՛չ որ չհամարձակուի որ և է շշուէ հանել կամ իշխանութեան ականջը լուր հասցնել, որ խաղաղ երկրագործ ժողովուրդը հլու հպատակ և կատարեալ ստրուկ դառնայ իրենց, որպէսզի իրենց փաշայական կամայականութեան, անհուն փառասիրական ձգտումներին կարողանան լիովին բաւարարութիւն տալ: Կարճ խօսքով, ամբողջ Ուտիացոց աշխարհի բոլոր ազգաբնակչութեանց յետադիմութեան, դժբախտութեան և նրանց տընտեսական ու բարոյական աւերման և քայքայման իսկական և միակ պատճառը եղել են և են Բոսնի սանձարձակ և անզուսպ թուրք բէկերը: Որոնք ո՛չ ցանուծ են, ո՛չ հնձում, որոնք ո՛չ մի արհեստով և առևտրով չեն պարապում: Բայց նընացից ամեն մէկը իւր տանեակ ծառաներով ապրում է ճոխ և փառաւոր կերպով և ամեն տեղ միամիտ ժո-

ղովուրդների մօտ իրեն ցոյց է տալիս որպէս երկրի տիրապետող իշխան և տէր: Այդ ինքնակոչ բէկերը՝ երկրագործ խաղաղ ժողովուրդների աբիւնն ու արդար քրտնքի արգիւնքներն են ծըծում անյագ տղրուկի պէս՝ իրենց անխիղճ վաշխառութեամբ, և ապրում են թշուառ գիւղացիների հաշուով: Այդ անզուսպ և դաժան բէկերի միակ և սովորական զբաղմունքներն են՝ ոտքից զլուխ գինուած, հեծած իրենց նժոյգ ձիու վրայ, տասնեակ ձիաւոր ծառաներով գիւղէ գիւղ թափառել, հին տոկոսները հաւաքել և կամ բարդել մայր գումարի վրայ և ապա պարտամուրհակները փոխել և դրել իւր ուզածի պէս. այս ու այն գիւղացիներին ստիպել, որ իրենց համար վառեակը տակը դրուած ընտիր փլաւ և այլ համադամ խորտիկներ պատրաստեն և իրենց ձիերին առատ զարի ու զարման տան: Այս ամենը ձրիաբար տալուց զատ, թշուառ գիւղացիք բէկի ամեն մի ուրբլուն տոկոս են վճարում ամսական 20—30 և երբեմն 40 կոպ.: Յայտնի բան է՝ կալուածատէր բէկերի հողերի վրայ ցան անող գիւղացիք չարչարում, տանջում են իրենց մարդկանցով և անասուններով և ապա բէկին հասանելի հացահատիկներն ու զարմանը և խոտը մաքրած, պատրաստի տանում և լցնում են նրա ամբարը: Բէկերի սիրած պարապմունքներից մինն էլ որսորդութիւնն է, որ գեղեցիկ բազէները թառած իրենց մի թաթի վրայ, ընտիր երիվարի վրայ հեծած, իրենց ծառաներով և որսորդական շներով սա-



րեր ու ձորեր, անտառներ ու դաշտեր են չափ-  
չփում:

Այդ դաժան և սանձարձակ թուրք բէկերի համարձակութեան ու յանդգնութեան չափ ու սահման չկայ. ինչ որ իրենց քէֆն ու սիրտը ուզեն, այն էլ կանեն արձակ ու համարձակ: Ահա-  
լասիկ, իմ ընթերցող, ձեզ հօր փաստեր, որոնք պատահել են տողերիս գրողի աչքերի առաջ, 1897 և 1900 թ. հետևեալ կերպով: 1897 թ. նըստած մի գիրք էի կարդում իմ հայրական տան սիրուն բակի մի հաստարմատ տանձկնու շուաքի տակ: Եղբայրներս իրենց հնձուոր մշակներով գրադուած էին իրենց երկրագործական դաշտային աշխատանքներով: Այնպէս որ տան մէջ մնացել էին կանայքն ու փոքրիկ երեխաները և ես: Կէսօրին մեր տան բակի դարբասի մեծ դուռը սկսեցին բաղխել և թուրքերէն ինչ-որ անորոշ խօսքեր ասել: Մայրս՝ որ իւր սրտի կարօտն առնելու համար նստած էր կողքիս և գիշեր ու ցերեկ չէր հեռանում իւր սիրելի որդու մօտից, յանկարծ շփոթուեց և հասկացրեց ինձ, որ շուտով սենեակ մտնեմ և եկող անկոչ հիւրերին երբէք չերևամ: Զարմացած ու ապշած հարցրի մօրիցս.— Ո՞վքեր են եկող ձիաւոր թուրքերը և ի՞նչ են կամենում ձեզանից:— Բումեցի ձիաւոր մի քանի թուրքեր են եկել և ուզում են տանել ճաշ-կերոյթի համար շինուած ընկուզէ ծալովի սեղանը X բէկի համար:— Ինչո՞ւ, արդ՞օք, մեր տան սեղանը ծախել էք թուրքի վրայ:— Ա՛խ, տէրտէր ջան, դու փոքր երեխայութիւնից հեռացար մեր

երկրից և, ինչպէս երևում է, արդէն շատ բան մտացել ես: Մեր տան սեղանը պահանջող թուրքը մի զօրաւոր բէկ է, որ իւր ձեռքի տակն ունի մի քանի տասնեակ զինուած ծառաներ: Ահա մի քանի ամիս է, որ բէկը պահանջում է մեր սեղանը, էհ, ես ի՞նչ անեմ, եթէ չտանք նրան փէշը? (ճրի), այն ժամանակ մեր տունն ու տեղը կայրի կրակով, դաւակներիս մէկ-մէկ զնդա-կահար անել կտայ: Ուրիշ ճար չկայ, սեղանը պիտի տամ լուռ ու մունջ, որ տանն և իրենց աչքը կոխեն, իսկ դու շուտով սենեակ մտիւր, մի երևայ, որ քեզ չտեսնեն և մի որևէ վնաս չտան քեզ: Հաստատ գիտեմ, որ դու կրակոտ բնաւորութիւն և անվախ սիրտ ունիս. դու մեծացել ու ընտելացել ես մեծամեծ քաղաքներում բոլորովին ազատ ու անկախ հոգով... Ա՛խ, տէրտէր ջան, գլխիդ մատող լինի մայրդ, մեր երկրի բանն ուրիշ է. կարգիդ մեռնեմ, ո՛չ մի խօսք չխօսես և երբէք ձայն չհանես, հա՛. երբոր թուրքերը մեր բակը մտնեն, դու սենեակից դուրս չգաս: Ապա թէ ո՛չ, եթէ թուրքերը իմանան, որ դու իմ հարազատ որդիս ես, այն էլ տէրտէր ես, հաւատա-ցիր ինձ, որ իսկոյն կդան և կսպանեն քեզ: Յետոյ ես ի՞նչ անեմ, ո՞նց դիմանամ այս ծերութեան հասակում:— «է՛հ, մայրիկ, շատ լաւ ես ասում, ախր չէ՞ որ մեր դարբասի դռները բացուելուն պէս թուրքերը տեսան ինձ և հետաքրքրութեամբ սկսեցին դիտել մեր տան ամեն ծակ ու ծուկերը:

— Ծիշտ է, տէրտէր ջան, թէև այդ անօրէնները տեսան ամեն բան, բայց ես նրանց ասել եմ նախա-



պէս, թէ «մեր տանը մի հիւր ունենը»: Ի սէր Աստուծոյ, եթէ ինձ սիրում ես, շուտով մտիւր սենեակդ և մի դուրս գայ այն տեղից, մինչև որ անիրաւ թուրքերը չհեռանան մեր բակից:

Այն աստիճան յուզուած ու զայրացած էի այդ վայրկեանին, որ չգիտէի՝ լսել մօրս ստրկական խրատները, թէ՞ ցոյց տալ ամբարտաւան և յանդուգն թուրքերին, որ մենք չենք ապրում թիւրքերիայում, այլ՝ Կովկասում և այն էլ հօր Ռուսիայի իշխանութեան տակ: Չեռքս հաստ ու ծանրը մի փայտ առած, կամաց-կամաց քայլերս ուղղեցի դէպի թուրքերը և շեշտելով հարցրի նըրանց.— Ի՞նչ էք ուզում: Ձիււոր թուրքերից մէկը կմկմալով ասաց ինձ.— Այս ընտանիքի մէջ ընկուզէ փայտից շինուած ծայրվի սեղանն է ուզում մեր տէր X բէկը:— Փողն ուղարկել է:— Մուսուուման (միւսուլման) բէկն ինչո՞ւ պիտի փող տայ մի որևէ «գեաւուրին»: Գեաւուր նախատական խօսքից յետոյ, այլ ևս չկարողացայ զսպել իմ զայրուլթս և ձեռքիս փայտը բարձրացնելով, սկսեցի սպառնանքով թափահարել նրանց վրայ:— Հիմա ձեզ բոյորիւ էլ ես կտոր-կտոր կանեմ, —ասացի բարկացած. մի՞թէ պարտաւոր է քրիստոնեայ ժողովուրդը ձրի կերակրել ամեն մի պատահող գողերին ու սոված գայլերին: Ի՞նչպէս է ձեր անունն ու ազգը: Թուղթ ու մատիտ հանեցի գրպանիցս, որ գրեմ և յայտնեմ, ուր հարկըն է: Բայց պոռոտախօս և վախկոտ թուրքերը մտրակեցին իրենց ձիերին և մի ախթարթում անյայտացան մեր տան մօտից: Մայրս զարմա-

ցած ու ապշած էր մնացել իւր տեսած այս հագուագիւտ և տարօրինակ դէպքի վրայ և տարակուսած հարցնում է ինձնից. «Տէր-տէր ջան, ախր ի՞նչ ասացիր և ի՞նչ պիտի գրէիր մի կտոր թղթի վրայ, որ արիւնարբու թուրքերը վախից սարսափած՝ այնպէս շուտով կորան-գնացին իրենց տները»:— Նրանց ազգանունները միայն հարցրի, որ գրեմ և յայտնեմ իշխանութեան, բայց նրանք լեղապատառ փախան-գնացին մեր գիւղից:— Ա՛խ, Տէրտէր ջան, ախր մենք Հայերս չեզու չգիտենք, տէրութեան կարգն ու կանոնը և օրէնքները չգիտենք, թուով 15—20 անգամ աւելի քիչ ենք թուրքերից: Նրանք ոտքից գլուխ զինուած են կատարելագործուած նորագոյն զէնքերով, այն ինչ՝ մեր Հայերից շատերը չախմախու ժանգոտած հրացան անգամ չունին: Բացի դրանից, մեր Հայ և թուրք երկրագործ գիւղացիք մեր հարեան թուրք բէկերից պարտք են առնում, սարսափելի նեղութեան ժամանակ մի 10—15 ուրբի: Եւ այդ չնչին գումարը մի քանի տարուց յետոյ հասնում է 60—70—100 ուրբ. այնուհետև այդ պարտքը հետզհետէ աճում է արագ-արագ և այնպիսի անազլին գումար է դառնում, որի տոկոսն անգամ գիւղացին չէ կարողանում վճարել մինչև իւր մահը: Այսպիսի անյաջող և աննպաստ պայմանների մէջ լինելով, ասա ինձ, որդի ջան, կարգիդ մեռնեմ, մենք՝ Հայերս արգեօք կարող ենք դիմադրել թուրքերին և նրանց անիրաւ ու անարդար պահանջները չկատարել, երբ մեր նեղութիւնները իշխանութեան



յայտնող չկայ, երբ մեր անսահման շարձարանք-  
ներին և անվերջ զրկանքների մասին ձայն ու  
աղաղակ բարձրացնող չկայ: Բայց եթէ այդպիսի  
անվեհեր և քաջ մարդ պատահի մեր գիւղերում,  
նա իսկոյն կատաղի թուրքերի հրաշէկ գնդակնե-  
րին զոհ կդառնայ:

—Այ, բո սպառնալիքդ թէև թուրքերին  
վախ պատճառեց, բայց իմացած եղիր, որ այդ  
բանը մեզ վրայ շատ թանգ պիտի նստի:—Ո՛չ մի  
բան չի լինի, մայրիկ, ասացի ես. թուրքերի յան-  
դուգն ոտնձգութիւնները պէտք է սանձահարե  
մի կերպ, ապա թէ ոչ նրանց անվերջ պահանջ-  
ները կատարել անկարելի է:—«Ա՛խ, որդեակ իմ,  
դու երեխայ ժամանակից հեռացած լինելով, մո-  
ռացել ես շատ բան, թուրքերը վրէժխնդիր ու  
ոխակալ են, երբևիցէ իրենց վրէժը կլուծեն մե-  
զանից»: Անցան մի երկու տարի, արդարև միշտ  
տխուր լուրեր և ուշագրաւ նամակներ էի ստա-  
նում հայրենի աշխարհի դժբախտ գիւղերից.  
Թէ թուրք բէկերը քանդում են մեր տները, այլ  
ևս վարելու, ցանելու, հնձելու և ապրելու ոչ մի  
հնար չունինք, կամ ձեռքի տակից օգնիր մեզ, որ  
կարողանանք ապրել մի կերպ, կամ որևէ տեղ,  
մասնաւոր կալուածքում ազատ հող գտիր, որ մենք՝  
Հայերս գողթինք և ազատուենք այս անկուշտ  
գայլերի սուր-սուր ժանիքներից...: 1900 թ. ե-  
րեք զաւակներին հետ մեր գիւղումն էի: Մի օրից  
յետոյ տեսնեմ, որ մի այլակերպ պառաւ թուրք  
կին ամեն օր մտնում է մեր տուն, ուտում-խը-  
մում է և ապա 30—40 կոպէկ էլ «գիշերըստին»

(ստամբուլարձ) ստանում է ու հեռանում: Եւ ա-  
մեն անգամ էլ հարցնելիս է եղել մերոնց, թէ  
«Տէրտէր աղան երբ պիտի գնայ,—վասնդի իմ  
որդիս ուզում է տեսնել նրան և պատուել, ինչով  
որ կարող է»: Մերոնք ամեն օր փսփսում են ի-  
րար ականջում մի ինչ-որ ծածուկ բան և ինձ  
չեն ասում, որպէսզի երեխաներս չվախենան:  
Բայց ես յանդիմանեցի եղբայրներիս, թէ ին-  
չո՞ւ էք ձեր շէմքից ներս թողնում ամեն մի պա-  
տահական արարածի, քանի որ նրանցից բացի  
փեսայից, ուրիշ ոչ մի օգուտ չունիք:—Տէր հայր  
ջան, բայց դու գիտես այս այլանդակ պառաւ  
թրքուհին ո՞վ է:—Ո՛չ, չգիտեմ. ասացէք ինձ, ո՞վ  
է նա և ի՞նչ կախում ունիք նրանից:—Նա մայրն  
է այն արիւնարբու թուրք աւազակապետի, որ  
մի քանի անգամ փախել է Սիւրբից և այժմս իւր  
նման աւազակների զլուխն անցած՝ թալանում,  
կողոպտում է իրեն պատահող անգէն գիւղացի-  
ներին, իսկ այժմս եկել է մեր գիւղը և իջել է  
իւր ազգական մի թուրքի մօտ:

—Ամեն օր մեր գիւղի կալերի մօտից յա-  
փշտակում է Հայ քրիստոնեայ երեխաներ, որոնց  
ծնողներից 15—25 և 30 ուրբլի փրկանք առնե-  
լուց յետոյ, նրանց ազատ է թողնում:

Իսկոյն մի նամակ գրեցի, որ ուղարկեմ գա-  
ւառական ոստիկանին, բայց ոչ ոք չհամարձա-  
կուեց տանել ու հասցնել: Երկիւղ կրելով, որ  
նամակս եթէ թուրք աւազակների ձեռքն ընկնի,  
իրենց կեանքը վտանգի պիտի ենթարկուի: Ինքս  
կամեցայ ձի նստել, գնալ ոստիկանի մօտ և հաս-



Կոստանել նրան ամեն բան, բայց ոչ ոք խորհուրդ  
չտուեց. իսկ եղբայրներս աղաչում էին ինձ, որ  
մթնելուն պէս սենեակից երբէք դուրս չգամ:  
Չեղջապէս մի երկու քաջերին խրախուսեցի, հա-  
մոզեցի և ուղարկեցի ուր հարկն է, որ բերանա-  
ցի խօսեն և յայտնեն ինչ-որ պէտք է: Գնացող  
երիտասարդները լուր բերին, թէ գաւառական  
ոստիկանը բացակայ էր, իսկ նրա օգնականը  
խոստացաւ կտրուկ միջոցներ ձեռք առնել և ան-  
յապաղ կարգադրել ինչ-որ պէտք է:

Հէնց այդ օրը աւաղակապետի մայրը մօ-  
տեցաւ ինձ և պարսկական խորամանկ կեղծաւո-  
րութեամբ իմ քէֆս ու առողջութիւնս հարցնե-  
լուց յետոյ, ասաց ժպտալով. «Տէրտէր աղան,  
կրբ պիտի գնաք և ո՞ր ճանապարհով»:—Ո՞չ, շատ  
էք հետաքրքրուում իմ գնալու ժամանակի և ճանա-  
պարհի մասին, ասացի. չլինի՞ թէ ձեր քաջ որ-  
դին կամենում է ինձ կողոպտել և սպանել:—Ո՞չ,  
Աստուած չանէ, ասաց կեղծ ժպիտով այլանդակ  
թրքուհին: Իմ որդիս ուղում է ձեզ պատուել ու  
յարգել, իւր ընկերներով ուղեկցել ձեզ հետ, որ  
ոչ ոք չհամարձակուի ձեզ մօտենալ, որպէսզի ան-  
փորձ հասնէք մինչև երկաթուղու կայարան:—  
Շնորհակալ եմ ձեր որդու անչափ հոգատարու-  
թեան համար, որ այդ աստիճան անհանգիստ է  
լինում իմ և գաւակներիս մասին. իմ կողմից  
յայտնեցէք իրեն, որ ես պիտի մնամ մի քանի  
ամիս և ապա կգնամ նոր շինուած արքունական  
ճանապարհով: Հետեալ օրը, ծպտեալ կերպով,  
դիմուած երկու հարազատներիս ուղեկցութեամբ

երեխաներիս հետ հասայ Բագու-Թիֆլիզեան եր-  
կաթուղու կայարաններից մէկը, իսկ այնտեղից  
էլ Թիֆլիզ: Ապա թէ ոչ Սիբիրից փախած թուրք  
աւաղակապետը պիտի կալանաւորէր ինձ և ամե-  
նածանր փրկանք պիտի պահանջէր իմ հարազատ-  
ներիցս:

Տեսնելով և ի մօտոյ ծանօթ լինելով մահ-  
մնդականացած Հայերի այս աստիճան մօրեռան-  
դութիւնն ու դաժանութիւնը, ես միշտ ասել եմ  
և էլի կասեմ, որ հրեշտակային բնաւորութիւն ու-  
նեցող և սոհմային ցեղական ընտիր յատկու-  
թիւններով օժտուած քրիստոնեայ մի որևէ ազգի  
գաւակ՝ լինի նա Հայ, Յոյն, Ասորի, կամ Նոյն  
իսկ քաղաքակրթուած գերմանացու կամ Փրանս-  
սիացու զաւակ, երբոր իւր հայրենի կրօնը փո-  
խելով՝ ուրիշ կրօն է ընդունում, նա գառ-  
նում է կատարեալ մի գազան՝ իւր նախկին  
ցեղակիցներին ֆրասելու և իսպառ ջնջելու գոր-  
ծում: Կարծէք թէ այսպիսի կրօնափոխների հա-  
մար է ձևած ու յարմարեցրած թրքական յայտնի  
առածն, որ ասում է. «Շարարտան-չախրդան դէօ-  
նան սիրքէ, չո՞խ քեսսքին օլար»:—Այսինքն՝ գի-  
նուց դարձած քացախը, շատ կտրուկ կլինի: Ու-  
տիացոց աշխարհի երկրագործ և աշխատասէր ժո-  
ղովրդին՝ այս անիրաւ և անխիղճ բէկերի անվերջ  
հալածանքներից ու հարստահարութիւններից  
փրկելու միակ միջոցն է ուսում և կրթութիւն  
ստլ նրանց երեխաներին. իսկ երկրագործ Հայ և  
թուրք ժողովուրդների սրբազան պարտքն է միա-  
սիրտ և միահոգի կռիւ մղել անիրաւ բէկերի և



անխիղճ վաշխառուների անիրաւութեանց և ապօրինի գործողութեանց դէմ: Անարդար և ապօրինի ու մութ գործերով պարապող մարդկանց կործանիչ արարքների մասին իսկոյն պիտի յայտնել տեղական իշխանութեան: Ահա այսպիսով միայն անվերջ շարիքներից կազատուի երկրագործ Հայ և թուրք ժողովուրդը և կամաց-կամաց զարթելով իւր մահաբեր քնից, կսկսէ զարգանալ և բարգաւաճել թէ բարոյապէս և թէ նիւթապէս: Այսպիսով միայն կարելի է դէպի առաջ ընթանալ, քաղաքակրթութեան և մտաւոր առաջադիմութեան կենսատու լուսով լուսաւորուել և նրանց բարեքները լիուրի վայելել:

Ուտիացոց աշխարհում կան մօտաւորապէս երեք հազար (3000) տուն Հայ ընտանիքներ<sup>\*</sup>), որոնք գաղթել են զանազան ժամանակներում՝ Արցախի, Խոյի, Թեհրանի և Սպահանի կողմերից, որոնք խօսում են իրենց հետ բերած տեղական Հայ բարբառներով և որոնք տեղացիներից կոչւում են սարեցի Հայեր (Դաղըլ էրմանի): Սարեցի Հայերը բնակւում են Նուխու հարաւային կողմի լեռների, սարահարթերի և բլուրների վրայ, որոնք պարապում են բացառապէս երկրագործութեամբ և անասնաբուծութեամբ: Իսկ ուսման, կրթութեան և արուեստների գիտութեան կողմից, սարեցի Հայեցը ևս իրենց հարեան Ուտիախօս և թրքախօս Հայերի պէս գտնւում են աննախանձելի վիճակի մէջ:

<sup>\*</sup> Ճանապարհորդութիւն ի Մեծն Հայաստան», տես երես 368: «Աղուանից երկիր», տես երես 295:

Հ

Վ Ե Ր Ջ Ա Բ Ա Ն

Ուտիացոց աշխարհի Ուտիախօս և թրքախօս Հայերի և Հայից դարձած մահմեդականների բարոյական, նիւթական և անտեսական աննախանձելի վիճակը ցոյց տուի այնպէս, ինչպէս որ կայ այս բոլորիս: Ուտիացոց երկիրը իւր բարեխառն կլիմայով և չափազանց պտղաբեր ու արգաւանդ հողերով ու մարգագետիններով, չնայելով որ իւր նմանը չունի ամբողջ Կովկասում, բայց նրա բնակիչները գտնւում են աննախանձելի վիճակի մէջ: Ինչէր ասէք, որ չէ բուսցնում ու աճեցնում այդ օրհնած հողը, ինչպիսի թանկագին բերքեր ասէք, որ չէ արտադրում այդ սքանչելի երկիրը իւր ժրաջան մշակողների համար: Ամենաընտիր հացահատիկների և պատուական պտուղների ամեն տեսակից դատ, նա բուսցնում է նաև այնպիսի հպուղապիտ բոյսեր և ծառեր, որոնց բուն հայրենիքը Հնդկաստանն է:

Մրանից երեք տարի առաջ՝ ես տեսայ մեր տան բակում սև պղպեղի մի քանի ծառեր, որոնց պտուղները չէ կարելի զանազանել Հնդկաստանից բերուած սև պղպեղի հատիկներից: Նոյնպէս տեսայ խնձորի մի ծառ, որ տարուայ մէջ երկու անգամ է պտուղ տալիս. նախ՝ յունիսին և ապա հոկտեմբեր ամսին: Ուտիացոց երկրի ազնիւ մտաբան ու կաղինը, բրինձն ու շագանակը, նուսն



ու սերգեհիլը և այլ քաղցրահամ պտուղները յայտ-  
 նի են ամեն տեղ: Այդ երկրի ժողովուրդը պա-  
 րապում է բացառապէս երկրագործութեամբ՝ բա-  
 ուիս բուն և ընդարձակ նշանակութեամբ: Այդ  
 հարուստ երկրի ժողովուրդը չափազանց աշխա-  
 տասէր, նստակեաց, խաղաղ, տոկուն և վերին  
 աստիճանի չարքաշ ժողովուրդ է: Նրա ուշքն ու  
 միտքը, խելքն ու զգացմունքները կենդրոնացած  
 են միայն և միմիայն երկրագործութեան վրայ:  
 Ուտիացոց երկրի համբերատար ժողովուրդը սո-  
 ված-ծարաւ կմեռնի, բայց ուրիշ երկիր չի գաղ-  
 թի և ուրիշից որևէ ձրի բան ստանալ երբէք չի  
 կամենայ: Ուտիացոց երկրի ժողովուրդի սիրած և  
 պաշտած յատկանիշներն են՝ անդուլ աշխատա-  
 սիրութիւն, շիտակութիւն, ասպետական վեհանձ-  
 նութիւն, ճշտապահութիւն, հերոսական անվեհե-  
 րութիւն և պատուազգածութիւն: Փող և հարս-  
 տութիւն գիլգելու նպատակով նա երբէք չէ թա-  
 փառում մեծամեծ և վաճառաշահ քաղաքներ: Բա-  
 գու-թիֆլիգեան երկաթուղու գիծը բացուելուն  
 պէս, կրկնում եմ, Կովկասի դանազան ան-  
 կիւններից, գիւղացիք թողին իրենց մանգաղն ու  
 արօրը և վազեցին Բագու, Թիֆլիզ և ուրիշ ա-  
 մենահեռաւոր տեղեր՝ շուտով հարստանալու նը-  
 պատակով: Դէպի Բագու արշաւող Հայ գիւղացի-  
 ների մասին ամեն օր կարդում ենք մեր օրա-  
 թերթերում, որ նրանցից շատերը տարածում են  
 յետընկած գիւղերում դանազան տեսակ ախտեր  
 և վարակիչ հիւանդութիւններ և խախտում են  
 Հայոց տոհմային ընտիր ու մաքուր բարքերը: Եւ

տարաբաղդարար այդ կորստարեր չարիքները  
 արմատախիլ անելու համար ոչ մի ազգու և կըտ-  
 բուկ միջոցներ ձեռք առնուած չեն մինչև ցարդ:  
 Այն ինչ Ուտիացոց աշխարհի երգրագործ Հայ  
 ժողովուրդը պիտի նստած մնաց իւր հայենի եր-  
 կրի նահապետական օջաղում անյաջող և աննպաստ  
 պայմանների մէջ, զօրաւոր և անյաղթելի խոչըն-  
 գոտների ու արգելքների դէմ անզօր և անյաջող  
 կռիւ մղելով... Ուտիացոց երկրի տոկուն Հայ ժո-  
 ղովուրդի չարքաշութեան մասին հազարից մի օրի-  
 նակ առաջ եմ բերում, որպէսզի իմ աղնիւ ըն-  
 թերցողս մի թեթև գաղափար կարողանայ կազ-  
 մել նրա անչափ համբերատարութեան և դիմաց-  
 կունութեան մասին: Ամառուան կիզող արևի  
 տակ, երբ սաստիկ տօթից և հեղձուցիչ շոքից  
 շունչ քաշելու հնար չէ լինում, հէնց այդ միջո-  
 ցին ժրաշան Հայ գիւղացին իւր գաշտային աշ-  
 խատութեան մէջն է: Այդ երկրի դժբաղդ եր-  
 կրագործը ոտքից մինչև կոկորդը թրջուած հոտած  
 ու նեխած ջրի ու տղմի մէջ, բրնձի ճահճոտ  
 մարգերում քափ ու քրտինք մտած՝ մեծ եռանդով  
 քաղհան է անում, այսինքն՝ փասակար և աւե-  
 լորդ բոյսերն ու փուշերը արմատախիլ է անում,  
 որպէսզի ընտիր և մաքուր բրինձ կարողանայ  
 ստանալ իւր կանաչագարդ արտերից: Մի խօս-  
 քով Ուտիացոց երկիրը իւր պտղաբեր հողե-  
 րով, իւր ծաղկազարդ տափաստաններով, ու  
 գեղանկար հովիտներով, թաւոտ անտառներով,  
 պարզ և վճիտ աղբիւրներով ու վտակներով,  
 յորդահոս ու կատաղի գետերով կատարեալ մի



դրախտ է գրեթէ: Այսպիսի հարուստ և պատուա-  
կան երկրի բնակիչները չնայելով որ չափազանց  
աշխատասէր և սակաւապետ են, բայց այսու ա-  
մենայնիւ նրանք գտնուում են վերջին ծայր աղ-  
քատուութեան և թշուառութեան մէջ: Անտարակոյս,  
հետաքրքիր ընթերցողս կհարցնէ ինձնից, թէ  
«Ի՞նչ է պատճառը, որ Ուտիացոց երկիրը այդչափ  
բարեբեր ու առատ երկիր է իւր պէսպէս բեր-  
քերով, իսկ երկրագործ ժողովուրդն էլ գիշեր ու  
ցերեկ աշխատում է անդադար և հետևում իւր  
գործին, բայց և այնպէս նա գտնուում է աղքատ  
և խեղճ վիճակի մէջ»: Նրա աղքատութեան և դժ-  
բաղդութեան գլխաւոր պատճառն այն է, որ Ու-  
տիացոց երկրի ժողովուրդը գտնուում է վերջին  
ծայր տգիտութեան և թանձր խաւարի մէջ թա-  
ղուած: Պետական օրէնքներն ու կարգերը նա  
չգիտէ, լեզու չգիտէ, որոնցից նա կարողանար  
օգտուել: Արդարադատութեան և տիրող օրէնքի  
պաշտպանութեան մասին նա շատ մութ գաղա-  
փար և ծուռ հասկացողութիւն ունի: Այս իսկ  
պատճառով նրան չարաչար հարստահարում ու  
կողոպտում են անիրաւ թուրք բէկերն ու ան-  
խիղճ վաշխառուները, պետական գաւառական  
ստորին պաշտօնեաներն ու գիւղապետները (իւզ-  
բաշխները), գիւղական դատաւորները, անպար-  
տաճանաչ և շահամոլ քահանաներն ու նրանց հա-  
մախոհները: Իսկ այս սովորական պատուհանե-  
րից դատ, մնացած շարիքներն էլ լրացնում են  
արիւնարբու աւազակներն ու բնութեան արհա-  
ւերքները, որպիսիք են՝ կարկուտն ու կայկածա-

կը, տեղատարափ անձրևներն ու սարսափելի հե-  
ղեղները, որոնք աշխատասէր գիւղացու արտերն  
ու այգիներն են սրբում-տանում և նրան օրա-  
կան մի կտոր չոր հացի կարօտ թողնում: Այս և  
այսպիսի սոսկալի շարիքների դէմ կռուելու ոչ  
մի հնար ու միջոց չունի այն դժբախտ ժողո-  
վուրդը, որ բացի Նոյ նահապետից մնացած հը-  
նադարեան երկրագործական պարապմունքից, ու-  
րիշ ոչինչ չգիտէ: Այսպիսի մի երկրագործ, աշ-  
խատասէր, ժրաշան և պատուական ժողովուրդ  
այսօր գտնուում է ամենադժբաղդ և անտանելի  
վիճակի մէջ հետևեալ պատճառով: Կառավարու-  
թիւնը Կովկասում գլխահարկը վերացնելուց յե-  
տոյ երբ պետական տուրքերը նշանակեց հո-  
ղերի վրայ, այն օրից էլ Ուտիացոց երկրի աշ-  
խատասէր երկրագործ ժողովրդի արևը խաւարեց:  
Ահա թէ ի՞նչպէս: Կառավարութեան այդ օրէնքի  
հրատարակուելուց յետոյ պետական հողաբաժին-  
ները դեռ ևս չչափած և գիւղական համայնքնե-  
րին չբաժանած, Բուժի ճարպիկ թուրք բէկերը  
մի խորամանկ խաղ խաղացին միամիտ գիւղա-  
ցիների գլխին: Գիւղացիների տգիտութիւնից և  
պարզամտութիւնից օգտուելով, նրանք իրենց  
բազմաթիւ ծառաներով ու արբանեակներով մար-  
դիկ պատրաստեցին, որոնք սկսեցին գիւղացոց  
մուրեկեցնել սուտ խոստումներով և ոսկեղէն դա-  
տարկ յոյսերով: Շատերին հաւատացրին, թէ  
«այս ինչ, այն ինչ պետական հողաբաժինները  
ցոյց տուէք, որ նրանք բէկական են, այն ժամա-  
նակ մենք ձեզանից տասանորդական տուրք չենք



առնի, դուք կրօնով զատուած մեր եղբայրներն էք, առատ-առատ կցանէք, կհնձէք ձեր հացահատիկները. ձեր սրտից բղխած չնչին մի մասը մեզ կտաք, իսկ մնացած մեծ մասը դուք լիուլի կը վայելէք, իբրև ձեր քրտնիքի արդար վաստակ»: Հարկաւ, խորամանկ բէկերն իրենց չար նպատակին հասնելու համար ոչ մի հնար և միջոց չէին խնայել: Ժողովրդական առածն ասում է՝ «կաշառքը մութ տեղը լոյս կտայ». ազդեցիկ և հարուստ բէկերի վայրուն ոսկիները մե՞ծ հրաշքներ գործեցին: Սրանից մի քանի տարի առաջ պետական պաշտօնեաների հակոդութեամբ հողաբաժինները երբոր չափչփում և յատկացնում էին գիւղական համայնքների իւրաքանչիւր ընտանիքին, այն ժամանակ Ջոռլու և Միրզաբէկլու գիւղացիներից մի քանի տասնեակ ծխեր բոլորովին զրկուեցին իրենց բարեբեր վարելահողերից. վասնզի կարճամիտ և վատահոգի Հայերից և թուրքերից ոմանք ցոյց էին տուել, որ այդ պետական հողաբաժինները զուտ բէկական հողեր են: Ահա այսպիսի խորամանկ միջոցներով, իսկ երբեմն էլ սարսափելի սպառնալիքներով, վերջին 30—40 տարուայ ընթացքում բէկերը հետզհետէ յափշտակեցին պետական ընդարձակ և բերրի հողերը և կատարելապէս տէր դարձան: Այդ արգաւանդ հողաբաժինների առատ բերքերից առիւծի բաժինը իրենք բէկերն են ստանում, իսկ աշխատասէր և չարքաշ երկրագործ Հայ գիւղացին մնում է սոված, մերկ և խեղճ վիճակի մէջ: Մի բուն իսկական երկրագործ ժողովրդի դարաւոր

հողերը խլում-յափշտակում են մի քանի դարաւոր ու ազահ բէկերը. իսկ ես՝ այդ դժբաղդ ժողովրդի որպէս հարազատ որդի, իմ սրբազան պարտքս եմ համարում բողոքել այդ անիրաւութիւնների դէմ և իշխանութեան խորին ուշադրութիւնը հրաւիրել կատարուած յանդուգն ղեղձումների մասին: Վասն զի դժբաղդ Հայ ժողովուրդը այլևս ապրելու հնար և միջոց չունի, ուրիշ մօտակայ գաւառներում էլ ազատ հող չկայ, ուր նա կարողանար գաղթել և նոր բնակութիւն հաստատել \*): Ընդհանրապէս Ուտիացոց աշխարհի բոլոր երկրագործ գիւղացիք թաղուած են ծանր պարտքերի տակ, մինչև իրենց կոկորդը, որոնցից ազատուելու ոչ մի հնար չունին: Որովհետև, ինչպէս ասացի, նրանց դառն աշխատանքների արդիւնքները բէկերն են յափշտակում, նրանց ուզն ու ծովը անխիղճ վաշխառուներն են ծծում անյազ տղրուկի պէս: Ընտիր յատկութիւններով օժտուած մի բուն ընտիր երկրագործ Հայ ժողովրդին թողնել իրենց անողոր ճակատադրին, բոլորովին անխոհեմութիւն ու անխղճութիւն է ամեն մի բանիմաց և զգայուն Հայի կողմից: Այդ դժբաղդ

\*) Բագուաբնակ Հայ կալուածատէր Սոսքել-ապէր Մատուրեանի և Գրեգոր-ապէր Դիլլաբեանի հետ մի քանի տարի առաջ երկնք ու բարակ զբաւոր բանակցութիւն սկսեցի, որպէսզի հողից զրկուած 45—50 տուն Հայ գիւղացիների բնակութեան համար հողաբաժիններ տան իրենց ընդարձակ ագարակներում որոշ պայմաններով: Բայց բարեսիրտ երկու Հայերը ես՝ իրենցից անկախ արգելաւիթ պատճառներով իմ յոյսերս ի դերև հանեցին...



երկրագործ Հայ ժողովրդի աղի արցունքները սրբել և գիւթական գաւազանի մի հարուածով անվերջ չարիքները վերացնել ու նրանց բարօրութիւն և երջանկութիւն պարգևել, մեր տկար ոյժերից շատ ու շատ վեր բաներ են: Ապա ուրեմն երկու չարիքներից փոքրագոյնը պիտի ընտրել: Այդ դժբաղդ ժողովրդին վերահաս թշուառութեանց մաշող ճիրաններից փրկելու համար ևս առաջարկում եմ հետևեալ կտրուկ միջոցները: Նախ՝ բանալ երկդասեան դպրոցներ, երկրագործական և գիւղատնտեսական բաժանմունքներով, որ գիւղացու երեխան կարողանար մի թեթև գաղափար կազմել գիւղատնտեսութեան տարրական գիտելիքների մասին: Երկրորդ՝ գիւղատնտեսութեան վերաբերեալ, ուժասպառ և նիհարացած հողերը պարարտացնելու, նորագոյն գործիքներով մշակելու եղանակի, եղջիւրաւոր անասունների և պտղատու պէսպէս ծառերի ագնուացման և զարգացման մասին դասախօսութիւններ կարգաւ երկրագործ ժողովրդին հասկանալի—Ուտիերէն, Հայերէն և թուրքերէն լեզուներով: Երրորդ՝ ցոյց տալ նրանց (գիւղացիներին) երկրագործութեան և գիւղատնտեսութեան վերաբերեալ պէսպէս կատարելագործուած գործիքներ և բացատրել նրանց գործածութեան եղանակը: Չորրորդ՝ կազմել «սպառող» և «արտադրող» ընկերութիւններ \*)՝ մեծ և

\*) «Մշակի» 1903 թ. 199—200 և 202-րդ համարների բանասիրական բաժնում յարգելի պ. Ն. Թովչեանը «Օգտակար կազմակերպութիւններ» խորագրի տակ մի շարք

կենդրոնական գիւղերում, որ գիւղացոց բերքերը նա արտահանէր և ձեռնտու պայմաններով վաճառէր նշանաւոր քաղաքների շուկաներում, իսկ իրենց գիւղացոց անհրաժեշտ պէտքերը ինքը հոգար՝ տալով նրանց արժան գնով: Հինգերորդ՝ հիմնել գիւղերում հասարակական շտեմարաններ և երկրի բոլոր բերքերից որոշ տոկոս յետաձգել այդ ամբարների մէջ: Ապա անբերրութեան առն վաճառել ամբարուած բերքերը և այդ վա-

շահեկան յօդուածներով մի առ մի ցոյց է տալիս, թէ ինչպէս և ինչպիսի եղանակով կարելի է կազմակերպել «սպառող» և «արտադրող» ընկերութիւններ մեր Հայ գիւղերում: Հաստատ փաստերով նա ապացուցանում է, որ այդպիսի օգտակար ընկերութիւնները մեծ բարեփոխութիւն և աճազին յեղաշրջումն առաջ կբերեն մեր գիւղական թմրած և յետ մնացած Հայ ժողովրդի մէջ: Նա խորհուրդ է տալիս գիւղի հասկացող երիտասարդներին, որ ժողովրդի գլուխ անցնեն և սկսեն գործել: Բայց սողերիս զբող գիւղացու զաւակ լինելով, նա շատ լաւ ծանօթ է թէ գիւղացու զարն վշտերի ու անհուն ցաւերի և թէ ամեն մի օգտակար գործ սկսելիս՝ խոշընդոտ եղող և արգելք հանդիսացող «Մատուր Բիւսարկիների» խափանիչ գոյ ծողութեանց հետ: Ուտի համարձակում եմ ասել, որ «Օգտակար կազմակերպութիւններ» սկսել մեր Հայ գիւղերում, տեղական անպարտաւոր և անձեռնմաս մարդկանց ձեռքով, կնշանակէ տուն շինել աւաղի վրայ: Իմ համեստ կարծիքով, այդպիսի «Օգտակար կազմակերպութիւններ» ձեռնարկելու համար գործը յաջող և հաստատ հիմքերի վրայ զբուած կլինի միայն այն առն, երբոր ձեռնարկողները և վերահսկողները կլինին զրտից եկած բանիմաց, բարեխիղճ, բարեբարոյ, խեղճի, մտքի և տպաւորող լեզուի տէր և բունն հոանողով գործող մարդիկ:



ճառումից գոյացած գումարով օգնել ամենաաղքատ գիւղացիներին և կամ համայնքի ամենակարևոր ծախքերը հոգալ: Վեցերորդ՝ Բագոււի կամ Թիֆլիզի մէջ կազմել այնպիսի ակցիօներական-երկրագործական մի ընկերութիւն, որի անդամակցական վճարը մատչելի լինէր նոյն իսկ թէ միջակ քաղաքացուն և թէ գիւղացուն: Այսպիսով կկազմուէր մի խոշոր գրամագլուխ և այդ գրամագլխով կարելի է գիւղական բանկ հիմնել Ուտիացոց աշխարհի բազմամարդ գիւղաքաղաքներից մէկում: Երկրագործ ժողովրդի անտեսական վիճակը բարեփոխելու համար կարելի է բանալ երկրագործական և գիւղատնտեսական գործերի վերաբերեալ պէսպէս մեքենաների և գործիքների մի մեծ պահեստ: Իսկ ազնուացրած կենդանիների ու պտղատու ծառերի համար հաստատել այնպիսի կայաբաններ, որոնցից Հայ գիւղացիք կարողանային լիուլի օգտուել: Այսպիսով թէ ակցիօներական - երկրագործական ընկերութիւնը կշահուի առատապէս և թէ երկրագործ ու անտեսապէս ընկճուած ժողովրդին մեծ բարիքներ արած կըլինի: Եօթերորդ՝ նշանակել Ուտիացոց աշխարհի համար այնպիսի շրջիկ քարոզիչ մի քահանայ և կամ վարդապետ, որ խօսելու և քարոզելու շնորհ ունենար, որ կոշտ ու կոպիտ գիւղացիների վըրէժիմարութեան և ատելութեան աւերիչ սերմերը ջնջելու կարողութիւն ունենար, որի մշտական բնակութեան տեղը լինէր ձալէթի վանքը և որի սրբազան պարտքը լինէր ձի նստել և շրջիկ գիւղէ գիւղ և անդադար քարոզէր ու համոզէր,

յորդորէր ու խրատէր, որ սիրով և համերաշխութեամբ ապրեն Հայ և թուրք տարրերը իրար հետ և երբէք միաս չտան միմեանց. լաւ բացատրէր ու հասկացնէր պարզամիտ գիւղացիներին, թէ միմեանցից քէն ու վրէժ լուծելու համար եղջիւրաւոր անասուններին ջլատելը, տնային կենդանիներին սպանելը, այգիների խաղողի վազերն ու պարտէզների պտղատու ծառերի կտրատելը, հացահատիկների ու խոտի գէգերի և տնիւրի ու մարաքների այրելը, մահացու յանցանք և անքաւելի մեղք է ամեն մի մարդու համար: Շրջիկ քարոզիչ քահանան կամ վարդապետը իւր ճարտար լեզուով, հասուն խելքով ու հեռատես մտքով գօրեղապէս կազդէր և կներգործէր գիւղացիների կոշտացած սրտերի ու խաւար մտքերի վրայ և ահազին բարեփոխութիւններ կմտցնէր նրանց մէջ: Այն ժամանակ պարզամիտ գիւղացիք սիրով և գրկաբաց կընդունեն այն ամեն օգտակար նորութիւնները, որոնք իրենց կենսատու և պայծառ լուսով բարեկեցութիւն, անտեսական բարօրութիւն և կատարեալ երջանկութիւն կըմտցնեն մեր գիւղական մուշկ ու խղճուկ կենցաղավարութեանց մէջ: Սակայն Ուտիացոց աշխարհի դժբաղդ գիւղացիները հնարաւորութիւն և կարողութիւն չունին հրաւիրել և պահել իրենց սեփական միջոցներով այնպիսի շրջիկ քարոզիչ քահանայ, որ ոչ միայն քարոզիչու և մտքերի վրայ տպաւորելու ընդունակ լինէր, այլ և տեղական լեզուների, ազգաբնակչութեանց սովորութիւնների և նրանց նիստ ու կացի հետ քաջ ծանօթ լինէր:



Ուստի Ս. Պետերբուրգի Հայոց եկեղեցական յարգելի խորհրդի մեծարգոյ անդամները մեծ բարիք և մարդասիրական մի գեղեցիկ գործ կատարած կլինէին ամբողջ Ուստիացոց աշխարհի երկրագործ դասի ազգաբնակութեանց համար, եթէ որ այդ բարեբեր գաւառում, պահէին իրենց հարուստ եկեղեցու հաշուով մի շրջիկ քարոզիչ քահ. որ միանգամայն ազատ լինէր ծիսակատարութիւններէրից և ծուխ հովուելու պարտաւորութիւններէրից: Ահա այսպիսով հետզհետէ բոլորովին կվերանային հարստահարութիւնն ու վաշխառութիւնը և ամեն տեսակ չարիքներ և այն ատեն երկրագործ ժողովուրդը կսկսէր զարգանալ ու առաջ ընթանալ՝ թէ բարոյապէս և թէ անտեսապէս, հաստատ և հզօր քայլերով: Ահա, այսպիսով միայն կզարգանար ու կծաղկէր Ուստիացոց երկիրը և իւր առատ ու ազնիւ բերքերով հարստութեան աղբիւր և անսպառելի շտեմարան կը դառնար ոչ միայն Կովկասի, այլ և լայնածաւալ Ռուսիայի ամենահեռաւոր վաճառաշահ քաղաքների շահագործութեան համար:



## ԵՐԿՈՒ ԽՕՍԻ

Մայրենի հողից և նշանաւոր կենդրոններից հեռացած ու անջատուած լինելով, գտնուում եմ այնպիսի մի երկրում, ուր Հայ գրականութեամբ պարապողի համար ոչ նպաստաւոր պայմաններ կան և ոչ էլ բարեյաջող հանգամանքներ: Ուրիշ խօսքով՝ հարուստ և ճոխ գրադարան-մատենադարան չկայ տեղս, գրաւոր աղբիւրներ և յիշատակարաններ չունիմ ես իմ ձեռքիս տակ, որոնցից կարողանայի օգտուել: Ուստի իմ ազնիւ ընթերցողներս և քննադատներս եթէ պատմական սխալմունքներ և անճշտութիւններ նշմարելու լինին իմ «Թուոցիկ ակնարկիս» էջերում, խնդրում եմ, թող ներողամտութեամբ նայեն և ակամայից սպրդած սխալմունքներ համարեն:







« Ազգային գրադարան



NL0415958



